



L. l. 56



T J 14

L. l. 56

00.

А. Н. с. б.





SPECVLVM  
SAPIENTIAE  
MATRONALIS.

EX  
VITA SANCTÆ FRANCISCÆ  
ROMANÆ FVNDATRICIS SORORVM  
TVRRIS SPECVLORVM.

PANEGYRICVS.

*Authore* ANDREA VALLADERIO,

A SANCTO PAVLO Foresiensi, Sacræ Thec-  
logiæ Doctore, Protonotario Apostolico, Regis  
Consiliario, Eleemosynario, & Concionatore  
ordinario Christianissimæ eiusdem  
Majestatis.

AD SANCTISSIMVM DOMINVM NOSTRVM  
PAVLVM V. PONT. MAX. Qui  
Beatam nuper solenni ritu consecrauit, Anno  
salutari CIO. DC. VIII. Ad iv. Kal. Iunias.  
Pontificatus sui Ann. iv.

*Fecit & labrum aeneum cum basi sua, de speculis mulierum,  
quæ excubabant in ostio tabernaculi. Exod. xxxviii.*



PARISITS.

Apud IOANNEM RICHER, via Diui Ioannis  
Lateranensis, sub Arbore virefcenti.

CIO DC. IX.

*Cum Privilegio Regis.*

*Ca*





BEATISSIMO AC  
SANCTISSIMO DOMINO NOSTRO  
PAVLO V. Pont. Max.

**B**EATISSIME PATER,  
Vidi te Domine quasi  
Angelum Dei, & con-  
turbatum est cor meum  
præ timore gloriæ tuæ:  
valde enim mirabilis es,  
Domine, & facies tua  
plena est gratiarum. *Quidni mihi licebit non  
minus attonito illa præfari, quæ multo minori splen-  
dore perculsa Regina Hester per inusitata admiratio-  
nis veluti ecstasim exclamavit? quàm enim illa me  
tanta gloria perculit, tam ista me diuina clementia  
recreauit: illa percelluit; hac subleuauit; illi in horrores,  
inde amores, ancipiti lucta, animum mihi in diuersa  
raptatum distraxerunt. Illi diuina radj Majestatis,*  
A ij

*Tyara vibrante, diffusi altiore humano fastigio hominem, inter homines, Pontificio iurare intermicantem praeberunt. Illa infinita comitas, supra id omne, quod credi, aut esse potest, Apostolica, pendentem ex recenti iactatione fiduciam erexit. Quid dicam? quid faciam? Beatiss. Pater, pro innumeris in immeritum collatis gratijs, nisi vel taceam obliuiosus, vel eloquar indisertus, vel iactem gloriosus, vel obstupecam attonitus, vel, quod in promptu demum est magis, feram conspectus ingratus? Imò quantum potero sanè & latere, & pectore, & calamo contendam, ut orbis terrarum Christianus intonet uniuersus, illa benignitate, omnium nationum vocibus, reuerberante. Ille ego sum multum exercitus, atque iactatus, horribili Subsolano cautes, & breuia, & monstra crispante, delatus in alteram Vlyssæam Ogygiæ, ubi ex iactatione, noua immortalitatis portum inueni. Iam vota persoluo, postquam, malacia subridente, puluinarium tenui, spumas undantes elisas sub pedibus fregi, status meis utribus facile conclusos coercui, iamque à tergo salum conspicio, gestioque; ut discat aliquando tempestas me non inconsulto contingere, nisi cum prosperatum, & coronatum volet. Immugi: illo turbine, pror-*

*ſus immaniter, pro minimo homine, ſed non ignoto  
quàm latè Gallia noſtra diſtenditur. Ego iam thea-  
trus argumenta præſtabam, an Comica ad ſannas, an,  
Tragica ad illos mores, & ad lacrymas: illa hoſtibus,  
iſta amicis. Illi ludebant, iſti lugebant; illi non tam  
mei, quam fidei hoſtes, oppreſſum, abſorptũ in fundo  
credebant, volebant; iſti depreſſum ad tempus, non  
oppreſſum ominabantur: illi funeſta omnia, & tetra,  
& ſanguinaria ſpirabant; iſti mitiora, & proſpera,  
& quæ modo ſunt, ſperabant. Ne! ſimul omnia illa  
inſuſpicata, reuulſo ſipario, Ioue tonante, in leuem re-  
uoluta ſtatim ſubito diffluxerunt. Gratiæ, ſuperi!  
grates, Beatiff. Pater, immenſas: inde mihi quadam  
diuina Calypſo, pro Harpyis emerſit: maliciam pro  
malicia, gloriam pro glareæ, ſortem pro ſyrte, fructũs-  
que pro fluctibus ſaneratus, per nutantes Symplega-  
das, impulſu retrogado, ad vellus amabile proiectus  
in tutum, ex arenis emerſus aras teneo.*

*Saxa vocant Itali, mediisq; in flucti-  
bus aras:*

*Ego Petri petram fundatricem Eccleſiæ Chriſtianæ  
potius ad meũ guſtũ interpretor. Italiam, Italiã &c.  
proxima hyeme, ſera, immemorabili, prodigioſa, in-*

uitis niuib<sup>us</sup>, hominib<sup>us</sup>q<sup>ue</sup>, glacies perrupi, niues trāf-  
 misi, Alpes trāscendi, Apēninū vici, Latium excur-  
 ri, Romam appuli, Vaticanum tenui, tribunal Apo-  
 stolicum applicui, suae Sanctitati suppliciter obuolutus  
 gratiam, qua non egebam, deprecatus; ius, quod me-  
 rebar, comprēcatus, utrumque, tum quod nolebam,  
 tum quod poscebam sum consequutus. Primum ad  
 meam causam ( quis credat adeo diuinam clemen-  
 tiam inter mortales diuersari? ) illa tanta Maestas  
 sese ipsa dimisit: me diū ad ipsius pedes perorantem be-  
 nignissimè audijs: libellum meum ipsamet, per sese  
 singulari admodum priuilegio, accepit, perlegit, desti-  
 nauit: iudicem ipsa se esse voluit: disceptatorem, cogni-  
 toremq<sup>ue</sup>, ex sacro purpuratorum numero, cum maxi-  
 mè sua diuina manu RESCRIPTIT, quem inte-  
 gerrimum priscae sanctitatis exemplar, viuum, ac  
 spirans simulacrum equitatis, & totius Religionis  
 omnes agnoscunt, Illustr. Cardinalem de Giury, qui  
 negotio penitus pertentato, disceptatōque, ad suam  
 Sanctitatem exactè, & sanctè retulit. Ipsa, cognita  
 causa, Sacro ore pronūciauit, consciuitq<sup>ue</sup>: primum,  
 uti mihi rite authentica tabula expedirentur, qui-  
 bus in plenum omnis vitae superioris, & votorum

omnium quacunque obligatione exsolutus, & liber  
imposterum sedatiùs, tutiùsque viuerem: tum quibus  
mea integritati, sinceritatiq; ita penitus cautum esset,  
publico testimonio, ut nulla noui diuortij alia causa  
penitus, nisi honestissima, atque in summa, quòd  
mihi ita commodum foret, redderetur.  
Deinde ( quoniam, nulla mea culpa, imo ne cogitanti  
quidem mihi omnia cõtigissent ) ita me beatũ voluit,  
ut alia mihi omnibus his lōgè maiora, sed non passim  
peruulganda contulerit, quæ, ne recrudescat inuidia,  
præmitto; quibus nihil aliud voluisse, aut effecisse  
videtur sua Sanctitas, nisi ut, præter parietes, totus  
Societatis essem, totâque Societas mea, quam ita ex  
animo colueram, ut nisi Sanctissimum, secundum  
Deum, altissimũque consilium aliud mihi consu-  
lisset, idẽq; consiliũ fuisset multorum amplissimorũ  
Cardinalium, aliorũq; omni ex ordine grauissi-  
morum inclyta vrbis, sine cõtrouersia, hominum, sũ  
exquisita doctrina, sũ celebri vita probitate insigniũ,  
mihi statutum, & certum esset, pactum semel vite  
genus nunquam abrumpere, atque ad extremum  
vite spiritum ( quod mihi expeditum, ac liberum in-  
tegra adhuc, & aperta omnia faciebant ) in pri-



*mò vestigio sistere: de quo testem inuoco cordium scruta-*  
*torem Deum, nullam mihi tum aliam mentem*  
*fuisse; Quanquam alibi, aquè bene, aquè tuto, aquè*  
*fructuosè, me Deo posse, cuiusque Ecclesia inservire nec*  
*dubitabam, nec ignorabam, imò recenti experientia*  
*sentiebam. Quanquam, ut illa maxima Societatis*  
*privilegia mihi concessa silentio obuoluã, prò cumulo*  
*certè celebre illud, & illustre Sanctissima Inquisitionis,*  
*& beneficium, & testimonium omnem inuidiam*  
*ingulare, omnemq; calumniam obruere potest, quo,*  
*sua Sanctitate presente, sedente, decernente, maxi-*  
*mi, & grauißimi Cardinales, ex sua Sanctitatis*  
*sententia, mihi eximias facultates libros quoslibet*  
*prohibitos tractandi, legendique, Hæreticos transfu-*  
*gas, ceterosque eius generis criminum Reos absoluen-*  
*di, Ecclesiæque Catholica, reconciliata fide, restituendi,*  
*concesserunt: diploma solenne super ea re etiam am-*  
*plum, & graue ipsorum Cardinalium manu sub-*  
*scriptum, & publico Sacra Inquisitionis sigillo obsi-*  
*gnatum expedierunt, ut ad strenuè decertandum in*  
*isto Catholico stadio, duplicatis presidys, me armarèt,*  
*ubi sine cuiusquam offendiculo, imò claro nostra na-*  
*tionis applausu, Dei beneficio, hætenus pro sedis*  
*Apostolica,*



*Apostolica, fideique Catholica gloria, atque propagatione, tot annos dimicasset, pro qua, vel cum extremo periculo capitis, adusque extremam vite metam, siue per infamiam, siue per bonam famam; stat mihi inuicto semper, infractoque animo, Christo Domino Agonotheta, summo Pontifice Antesignano, contendere. Illa mei iuris; hac Summi fauoris qua dicam fuerunt. Afflictum, & iniquè vexatum illa diuina amula Clementia SVB SUA SACRA TVTELA, SANCTAE QVE SEDIS APOSTOLICAE PATROCINIO in perpetuum suscepit; primo adspetu; sua sponte; me neque flagitante, neque tam ingens beneficium aut sperante, aut expectante. Quid hoc homini afflicto dulcius? quid senè tractato optatius? quid ignoto, nulloque fauore, nisi impenetrabilis innocentia, armato honorificentius accidere potuit, aut opportunius? Quid quod in eo illa admiranda benignitas sistere non potuit, verum, quo me iacentem non modo opportunè erigeret, sed etiam gloriose extolleret, pro coniurata infamia, me non obscura gloria exornauit? in sacrum, ac nobile Protonotariorum Apostolicorum Collegium gratis mera beneuolentia cooptauit? Planè diuino consilio sua Sancti-*

*Etas gubernatur: nam illa benefacta, quæ me vnum  
 spectabant, multo latius equidem diffunduntur:  
 Liceat enim mihi, Beatiff. Pater, hanc vocem veri-  
 tati dare; aly magno numero vel calumnijs oppressi,  
 vel alijs vexationibus impetiti, qui aliàs aut despe-  
 ratione precipites acti se in hostium baratrum deuol-  
 uebāt, aut iniuria se prafocari, tum ingenti Eccle-  
 siastici ordinis dedecore, tum maximo Hæreticorum  
 risu plausūque sinebant (immemores puellam viola-  
 tā, quæ non clamauiſſet in urbe lapidationi obnoxiam  
 fuiſſe) aut hominum fauore perterriti extraria tribu-  
 nalia experiri, quàm totius aequitatis fontem adire  
 malebant, meo exemplo, & ſua Sanctitatis clemen-  
 tia inuitati ad communem parentem confugere,  
 paternaq; illius, quam ego ſenſi, charitatis complexus  
 adire nihil verebuntur imposterum. Nihil dico Re-  
 gem Chriſtianiſſimum Henricum IV. eius benigni-  
 tatis praiudicato exēplo, ſuaque mirabilis humani-  
 tatis inſtinctu permotum, me pari clementia com-  
 plexum eſſe, mæroris penitus abſteriſſe reliquias,  
 me homuncionem ſummis honoribus, ac beneficijs  
 ſuis ornaſſe, meque imprimis eo beatum feciſſe, ut  
 maximo, optimoque Regū, domeſtico, Elcemoſinarij,*

Et Cancionatoris obsequia, deferuirem, quod ego fortunatum obsequium Aristoteleo genio, etiam cum Alexandro Magno praesuit, infinitis paribus antepono. Quae tot, tanta, tam graua incitamenta me Roma in ingratisimo otio versantem impulerunt, uti interim auderem ansam, quae prima iusta sese daret, arripere, ut quàm me sua Sanctitati deuinctum sentirem, tum illi, tum posteritati testatum relinquerem. Per illos dies Sanctam Franciscam, admirabili fauore numinis, felicissimo successu, ingenti, ac planè regio apparatu, Sanctis ad censuit. Hic ego testis oculatus existimaui reliquum mensem, quem inde Roma egi, posse fructuosè occupari; opus absolui, Romano praelo dare volui, nisi negotia mea Transalpina professionem meam quanquam incommodissima, atque ardentissima anni tempestate, maturarent; ut quamprimum Protonotarij Apostolici sacram, et peruectam dignitatem me Pontificia liberalitate non frustra consequutum ostenderem; et simul eius unũ antiquissimum munus exoluerem, quod Protonotariorum olim apud maiores nostros praecipuum fuit, notare, atq; describere illustria facta Sanctorũ. De quibus omnibus, quae hactenus à me commemorata

*sunt, locupletem, & certum, quem supra memoravi,  
 Cardinalem de Giury testem habeo, aurea fama, in-  
 corrupta fidei, inuiolata conscientia, integra, & im-  
 penetrabilis religionis. Accipe igitur, Beatissime  
 Pater, aeternum addicti, deuotiq; ingenij pri-  
 mulum pignus maiora, & grauiora, & opera  
 magis ardua, ad sancta Sedis Apostolica obsequium  
 interim parantis: maxima merces mihi operis erit,  
 primum si me sub sua sanctaq; Sedis tutela, qua me  
 ultro suscepit, & beneuolentia, contra calumniam,  
 meumque hunc Panegyricum sibi dicatum, contra  
 inuidiam, semper impostero tueri, ac fouere digne-  
 tur: tum si omnes intelligent, quam sua Sanctitati  
 viuã obstrictus: deinde si audient quem existimæ mea  
 Romana profectio multis obscura, plerisque dubia,  
 nonnullis suspecta, alijs molesta tandem habuerit:  
 denique si perdidicerint, quam solemnè, atque authen-  
 ticum, quam serium & graue, quam æquum, &  
 pacatum, quam iustum, & honorificum Societati  
 in perpetuum vale dixerim; in amplissimo orbis  
 theatro, ad tribunal Apostolicum, in oculis Pontifi-  
 cis Maximi, ad sacrosancta Vaticani adyta: quan-  
 quam sanè illa distractio magis corporum fuerit,*

AD PAVLVM V. PONT. MAX.

*quàm mentium, & parietum potiùs, quàm volun-  
tatum. Quod superest, Deum Optimum Max.  
quoad vita spirabo mea, obsecrabo, ut suam Sancti-  
tatem tantoperè orbi Christiano necessariam, ama-  
bilem, & opportunam, per diu nobis conseruet bea-  
tam, incolumem, florentémque; nostra verò tenuitatis  
aliquando, saltém semel in vita, memorem.*

Suæ Sanctitatis Humillimus, addictissimus,  
atque in perpetuum deuinctissimus famulus,

ANDREAS VALLADERIVS.

1800  
The first of the year was a very  
cold one, and the weather was  
very disagreeable. The snow  
was very deep, and the wind  
was very strong. The people  
were very much distressed,  
and the cattle were very  
suffering. The people were  
very much distressed, and the  
cattle were very suffering.

The second of the year was a  
very cold one, and the weather  
was very disagreeable. The  
snow was very deep, and the  
wind was very strong. The  
people were very much  
distressed, and the cattle were  
very suffering. The people  
were very much distressed,  
and the cattle were very  
suffering. The people were  
very much distressed, and the  
cattle were very suffering.



ILLVSTRISSIMO DOMINO;

DOMINO ANNÆ D'ESCARS

CARDINALI DE GIVRY, DOMINO

suo perpetuùm colendo.

ANDREAS VALLADERIVS S.  
ET FOELICITATEM.



*T quis nouit utrum idcirco ad regnum ueneris, ut in tali tempore parareris? Planè Benedi-* Hester. 4.  
ctina familia omnium Religiosorum ordinum Regina, ac parens, Cardinalis Illustrissime, vndique lacescita vel ad istius tuæ purpuræ gremiũ, inde solatium haustura, cõfugit, vel ad illius summæ authoritatis, atque amplitudinis dexteram, sin minus inde opem, saltem commiserationem, & gratiam aliquam reportatura, se recipit. Ecce, nouam tibi Sanctitatis Christianæ propaginem, nouam suæ æternæ fœcunditatis sobolem B. Franciscam pro Ad-uocata, eius suspiria pro vocibus, suas lachrymas pro sepiã, intimum pectus tuum pro membrana immit-tit. Hec mihi ille florentissimus Ordo, qui nobis qualem habemus Ecclesiæ securitatem, Majestatemque vel peperit, vel conseruauit, vel propagauit; qui infi-



nitam cælo prolem, qui innumeros Ecclesiæ Christianæ religiosos surculos edidit, iam, viperinum penè in morem, à suis miserè fœtibus laceratur! quæ suo sanguine, & sudore, in media barbarorum, & tyrannorum rabie, tanto ex tempore, parauit, diripere, decoquere, sorbere profani, sacræque certatim, quasi ad viscerationem famelici, inhiâtetque non desinunt. Ac satius fuerat quæ deuotarent suo Marte quærere; satius sese suo, quàm alieno saginare; satius venerabilem decrepitæ parentis canitiem suspicere, quàm in illius adhuc insepultæ scrinia, hæreditatémque domesticam inuolare. Sed nihil horum in mentem venire cupidis potest; dedecorent, depauperent, licitentur; nihil saluum in instituto monastico, nihil intactum, aut tutum in latifundijs, nihil sanctum, aut integrum in domicilijs relinquant, nihil tum, crescant, habeant, locuplerentur modo. Certè quidem vetusta nobilium ædificiorum rudera, quanquam vetustate labantia, veneramur: prisca icones squalore, sitûque marcentes, ex illustrissimorû virorum insculpta memoria, magno pretio habemus. Heroûm aliquando nobilium liberos, nepotes, pronepotes, abnepotes, posteritatem vniuersam obseruamus; tamen si eius gloriæ propagatores interiisse, posteros verò etiam in noxas abiisse videmus. Quid dulcissimas Sanctorum exuias, sacræque spolia tumulis inclusa marmoris, quàm piè, quàm sanctè suspicimus, colimus, adseruamus? Iam verò quas tot seculis, tot tyrannis oblectantibus, familiæ Benedictinæ reliquias exstate conspiciamus,



conspicimus, quis nisi amator sui, alienius raptor in  
dubium trahat, nobilissima esse gloriosissimi ordinis  
veluti rudera. inuictissimorum heroium viua adhuc, &  
spirantia simulacra, iucundissima innumerabilium  
Sanctorum pignora, diuinasque reliquias fundatissi-  
mæ, atque antiquissimæ sanctitatis? imò quotquot  
hodie diuina prouidentia, ad Christianæ Reipublicæ  
ornamentum, ebulliunt noui ordines, aut à mille  
plusquam, & ducentis retro annis ebullierunt, guttulæ  
modò sunt perexiguæ, aut fonticuli ad summum, qui  
ex illo ingenti Oceano defluerunt. Nihil temerè,  
nihil inscianter, nihil nisi certis, summisque authori-  
bus, dicam. Septem amplissimi, vt de minusculis alijs  
taceam, adstrictioris vitæ ordines notæ antiquæ,  
totidemque alij sacrorum Equitum ex illa veluti pe-  
renni scatebra emanarunt. Illi notissimi. Camaldulen-  
sis, vallis vmbrosæ, Cisterciensis, Montis Virginis, Cœ-  
lestinorum, & Montis Oliueti, cuius postremi sub  
disciplina, mulierum cœtus è turri speculorum à B.  
Francisca fundatus, meretur: atque Sanctis omnes illi  
Ordines institutoribus propagati sunt, Romualdo,  
Gualberto, Roberto, Guillelmo, Petro Moronio, &  
Bernardo Tolomæo. Equestres etiam celeberrimis  
Auisensis Alfonso Lusitano Rege parente, cruce ru-  
bra: Alcantarensis, viridi, Gometio Fernando autho-  
re: Mercedis, candida, Iacobo Rege Aragonum insti-  
tutore: Montefiensis, rubra, Guillelmo Eiliorio  
Principe: Iesu Christi, item rubra, Dionysio Rege  
Lusitaniæ fundatore: S. Stephani, candida veste, sub

## AD ILLVTRISS CARDINALISM


tegminerubro, Cosmo Medicæo Magno Etruriæ  
 Duce propagatore, qua sacra Etrusca militia, Leo  
 XI. Pont. Max. etiam felici ordinis ornatu  
 floruerat. Quid ego dicam viros heroës, qui, stupen-  
 do numero, ex hac diuina schola, veluti ex Durateo  
 equo, ingentia orbis Catholici decora, prodierunt?  
 Duos supra quinquaginta circiter Pontifices Maxi-  
 mos, in quibus septem origine Gallos, Ecclesiæ dedit:  
 Cardinales ducentos, atque in ijs quinquaginta no-  
 strates Gallos ad augustissimam purpuram euexit,  
 quinquageno numero vndique sacro, & magno lu-  
 bilæo dicato tuis sanctissimis moribus reueruato;  
 quinque Patriarchas Hierosolymitanos, vt alios præ-  
 terea, mille sexcentos Archiepiscopos, quatuor  
 verò Episcoporum millia gubernandæ Ecclesiæ sub-  
 ministravit: virorum illustrium, ac Doctrina nobi-  
 lium insignioris notæ quindecim omnino millia ex-  
 tulit: Imperatores, aut Imperatrices tres, & quadra-  
 ginta, Imperatorum liberos quatuor, & quadraginta,  
 Reges, Reginæque sex, & nonaginta, ipsorum verò  
 filios septem supra centum, alios Principes innume-  
 rabiles aluit, fouit, tenuit. At Sanctos Ecclesiæ senten-  
 tia approbatos qui minimum dicunt quinquaginta  
 millia numerant. Deus immortalis! hoc Sanctorum  
 sacrum, hoc tot summorum Principum domici-  
 lium, hunc tot heroûm perennem Oceanum, hunc  
 tot summorum antistitum fontem æternum, hanc tot  
 Cardinalium officinam, hoc tot Pontificum Maxi-  
 morum antiquum, augustum, diuinumq; conclaue,

tamen inuenientur in genere humano, non dicam Christiano, quid si in religioso? qui contemnât, expilent, violent, cōculcent, depopulentur? Sed demissiùs agere hic depressior ad scribendum magis, quàm ad dicendum, locus postulat. Hic opem, hic quidquid carissimum habes, Cardinalis amplissime, conferendum. Tot te Pontifices laceſſunt ex tumulis; tot ex ruderibus istis collegæ adhortantur; tot Præsules exactis templorum adytis obsecrant; tot viri clarissimi Heroës suis immortalibus insignium lucubrationum monumentis etiam, atque etiam obtestantur; tot è cælo Sancti inclamant; tot Imperatores, ac Principes ex vallis quò secesserant, solitudinibus vociferantur; ipsa tota sacrosancta familia expapillata, sorditata, semilacera, manantibus lachrymis, tibi in genua miserabiliter accidit, tibi supplices tendit manus, fidem implorat tuam, illa quæ Reginæ Hestæ olim Mardochæus magis singultibus, quàm vocibus insulurrat. *Si enim nunc silueris per aliam occasionem liberabuntur &c. &c. quis nouit utrum idcirco ad Regnum veneris, vt in tali tempore parareris?* Imò equidem quis dubitat te ista morum probitate spectatum, illa vitæ Sanctimonia clarum, hactotius ingenij comitate amabilem, ipsaque tota aũthoritate, & gratia Pontifici Max. tenerrimè charum, vniuerso Cardinalium cœtui venerabilem, & gratiosum, omnibus bonis mirè commendatum, idcirco diuino calculo ad hoc fastigium euectum fuisse, atque selectum, vt opportuno subsidio, mœrenti, iacentique parenti tuæ, vt dignitate, & integritate


AD ILLVSTRISS. CARDINALEM

præluces, ita studio, & ope, & fauore succureres? Verū,  
quid tua? mihi obſtrepēt illi aliqui? primū, mirum  
in modum mea. Eundem enim, Cardinalis maxime,  
cum B. Francisca Archimandritam B. Benedictū, re-  
ligioſa vita & regula conſectaris: vt prætermittam di-  
uiniffimi Ciftertiensis Ordinis quem vndique omnes  
impunè dilacerāt, patronum tutelarem conſtitutum  
fuiſſe, imò perparum abſuiſſe, quin ſemel, atque ite-  
rum, omnium votis, Generalis illius Abbas legerere,  
quod ego à Nicolao Boucherat eius admirandi ordi-  
nis Reuerendiſſimo Generali præpoſito, viro pru-  
dentia ſingulari, vitæ eximia Sanctitate, morum in-  
credibili facilitate, totiūq; ingenij maxima grauitate,  
toto Gallia Regno, imo toto orbe Chriſtiano, quò  
Ciftertiensis Ordo iam pridem penetrauit, celeberrimo  
2  
mo, audiuiſſe me memini: eum verò ordinem B. Ber-  
nardi Auguſtini noſtri æterno miraculo clarum ma-  
gis, quàm oculos meos, magis, quàm ipſa mea viſcera  
amo, colo, venerorq;e, vt feci hæcenus, vt faciam in  
illa immenta æternitate. Præterea ex quo tempore me  
es dignatus paterno pluſquam amore complecti, ita  
ſtatui me totum tuum eſſe, meque impoſterum om-  
nem, quem aliò animum iam ante contuleram, atque  
omne ſtudium in eum Ordinem, quem egregius, &  
gratus alumnus ſuauiſſimè amas, transferre oportere.  
Nam qui me iniquiſſimè vexatum es benignè ſolatus,  
gremioq;e complexus, qui in mea lite ad Tribunal  
Apoſtolicum, iuſſu Pont. Maximi, referenda, ius  
meum caſtè, atque integrè tenuiſti, pro vexata inno-

centia stetisti, æquitatem rebus omnibus prætulisti; qui me demum tum primùm cognitū, & exploratū, dignū iudicasti, qui tibi interuirem, & quidem in munere amplissimo, & honorificētissimo, de quo, rebus maturis, & quod breui speramus, stabiliti, gratias agā ampliores; nihil mei mihi reliquum fecisti, quod ego tibi non perpetuo nexu obstrictum putem. Quare neminem etiam toto purpurato Collegio seligere aut potui, aut debui vel mihi magis beneuolum, & fortunatum, vel sedi Apostolicæ magis iucundum, qui meam hanc opellam Romæ, lucubratione menstrua, te vidente, spectantēque, absolutam, Pontifici Max. præsentaret, de cuius in me singulari beneuolentia me toties certum, beatumque fecisti. Denique nostra Sancta D. Benedicto tecum addicta me vel inuitum impulit, monuitque, ut hæc auderem Domino meo, magna libertate, paucis exponere, eiusque nomine, illa obnixè inculcare, ut quoties afflictam nobilissimam familiam Benedictinam vel ipse oculis videris, vel aliorum sermonibus inaudieris, vel meis scriptis deprehenderis, vel ipsiusmet lamentationibus, singultibusque persenseris, toties de exquirendo remedio recorderis. Ita Deus Opt. Max. te nobis diū, quod omnes ex animo efflagitant, conseruare dignetur incolumem, mei que afflictissimi nuper, nunc tua, secundum Deum, ope, tuæque gratia felicissimi, semper amantem, ac memorem. Vale.



T A B V L A,  
ET SERIES OMNIUM, QUÆ  
HOC PANEGYRICO  
continentur.

- I.  *PISTOLA* dedicatoria ad summum Pontificem Paulum V.  
ubi suæ profectionis Romane rationem reddit author.
- II. *Epistola* altera ad Illustrissimum Cardinalem de Givry, qua eius patro-  
cinio Ordo Benedictinus commendatur, & gratia aguntur.
- III. *Proæmium* Panegyrici, quo illa præcipuè breuiter continentur.
1. *Diuinitas* se bisariam manifestat hominibus. 1. rebus creatis na-  
turalibus; 2. miraculis. fol. 1. & 2.
  2. *Authoris* institutum aperitur. fol. 3.
  3. *Quàm* iure apteque B. Francisca à Paulo V. debuerit in Sanctio-  
rum numerum referri. fol. 4. & 6. B.
  4. *Difficultas* istius negotij Theologicè explicatur. fol. 5.
- IV. *Tota* Panegyrici delineatio ex *Apotheosis* veterum Romanorum repetitur  
sex maximè capitibus, quæ pyram imprimis ligneam attingebant.
- fol. 7. fol. 8
1. Ex triplici pyra congerie plena tabularum.
  2. Ex lectulo funebri ad tholum adposito.
  3. Ex Aquila in summo locata.
  4. Ex frequentia, atque applausu circumstantium omnium ordinum.
- V. *Allusione* ad Turrim speculorum, vita B. Francisca; & tota consecratio  
ad illos *Apotheosis* ritus comparatur. fol. 8. B. ac primo pyra ex canti-  
cis, seu lignea Turris illi allegoricè inibi exactè descripta erigitur in  
vniuersum. fol. 9.
- VI. *PRIMA* congeries, seu contignatio huius sacrae pyrae aut Turris, tota ex  
Cedro, tenerioris, & iunioris ætatis statum virginalem B. Francisca  
sex capitibus representat, ac describitur primum in genere. fol. 10.

# TABVLA.

*Tum sex illa capita singillatim exponuntur.*

1. B. *Francisca orius, & parentes.* fol. 10. B.
2. *Eius Baptismus.* fol. 11. A.
3. *Incunabula Ecclesie Catholica teterrimo schismate laboranti auspicata.* fol. 11. B.
4. *Virginitas plena miraculi.* f. 15. A.
5. *Indoles puerilis, & educatio admirabilis.* f. 15. B.
6. *Angeli tutelaris conuictus familiaris, & sensilis presentia usque ad obitum, fusè. f. 16. A. & sequ. ubi de tutela Angelorum, de vetustioribus Beata picturis, & de mira, quam ab illo custode hauriebat, disciplina.*

VII. SECVNDÀ contignatio statum conjugalem ad vinum refert composita ex ligno pomorum variorum generum, & ex vire, describitur vniuersè. fol. 22. A. Tum sex tabule, seu pectura illi affixa singillatim describuntur ex senis preceptis conuivialibus.

1. *Huius Sancte erga maritum suum obseruantia, f. 23. A. qua elucebat*  
  1. in colendo marito, 2. in eius obedientia, 3. in castitate conuiviali mirabili. 4. in summo erga illum amore. Quorum omnium imitatio mulieribus nuptis induitur.
2. *Liberorum exactissima educatio. f. 27. A. ubi ostenditur eius liberos ferè omnes Sanctos obijisse. Tum illa prolis cura matribus imitanda proponitur.*
3. *Familia seu famulorum cura, quanta in hac Beata matrefamilias Christiana. f. 29. B. Ibidem ad imitationem matrone excitantur.*
4. *Erga vicinos, aliòsque exteros eius agendi sanctissima ratio. 30. B.*  
  1. erga pauperes pro corporum cura; 2. erga omnes pro animorum institutione, qua parte multa passim in eo genere edita miracula perstringuntur: Imitatio interim inculcatur.
5. *Erga seipsam praprium studium. f. 34. A. ubi quatuor prapria capita attinguntur. 1. cultus, & ornatus corporis, ubi fusè contra vanitatem illam mulierem, 2. sui summa despicientia. 3. mira in aduersis rebus patientia; ubi cacodamonum in illam odium, & inuersiones prolixè narrantur. 4. membrorum, & carnis seuerissima castigatio. Imitandi ratio ceteris matronis temperatur.*
6. *Erga Deum qualem se exhibuerit. f. 45. A. Quo loco illa tractantur.*  
  1. Amor in Deum, atque eius summus in sacramento Eucharistiam at-



# T A B V L A.

dor, ubi ostenditur illam in consecrata hostia Christum solitam agnoscere. 2. Rerum diuinarum assidua meditatio, ubi passim miracula. 3. exteriora pietatis, & vocalis orationis exercitia maximis miraculis illustrata. 4. scrupulorum, & rerum curiosarum ablegatio, ubi de valetudine illi à B. Alexio mirè restituta. Demum ad imitandum alia eius sexus excitantur.

VIII. TERTIA contabulatio, viduitatis precepta cõplectitur. Tota ex Plasano, Palma, & Terebyntho describitur, f. 55. Inibi sex illa isē agalmata depinguntur, quibus sens alia viduitatis precepta continentur.

1. Sancta familie institutio, quod de B. Francisca in Religiosa familie institutione explicatur, f. 56. A. illaque tractantur imprimis. 1. Congregationis Turris speculorum fundatio. 2. eiusdem congregationis leges diuinitus acceptæ. 3. egregia documenta, quæ B. Francisca inculcare solebat. Imitatio Religiosis proposita.

2. Maxima in Deum, & constantissima fiducia. f. 61. B. quo loco exponuntur ingentia miracula ex illa fiducia patrata.

3. Perfecta orandi, & diuina tractandi ratio, f. 63. A. qua parte hæc tractantur. 1. Ad supremam contemplationis perfectionem euectam fuisse. 2. Quotidiani illius in Deum raptus. 3. Quadam illius precipue ecstasies ad similitudinem cœlestis beatitudinis. 4. Rerum arcanarum, etiam futurarum, & intimarum cogitationum inspectiones.

4. Lachrymarum assidua profusio. f. 67. B. 68. A.

5. Inculcata totius vite ratio, f. 68. B. simulque imprimis ibidem agitur de illius admiranda obedientia, qua etiam in mediâ ecstasi obtemperabat.

6. Pia Christiana charitatis opera, f. 72. A. Quæ breuiter explicantur, duodecim miraculis recensitis, quibus varias corporum agtitudines, ex summa charitate sanauit.

IX. LECTVLVS Triumphalis ad Tholum locatus Sanctæ Francisæ gloriosum funus exhibet, ac Tholi primum structura ex Cupresso exprimitur, f. 73. B. postea illa commemorantur.

1. Felix obitus B. Francisæ. f. 74. A. & sequ.

2. Celebre illius funus publico miraculo clarum. f. 76. A.

3. Alia miracula sub eius funus, & feretrum facta. f. 77. A.

4. Illius tumultus cum veteri Epitaphio. ibid. B.

5. Miracula post illius obitum edita. 78. A. & sequ.

A 2 V I L A,




X. *AQVILA*, Paulus V. Pontifex Max. ad quem spectabat B. Franciscam inter Sanctos adscribere, quod alij Pontifices non potuerant. f. 80. quo loco illa narratur.

1. Quinam alij Summi Pontifices hoc negotium, & quoties tentarint, nec perfecerint. 81. A. ubi de Illustriss. Cardinale Serafino breuiter.
2. Vita humane calamitosissima inconstantia ex occasione describitur. 83. B.

XI. *OMNIVM* ordinum ad pyram frequentia totam Consecrationis B. Franciscæ celebritatem & solemnem ritum representat, quæ in genere primum attingitur. f. 84. B. Deinde illa singillatim, pro uniuersa Canonizationis pompa, expediuntur.

1. Vltima Relatio, & supplicatio, primum ad Paulum V. Pont. Max. facta; & exacta, ac postrema à iudicibus habita de hoc negotio questio. f. 85. A.
2. Tria Consistoria ad rem denique decernendam indicta. 85. B.
3. Apparatus exterior huius celeberrimæ pompæ. 87. A. ubi describitur. 1. locus celebritati destinatus Templum Principis Apostolorum Vaticanum. 2. cancelli ad turbas arcendas. 3. Theatra. 4. funeralia. 5. extima ornamenta parietum, portarum, vexillorum, & alia.
4. Ipse ritus, & uniuersa ratio Canonizationis f. 92. B. Illaque speciatim commendatur. 1. vestis sacra magnificentia. 2. Celeberrima supplicatio ordinibus suis ob oculos subiecta. 3. Pont. Max. ipsa consecrans sacrosancta ceremonia. 4. Tota urbe publica, & sumptuosa postmodum habita gratulationes, & festi undique applausus.

XII. *PERORATIO* ad Catholica Ecclesia hostes ab errore, si fieri potest, reuocandos. f. 100. B.



AD LECTOREM S. BENEVOLAM.

**B**ENEVOLE, aut quicumque es, Lector, tu seu bene, seu malè velis (nam  
ita sunt humana, ut bonis malè malè velint, & malis etià boni bene  
faxint) promiscuè tibi hanc opellam effundo. Boni consule, si beneuo-  
lus es, sin maleuolus, ab: malè. Tamen nobis ne officio obsecro, nec de te  
vnquam, nec de publico, vel hic, vel aliàs, male meredubus. Scio, & sen-  
tio qui peius faciunt, ignauum fuci pecus, quadà pruriginè mali ingenij,  
meliora atrodere malè quàm facere. Ego nec carpi, nec carpere ià affluui  
sine scœnore. Audiverò: nihil moror porro istas nocturnas, quæ magis plena  
luce cæcutiūt. Sancta ista sunt, & de Sanctis oblatabunt. Quidlibet sanè  
in odò ne mordeant. Quæ sancta illi non violant: Euangelium lacerent,  
Sacros Patres calcant, omnes superos cõspuent, omnia de Sanctis vbuis,  
à quouis descripta vellicent, & nobis Panegyricò in argumento recenti  
exultantibus parcant: Nec verè sum, nec optandū, ac minus oprandum etiam,  
quàm verendum. Sine mihi illas Cicadas obstreperc, constringemus. Non  
verecor ut sacra mea me præsentē impunè profanent. Habeo vnde pruri-  
ginem illis abstergam. Si qui aliq alienæ famæ profluuiosores aliunde  
ebullientis nostræ, vel insurrectione obcurabunt, vel maleuolentia adul-  
terabunt, vel ignorantia lancinabunt; primùm impensè mentientur, tum  
viriliter coërcebuntur: deinde opportunè castigabuntur. Iam experientia  
incendes sumus, malleos aspernamur, & tundimus: cautes euasimus, tide-  
mus vndas, sistimus ventos: pleni spirituum. Deo spirante, plenis velis;  
duphcaris remis, valde serena securitate, ad Reipublicæ Christianæ obse-  
quium, Regijs, atque Pontificijs auspicijs, nauigamus. Vos beneuoli, qui  
me ià placido portu spectatis, fauete, adspirate, hincipite: hinc nò nihil quo  
utiliter pascatur animus deprehenderis; ego verò vestra beneuolentia im-  
mortaliter gloriosus, & tutus, magis seria, magisque negotiosa propediem  
elucubrabo. Ira valeas, ita prosperes, ita viuas. uti ego te colo, uti tute me  
amas, nec amplius, nec melius, amice, ac beneuole lector.

## EXTRACT DV PRIVILEGE.

PAR grace & priuilege du Roy il est permis à M<sup>re</sup>. ANDRE VALLADIER, Docteur en Theologic, Protonotaire Apostolique, Conseiller, Aumosnier & Predicateur ordinaire de sa Majesté, de faire imprimer par tel Imprimeur & Libraire que bõ luy semblera vn liure intitulé *speculũ Sapientiæ matronalis &c.* Et sont faictes deffences à tous autres Libraires & Imprimeurs de l'imprimer, ny exposer en vente durant dix années consecutives, sans le consentement dudit sieur Valladier; sur peine d'amende arbitraire, & de confiscation de tous les liures qui se trouueront imprimez. Voulant qu'estant mis le present extract au commencement ou à la fin dudit liure, il soit tenu pour deuëment signifié, ainsi que plus au long le contiennent les lettres patentes sur ce données à Paris le sixiesme Ianuier mil six cens neuf.

*Par le Roy en son Conseil*

PASTOUREL.

NOS infra scripti Doctores Sorbonæ Parisiensis perlegimus librum R. D. ANDRÆ VALLADERII, cui titulus est *Speculum Sapientiæ matronalis, &c.* nihilque in eo deprehēdimus alienum à fide, aut bonis moribus, aut impediens quominus typis mandari possit. Romæ 25. Iulij 1608.

F. IACOBVS LE BOSSV.      LVDOVICVS DE CROEIL

## ERRATA.

Errata	Corrige	Pagina.
<b>A</b> Scedisse	Astedisse	5. A.
Deflagrante	Deflagrante	9. A.
Dracones	Dracones	9. B.
Authenticè	Authenticè	12. B. & alibi suspè
Lactæolum	Lactæolum	19. B.
Tum	Tum	19. B. ver.
Sub tegmine	Subtegmis	20. A.
Extrema	Extrema	20. A.
Fragilitatem	Fragilitatem	21. A.
Oppetendam	Oppetendam	27. B.

<i>Errata.</i>	<i>Corrige.</i>	<i>Pagina.</i>
Præmonuit	Præmonuit	28. B
Nec inopinatio	Nec inopinatio	30. B
Ingerato	Ingrato	37. B
Liceres	Diceres	39. B
Auertuncanda	Auertuncanda	40. A
Lacessere	Lacessere	42. A
Minora	Maiora	44. A
Visitata	Visitata	44. B
Mentis	Mentis	53. B
Quærum	Qui rum	56. B
Ramusculos	Ramusculis	57. A
Tremendum	Tremendam	ibid.
Singulos	Singula	58. A
Antiquus	Antiquius	59. A
Locum eligunt	Locum exigunt	60. B
Dragemata	Dragemata	74. A
Exaggerarenturque	Exaggerarentur	77. A
Stultio	Studio	80. A
Referrenti	Referrent,	83. A
Tu	Tum	90. A
Conuestitæ	Conuestitæ	90. B
Precis	Precisè	92. A
Frequenter	Frequentes	ibid.
Effigem	Effigiem	94. B
Flagellis	Flagellis	95. A
Iteratam	Iterata	98. A
Prisæ	Prisæ	101. A
Vindique	Vindique	102. B
Paribus	Partibus	Ep. Pont. Antep.
Succurre	Succurre	Ep. Cardin. penult.



SPECVLVM  
SAPIENTIÆ  
MATRONALIS

EX

*Vita* SANCTÆ FRANCISCÆ ROMANÆ,  
*Fundatricis Sororum Turris*  
SPECVLORVM, &c.

PANEGYRICVS.



MAXIMA quædam vis est Diuinitatis,  
Beatissime Pater, cuius præclarissimum  
lumen tenebris ab omni parte densissi-  
mis circumseptum, & opaca quadam no-  
stræ mortalitatis nebula circumuallatum, prouiden-  
tiæ tamen omnia moderantis eubratum igniculis  
emicat interdum, atque perrupta nostræ imbecillita-  
tis caligine, quasi fulgur erumpit ex nubibus, & dis-  
sultati; quodammodo impetu, dilucescit. Nunc cum  
ex tanta varietate, tôtque ex generibus, nullum esset  
animal, præter hominem, quod diuinæ scientiæ ca-  
pax, aut interminatæ illius particeps Diuinitatis exi-  
steret, quæ natura illi anticipationem quandam sui

A

procreatoris iniecerat, ea expressam illius imaginem inculpfit in pectore: hominem summo consilio, & incredibili quadam celeritate mentis ornauit; illum tota conformatione corporis, non modo animi, stabiliiuit, vt sua sponte ad cælum, haud secus ac Heliotropion ad solare sydus verteretur, quò & illi radices obuertit, eo vt ingenio illum quasi ad cognationis, domicilii que paterni conspectum, vt Plato testatur in Cratylo, excitaret. Illi concessit intelligentiam, quæ cum aliud nihil esset, quàm emanatio quædam illius immortalis intelligentiæ, & fluxio, vt ita dicam, diuinitatis ea solertissime posset ratiocinari; mentem quandam diuinæ capacem indidit, qua ex rebus, quæ sub sensum cadunt, ad suas ipsius functiones moderandas, ad reconditas naturas rerum scrutandas, ad cogitationes suas supra seipsum occultis veluti, atque infinitis quibusdam machinis, præstanti quadam, præsentique æternitatis imagine reuoluendas, sese ipse reflecteret: omnium seculorum non præsentium modo, sed longè dissitorum seriem replicaret: eoque tandem admirabili instrumento, immotus omnino, immensæ huius terrenæ molis abditissima quæque perrumperet; mergum ad maria penitus percontanda ageret; cælos pernicitate mirabili præteruolarer; denique erratico veluti quodam obnifu deerrantium, ac veluti in sese pereuntium alarum ad diuinam essentiam inexplicabili celeritate transcenderet, infinitam, inaccessam, ex sese mille infinitatibus idealium profunditatum fœcundissimam, vt soli Deo penetrabi-

lem, ita soli cognitioni merè diuinæ cōsentaneam. Ac fuerat satis conditori æterno, ista rerum creatarum tanta, tam varia, tam certa, statâque miracula edidisse, quæ dum videmus, obstupescimus, nisi vel ipsa sibi humana natura vilesceret, vel illa rerum familiaritas, & obfirmata in commeando, agendoque constantia ex ingenita lege firmitatem, ex firmitate assuetudinem, ex assuetudine contemptionem, ex contemptione fastidium faceret: dum ex necessitate nescio qua; ingratî! fieri arbitramur, quæ sempiternis præpotentis creatoris ordinibus, & perenni indicta serie semper cueniunt. Quis enim se teneret? quis non miraretur? quis non maximè obstupesceret, si hodie primùm solem adspiceret? Si Telluris sobolescentem fecunditatem tam æquabili varietate dissimilem, si vicissitudinem temporum, ac tempestatum, si vim beneficam, & arcanam astrorum omnia penitissimè peruadentem, si vniuersi diuinam, complexâque veluti naturali quodam fato compagem, si retrogradas elementorum reciprocationes vltro, citrôque, mutuis deliciis luxuriantes, si denique immensam illam terræ iacentis, subsidentisque molem suis libratam ponderibus intueretur? Ergo sapientissimus ille mundi opifex Deus eam rebus legem fluenti nexu adstrictam imposuit, quam cernimus satis, parum, vt par est, adoramus, à qua vel tantillum abscedere absque illius nutu, natura non potest. Verùm cum ille eius solùm lusus esset in orbe terrarum, non operæpretium infiniti negotij, id sibi iuris in omnia reservauit, vt illius natu-



lis ingenij veluti franos adduceret, cùm vellet, atque remitteret, omniâque secus posset efficere, quàm destinata illa complexio postularet: quæ nos monstra, & prodigia, si inuisa, & extraria sunt; portenta, si bonorum, malorumve prognostica; si verò suprema, si extraordinaria quadam potestate omnia naturæ curricula transcendente patrata, miracula appellamus: à quibus vt via quadam lactea ad omnium authorem, atque opificem agnoscendum, redamādumque, non tam spontè traduceremur, quàm odore veluti diuinorum aromatum traheremur. Quo in genere sunt, qui vnicè admirentur illas, inferiore sensu fatiscente, abstractiones à corpore; sunt qui rerum aut arcanarum vaticinationes, aut remotarum inspectiones, aut futurarum prædictiones; sunt qui redditam agris desperatis vi diuina, & insperata quadam, valetudinem; sunt qui cæcis aciem restitutam, claudis, ac mancis membrorum vsum reuocatum; mortuis denique vitam postliminio redonatam maximè obstupefiant. Ego, B. P. qui illa magna duco, alia quædā maiora in Sanctis admiror, illa ipsius sanctimonix prærogatiua authoramenta, ex quibus illa alia profisciscuntur. Noster ille magnus Claraualensis, qui non modò diuinitus scribebat, sed mirè ipse, pæsîmque patrabat miracula, de suo fortunatissimo hospite Beato Malachia dicebat, maximum miraculum, quod præstitisset Malachias, fuisse Malachiâ. ô Beata! ô sancta! ô diuina Roma! viuum, ac spirans simulacrum antiquæ sanctitatis, impietatis debellatrix, expultrix errorum, Caco-

S. Bernar.  
Maximū  
miraculū  
quod f. cit  
ipse fuit.  
In vita S.  
Malachia



dæmonum triumphatrix, caput orbis habitabilis; specimen archetypum virtutis Christianæ, miraculum pietatis auitæ, hospita receptatrix omnium gentium, palladium Apostolicæ firmitatis, asylum æternitatis, perennitatisque Catholicæ; denique illibatissimæ Religionis emporium, arx fidei inexpugnabilis, scaturigo prodigiorum, officina sanctorum! quam tui partem habes non summæ sanctitatis impressam, dedicatæque vestigijs? Ignosce, B. P. inusitatus ille splendor, ac fulgor amplitudinis Romanæ, ita in hac me mea prima ingressione dicendi perculit, vt illa tantumnô, quæ suscepi, interrompere hortetur: veruntamen de Beata Francisca Romana dicere cogitantem, quam tanto apparatu, tam exquisita magnificentia, adeo incredibili fauore numinis, pacatissimi huius pontificatus studia, & vota omnia prosperantis, in Sanctorum numerum intulisti, par est in isto vestigio, eodem ipso numine auspice, pressè consistere. In quo tum multa sunt, quæ me perturbant satis, tum alia, quæ me erigunt, atque incendunt porro magis. Ego ille advena Gallus valida tēpestare quasi proiectus ad Vaticanū, exarmata, laceratæque nauicula, immani pelago sua intestinæ odia despumante, ferocium vndarum vorticibus ebullientibus, infremente, insaniente, bacchante vesanissimo subsolano, audeam etiam vix dum malacia exfuriata procella recuperata; oppido postquàm vix dimidiato corpore enataui, ad Romana rostra de magna Romana, Romæ, non Romanus, Romanè dicere? de Sancta non Sanctus? apud supremam orbis

Christiani majestatem nouus, atque ignotus? ad Vaticanum? ad puluinaria Apostolorum? audiente, spectante, disceptante Pontifice maximo? nullo alio, quàm præclaræ conscientię inexpugnabili testimonio commendatus? heu me! effugiam ego crimen peripatetici Phormionis, quem ferunt coram Annibale, qui tot annos de Imperio, cum populo Rom. omnium gentium victore certauerat, aliquot horas copiosè, nec inornatè de Imperatoris officio, & de rei militaris tota ratione perorantem delirum, ac vesanum esse habitum Græculū hominem, qui nunquam hostem, nunquam castra, nunquam cruorem, nunquam solem, aut puluerem vidisset? sed me sustentat, ac reficit, Beatissime Pater, spectatæ huius tantæ sanctitatis humanitas, quæ me nuper suis pedibus procumbentem illa stupenda clementia, madentem etiam non, stillantemque suscepit in littore, quæ amplexata, quæ solata est, quæ omnem ex animo penitus mœrorem absterfit, cum & me verbis, & sacris amplexibus, & toto auspiciatissimo adspectu, affatūque complexa, suis præterea nec vsitatis, nec mediocribus beneficiis, & rebus ornauit; immeritum Beatissime Pater, sed mœrentem, & sperantem tamen, atque afflictum ab iniusta, & inuisitata vexatione ad sedem Apostolicam nec frustra, nec immeritò appellantem. Pax sit rebus, Deo laus; etiam toto pectore gestio me ita iactatum fuisse, si me ad hanc propitiam Calypso deportare procella debuerat, atque ad istos amplexus Christianæ Sanctitatis immittere, vbi tam salutarem, tam tutum, tamque opta-

tum portum inuenirem. Gaudeo, exulto, & cresco me in sancta Romana, licet peregrinum, quod me aliqua ex parte contingeret, reperisse: liceat enim mihi semel exilire dicendo, & quæ nec fortuitò, nec temerè, sed aliqua numinis prouidentia, fuerunt, fortunato complexu consociata, connectere. Beata Francisca nobili parente, Paulo Buxensi, felicissimo satù pro-  
gnata, præcipua quoque, vti accepimus, religione, B. Apostolo Paulo deuincta, cuius suburbanam ædem Augustam quotidie dum viueret, obfirmato proposito, adire soleret: deinde ordinis ab se postea ad Turrim speculorum instituti Regulam eiusdem Apostoli Pauli dictatu consequuta; ad extremum à Paulo V. Pont. max. quod felix, faustumque sit, atque inclyto Populo Rom. auspicatum, & salutare, fastis æternis adscripta Sanctorum, non indignè feret, vt spero, oratorem quanquam omnium infimum, ac penè infantem, sed à sancto Paulo tamen oppido Segusianorum in Gallia oriundum, præclara sua facinora, resque diuino miraculo perpetratas, peregrino, atque inculto stylo recensere. Tamen si antequam ad illa præclara venio, atque maxima, in quibus exultare, & triumphare qualiscunque tandem illa debet oratio mea; placet cum sapore quodam iucunditatis minimè ingrato consonantissimam illam dissidentium rerum ab ocula illa vi numinis conglutinatam similitudinem commemorando prægustare. Nam neque Sancta potuit, nec Romana debuit, nec miraculorum effectrix experit, nec Pauli filia voluit ab alio Pontifice supremis

honoribus consecrari, quàm à Paulo V. in quo hæc omnia, conspirantissima consensione coniugata mirè consentiunt. Si consecrari, non modo laudari sanctâ à sancto, scilicet laudatâ à laudato oportebat, què magis sanctû, quâ Christû Domini? què vita innoxia magis amabilè nostris seculis Apostolicû tribunal Pontificè excepit, quàm eum qui toto Tyara sacrosancto sanctissimus, sanctius viuit etiam, quàm induitur, sanctior inculpatæ mentis ingenio, tota passim Christiana Republica honoratur, quàm Romæ pontificio cognomento colitur? Si Romanum authorem Romana poscebat, quem Romanum magis, quàm è gente Burghesia pontificem, quo vel ipsa corporis maiestate dignissima imperio, vel antiqua probitate, vel prisca grauitate, vel natali Romano ne Romam quidem ipsam magis vnquam fuisse Romanâ arbitror? qui nō allata foris, sed spectata diù suis oculis, consecrandæ illius sanctimonix argumenta non diu solùm ipse spectasset, sed suis etiam sanctissimis moribus, rediuiua Romano populo id primum flagitanti expressisset? Ac si de miraculis fuerat afflatu Pontificio ferenda sententia, per quem aptius oportebat, quàm per eum, qui diuina subfortitione lectus Pontifex, purpurato conclau propemodum nesciente, Deo suis nutibus humana consilia ludificante, ita vixit deinceps, ita viuit hodie, vti è cælo lapsus magis inter homines, impenetrabilis prouidentix prærogatiuo calculo, quàm gratia, aut studio, aut factione mortalium ad illud amplissimum fastigium prouectus censeatur? nouit quid dicam

dicam tota Roma testis oculata gestarum rerum: audiuit, & gestijt illo delectu obstupefactus, & quasi in communi triumpho exultauit orbis terrarum vniuersus, cuius illa vox me sæpe afficit, reficitque mirabiliter plerósque Pontifices aliàs suffragijs hominum, studiisq; delectos fuisse, Paulum vero V. à numine ipso donatum mortalibus ista tam extraordinaria suffragatione diuinitus obuenisse. Iam si Paulum parentem, Paulum sanctum tutelarem sortita, Paulum consecrationis Antistitem expetiuit à superis, & exorauit, proh superi omnes! tuque præcella Trias imprimis, quæ nobis tantarum rerum effectrix extitisti! quantum, & quàm alium Paulum, qui non vsque ad cælum tertium deportatus, sed vsque ad inaccessum ipsum purissimis cælorum intelligentijs æternæ prædestinationis Empyreum, vsque ad ipsa profundissimæ Diuinitatis adyta, ad sancta sanctorum Pontifex transcendente volaru subleuatus, inibi ea arcana verba de sancta Francisca percepit, quæ homini loqui, nisi summo, inspiratóque Pontifici nusquam liceret? non dico an in corpore, an extra corpus. Hoc tantum affirmo, Beatissime Pater, atque hoc pace dicam tua, nullare Pontifices maximos magis ad Diuinum illud numen accedere, quàm illa triumphali pompa sanctorum ritibus hisce solennibus decernēda. Primum, Christiano, ac Theologo more, explicata sanctitas, proprio comprehensa nomine, gratia est animo instillata cælitus, cui infixæ tantisper inhæret, dum se quis ab omni labe lethali purum, atque incorruptum absti-

net: de quo miracula quidem vt plurimum, & vitæ  
societas insolita quadam pietate exulta testantur, at  
& miracula patrare, impietatem vultu, vitam superci-  
lio, scelera parietibus tegere ita improbi possunt, vt  
hominibus ad tempus imponant, nisi non sceleratus,  
atque perditus Iudas ille extitit, quem & diuini scri-  
ptores commemorant opera admiranda cum cæteris  
effecisse, & vulgo mortales pro Apostolo numera-  
bant, adibant, venerabantur; quem Christus Domi-  
nus vnum interim ex omnibus Diabolum appellabat,  
intestina verò latrocinia ita iam deprauauerant, vt fu-  
rem se, atque latronem multo antea, quàm prodito-  
rem, atque sicarium exhiberet. Deinde hoc etiam vl-  
trò demus posse contingere, vt certa dum viuunt cer-  
tæ probitatis indicia aut habeant sancti impressa in pe-  
ctore vnitione Spiritus obsignata, aut alijs exhibeant  
nec fucata, nec tortuosa, aut perplexa foris (de quo  
tamen ne sibi quisquam blandiretur ille faciebat, qui  
neminem hominem certò scire ex ore sapientiæ voci-  
ferabatur vtrum amore, vtrum odio dignus esset) at de  
suprema hominis voluntate, quam volaticam, atque  
versatilem quamdiu versatur in corpore est cōsequu-  
tus, quis iudicare queat? De extrema verò constantia,  
de cumulata, atque vltima gratia vsque ad exitum vi-  
tæ retenta, quæ nobis, imò Angelis ne quidem aduer-  
tentibus vnica assensuuncula amitti potest, præsertim  
in ancipiti conflictu incerti, & horrendi, & summi  
agonis, quis non dico sententiam ferre, sed suspicari  
se posse confidat? vlla humana perspicacitate? vlla

quanta maxima diligentia ? vilo suscepto per omnes conjecturas, per quæcunque humana subsidia quàm exquisitissimo labore, ac studio ? non est humani res illa consilij. Deum Deum esse oportet: cum ipsa æternitate consultasse: cum Diuinitate vixisse familiariter, ineffabilem prælagi numinis prædestinationem insurphantem, inspirantemque audiuisse, in ipso Concilio assedissæ diuinissimæ Triados oportet, qui id se posse polliceatur. Quæ si nec sunt, nec esse possunt huic nostræ depressissimæ mortalitati concessa, quid reliquū est, nisi vt qui ipsum queat, audeatur, homo sit tamen, ipsius Diuinitatis suggerentis admonitu ad illa arcana subuectus aspiret, cuiusque ex ore tum certò Deus ipse illa per sese, tanquam ex diuino oraculo proloquatur? Ac tenetur quidem summus Pontifex humana consilia, & testimonia scrutari omnia sapienter, inter homines collocatus vti humano more, atque ingenio tota consultatio transigatur: quæ tametsi adiumenta sunt ad consilium diuinum exquirendum & necessaria, & opportuna, & in eo adhiberi à Pontificibus quanta humanitus maxima possunt semper solita, at negotiū denique ex illa notitia determinari, absque peculiari Dei inspirantis instinctu, nullo modo potest. Planè cogitata, effata, effecta que Pontificum præpotentis afflatu prouidentia gubernantur. Parricidarum improbißimum sacrilegum Caiapham vaticinatum de Christo soterem fuisse memoria tenemus, quòd eius anni Aaronicum Pontificatum iniuisset: etiam Doctiores Hebræorum magistri scriptum tradiderunt



Hebræorum Pontificum pectorale gemmatum, gemmis vi occulta quadam sua lumina collibratibus, quasi quibusdam characteribus responsa, atque oracula reddere Iudaïco populo consueuisse. Mirum! sed verum<sup>1</sup>, æternisque legibus consentaneum, ne vel improbitate, vel imbecillitate innata hominum vis illa suprema in suis sacris administrandis illigata, vincitæque teneatur. Audebo igitur, Beatissime Pater, audebo aliquando præcellæ illius fortunæ tuæ causa gestire, gratularique ex animo toti orbi terrarum?

Ezechiel.  
17.

*Hæc dicit Dominus Deus. Aquila grandis magnarum alarum, longo membrorum ductu, plena plumis, & varietate venit ad Libanum, & tulit medullam Cedri; summitatem frondium eius auulsit, & transportauit eam in terram Chanaam: & tulit de semine terræ, & posuit illud in terra pro semine, ut firmaret radicem super aquas multas, in superficie posuit illud. Ecquæ isthæc Aquila alstra præteruolat, præteruecta pernicibus alijs conuexa cælorum, ipsam Diuinitatis immensæ scrutata profunditatem, æterni arcani medullam inde auulsam ad nos transtulit? atque exinde volatu retrogrado iterum nixa Romanis soli sincerum germen in ipsa conuexa cælestium globorum superficie supra Empyreum, super aquas cælestes, scilicet supra cælos, quibus aquæ dederunt nomen, conatu mirabili collocauit, vbi in totam æternitatem fructum gloriæ sempiternæ proferret? Quidni ista ista Romana est Aquila, quæ mentis æternæ perscrutata recessus absconditos miseris hominibus replicauit, rursûmque sementem Romana tellure.*

Idem  
ibi aqua

gravidata profeminatam cælo intulit Franciscam Romanam viuifica sobole procreatam ? Certè quidem Aquilam, Beatissime Pater, præterquam Romana patria tuæ sanctitati communem, etiam Gentilitia illa Burghesiorum insignia propriam fecerunt. Aquilam autem maximè omnium pollere volatu, excelsissima quæque transuolare, defixo obtutu, imperterrita acie, in solis ardentem rotam intendere, pullos verò suis alis in sublime elatos ita probare ad radium solere, ut si immota pupilla astrum perferant, pro germanis habeat; sin conniueant, pro spurijis abijciat; nemini, opinor, obscurum esse potest, qui vel mediocriter fuerit in ista vulgari politioris literaturæ luce versatus. Ad quem porro potius spectabit definitam diuinitus de cuiusvis sanctitate sententiam, vel eruere abditissimis ignotæ determinationis ex latebris, vel exinde erutam in vulgus efferre ? hoc est, ut verbo dicam, sanctorum vitam ad solis illius intellectilis, quem Plato, & Trismegistus appellabant, puta diuini verbi archetypum radium, atque ideam explorare ? Adulterinas verò veterum simulationes probitatis specie personatas à veris secernere ? Annon profectò ad Paulinam Aquilam vel Romano volatu præpetem, vel Pontificia perspicacitate cælestem ?

Quamquam peto hanc veniam ab hac sublimi sanctitate, mihi ut liceat quandam bene longinquam veteris Romanæ magnificentiae nec iniucundam, nec instituto meo alienam consuetudinem altius repetitam accersere: nam neque Primigenia illa Catholica

Ecclesia indecorum existimauit superstitionis antiquæ profanos ritus melioribus permutare, quantum per Germanam Religionem fieret, vt Romanæ illius dominatricis potentia recepti tot seculis mores, non tam sublatis, quàm aliquanto immutati, perfectique putarentur; neque magnus ille Hieronymus abs re Christiana esse censuit, quod spoliandis Ægyptijs Hebræi præstiterant, nos ad nostros vsus sacrilegis veterum transferendis moribus vsurpare. Illa gloriosa Respublica, quæ nihil minus animo, totaque illa infinita ambitione, quàm adumbratam quandam diuinitatem conceptam haberet, suo typho immortaliter infatuata, fundato præsertim, & florente imperio, quos Imperatores diuinum aliquod supra hominem facinus patrasse duxisset, eos verò diuinis honoribus consecratos superstizioso illo quidem, & sacrilego, verum apparatissimo ritu inanium Deorum indigentum numero adiungebat: quòd Constantino magno Christianæ amplitudinis assertori accidisse vni inter omnes accepimus, vt idem à Barbaris inter Deos, & à Christianis inter Sanctos censeretur. Apotheosin illi dicebant; quæ ea seriè, eaque pompa adornabatur, vt Imperatore, qui referendus in Deos, & consecrandus erat vita perfuncto, pyram tabernaculi instar in foro construerent vario lignorum cumulo exaggerato, quàm auro, ebore, signisque, ac depictis tabulis exornatam alio super alio sese vsque tertiam cōtignationem in fastigium coarctante affabrè componebant. Aquila viua cum omnium Deorum aggestu in

Herod. lib. 4. in Apotheosi Septimij Seueri.  
Alex. ab Alex. Genial. Diogen. lib. 6. cap. 4.  
Plato vltim. de Republ.

summo culmine posita visebatur : senatus, equester ordo, viri triumphales, consularésque, quique in Rep. honores gesserant amplissimos, vndique magnifica purpura intermicante, procedentes lectulum in pyram festo carmine, hýmnisque conceptis vndique circumsonantibus deportabant. Demum humanis, ac diuinis honoribus aggestis inflámata pyra cū vapore, & fumo Aquila agitata è summo vertice tabernaculi aëra petisset, religio incussa fuit, adeò superuacanea vanitas illorum mentes infuscauerat, ipsius animum, per inane, cœlum petiisse, ipsúmque eo omni quod humana concretione contraxerat, defæcato, in numero cœlestium, & concilio Deorum receptum, atque habitum fuisse : quæ ego totidem ferè verbis exactè ab Alexandro descripta bona fide narraui. Arripio omen ex illa Aquila; reliquam superstitionem penitus respuo, atque contemno. Quòd si illi heroës leuioribus prælijs alieno hoste triumphato victores, suo intestino scelerum omnium agitatore victi, errore hominum, & commendatione fumosarum imaginum euehi putabantur ad superos: cur non omni etiam celebritate maximi honoris efferentur Christianæ illæ animæ Pancratiaistæ, quæ vitijs fractis, mundo deuicto, carne prostrata, Tyrannis conculcatis, Diabolo debellato, Tartaro spoliato, seipsis triumphatis, stadio exercitatis viræ decurso, iam suis in cœlo triumphis elatæ auo illo sempiterno fruuntur? Atque si parua magnis rectissimè conferuntur, vt Tullius dixit in illo Oratore perfecto, facessat:

mihi procul illa profano cultu lignorum extructa congeries; aliam animo comprehensam habeo Salomonis artificis sapientia, & pereleganti Diuini pneumatis rerum creatarum opificis, manupretio in perampla Catholicæ Ecclesiæ area excitatam, non tam pyram, quam turrin, & quidem ligneam plenam speculorum, & pretiosarum imaginum, compositam alia strue, alia materie, alia Aquila, alio rogo, alijs tabulis, alio lecto, alia purpura, alijs aromatibus: in quo ne diffluat, aut exundet oratio: Turris illa reuera speculorum, & triumphalis pyra triplici ordine lignorum fabrefacta mihi erit Beatæ Franciscæ vita omni virtutum apparatu, triplici statu, videlicet virginali, coniugali, & viduitatis Religioso proposito cummulatæ compositissima. Tabulæ, & simulacra, seu specula malumus haud alia, quàm eius virtutû & miraculorum imagines: lectulus, mors eius gloriosa tam grata varietate rerum maximarum præclara: senatus, & triumphales viri, certè amplissimus Cardinalium confessus purpuratus, quo suffragante, adstantèque, pompæ extremum negotium est exolutum: magistratus, qui flammam rogo submitterent, & reliqua turba populi acclamantis, vrbs Romana inclyta, & magistratus Capitolini quorum votis, & incensis precibus, Pontificia sanctitas, sublimitasque, hoc est illa sacrosancta Aquila summo rogo imminens eius victricis sanctæ celebritatem gloriosam sanctorum in cælo regnantium triumphis consociauit.

At illa structura tabernaculi, ac turris triumphalis  
quàm

quàm apta ! quàm affabrefacta ! quàm multiplex ! nū-  
 quid non illa Canticorum ? *Sicut turris David collum* Cant. 3.  
*tuū, quæ edificata est cū propugnaculis: mille clypei pendent ex*  
*ea omnis armatura fortium :* aut hæc Beata non sit illa for-  
 mofa fponfa, quæ fe pulchram ait ficut tabernacula Ce- Cant. 4.  
 dar, ficut pelles Salomonis ; quæ tigna domorum fua- Eccl. 24  
 rum iactat Cedrina, laquearia Cypreffina, cuius emis-  
 fiones paradifus malorum punicorum, Cypri, cum  
 Nardo, Nardus, & Crocus, fiftila, & Cinnamomum,  
 cum vniuerfis lignis Libani : quæ quafi Cedrus exalta-  
 ta in Libano, quæ Cypreffus in monte Sion, quæ pal-  
 ma exaltata in Cades, quæ plantatio rofæ in Hie-  
 rico, quæ oliua fpeciofa in campis, quæ Platanus  
 exaltata iuxta aquas, quæ Cinnamomum, & Bal-  
 famum aromatizans, quæ Myrrha electa, quæ quafi  
 Terebinthus extendit ramos fuos, quæ quali vitis fru-  
 ctificauit fuauitatē odoris ; qua diuina cōgerie defra-  
 grante, illo ipfo igne, quem Chriftus in terrā immifit,  
 noftra Francisca cælefteſ ſpiritus obſtupefactos elata Cant. 3.  
 ſyderibus cōëgit in illam admirationem erumpere.  
*Quæ eſt iſta, quæ aſcendit per deſertum ſicut virgula fumi ex*  
*aromatibus myrrhæ, & thuris, & vniuerſi pulueris pig-*  
*mentarij ?* Verè Cypreffus in montibus, vitis in colli-  
 bus, oliua in campis, roſa in hortis, platanus in lubri-  
 co, Cinnamomum in ſicco, Cedrus in nemore, pal-  
 ma in littore ; hoc eſt opinor, erecta in morte, fru-  
 ctuoſa in thoro, manſueta in choro, vegeta in labore,  
 firma in periculis, depreſſa in proſperis, inuiſta in  
 aduerſis, incorrupta in corpore, intacta in mente. Ex

ijs lignis tergemina assurgit non temerè exaggerata, sed exquisito artificio elaborata substructio, Hexagona vndique strue, striatis opere Ionico, Corinthio, & Dorico per senos angulos distincta columnis, quarum quaternæ singula latera ad prospectum adornant, paulo alio trium ordinum situ, quàm alioqui in humanis ædificijs consuevit. Primâ partem fascia pedalis multifaria diuersitate lignorum tessellata circumcingens stereobatæ locum obtinet: surgunt inde stylobatæ coronati, qui interjecta spatia aptè distinguât: nec spatijs, stylobatæ sue non suus ornatus adjectus: ibi singularû virtutû Hieroglyphica argumêta celata visuntur sigillis qua pedalibus, qua cubitalibus venustissimè circumscripta, supra stylobatas columnæ ad angulos binæ dispositæ: in ipsis verò intercolumnijs bini signorum loculamentis inclusorum ordines interjecti, vnus ad bases infernè profanarum imaginum, alter supernè ad epistylia veterum exemplorum sacræ historiæ: in maioribus interuallis inter columnarum scapos tabulæ ingentes vbi illustrium Beatæ Franciscæ factorum argumenta picturis insignibus, vel speculis, si lubet, pulcherrimè repræsentata miraculo sunt. Epistylia denique columnarum variato ordine egregiè facta multiplicia vestiunt coronamenta, quibus iniecta interstitia fabrefacta corona cinguntur ad summum, vbi vel columbæ, vel Aquilæ, vel Dragones vigiles mordicus tenentes Eucarpus, restesque pomorum, & fructuum floribus, frondibusque multifariam intertextis bellissimè lemniscatos rostris obni-



rentibus cohonestant. In summò denique spectatissimus columellarum ordo coronatus compositi ordinis, sed item lateribus crystallinis loco tabularum ad funeris miracula excipienda iniectis concinnè distinctus lecto excipiendo destinatus veluti tholum, & coronidem operi exhibet; quæ generoso volatu præteruecta Aquila aurea supremo fastigio, alis expansis, obuerso ad solem obtutu diuinioris cuiusdam potestatis, & Pontificiæ amplitudinis maiestatem ostentat.

STATVS  
VIRGINALIS  
Sex Spectacula.

Prima compages tota ex cedris, oliuísque compacta statum virginalem B. Franciscæ designat: quòd cedri, quas alij ligna setim, incorruptæ, æternæque, oliuæ autem pudoris amantes antiquis, nec nisi à virginibus satæ fertiles crederentur. Eucarpus flosculi generum omnium, frondésque ex lauro intertextæ, quam fulmini imperuiam ferunt grata varietate, columbarum è rostris pendentes componunt: intercolumnia senis loculamentis superioribus filiam Iephthe virginem complectútur, qua pro patre cum hostibus congregiente superis supplicantem, qua patri cum canticis occurrentem, qua vouenti assentientem, qua aliarum virginum chorum conscribentem, agrólsque cum illo cælibe comitatu percurstantem, qua sese procul à societate hominum in separato tugurio concludentem, vt Hebræi Rabbini plerique sentiunt; qua paterno gladio denique libera, atque innoxia collatendentem; quibus quæ Franciscæ virgini ante nuptias accidere bellissimè describuntur. In inferioribus ornatus causa vetera illa antiqui pudoris exempla cer-

nuntur duodenę Sibyllę virgines binę singulis spatijs collocatę. Basibus affatim lilia sculpta tum spinis obuoluta, tum collibus adnata, tum aurea specie Gallica, alibi Syrię Myrrhę flores odoratissimi, qua corpora incorrupta vti & virginitate seruantur; alibi depressę violę, alibi maturiores Myrrhę collectę fasciculis, sacculisue, quibus inter vbera virginis sororiantis adpositis, incentiua libidinis mitigantur. Columnarum ordo Corinthiacus floridus totus, atque herbescens cum reliquo ornatu tendit eodem. Coronę ad extremum maiusculis literis aureis inscriptũ inuenio. SICVT LILIVM INTER SPINAS SIC AMICA MEA INTER FILIAS. Iam verò sex speculorum tabulę totis affixę lateribus, sex veluti tenerioris ætatis flexiones vsque ad initum matrimonium repræsentant.

Cant. 2.

1.  
ORTVS  
DE ATAR  
FRANC-  
SCAE, ep-  
portunus.

Prima ortum exprimit. Aspicias genialem thalamũ purpura vndique opere Phrygio auro intertexta nitentem, Aquilis Romanis arte plumaria bellè elaboratis, geminis Aquilis cedrinis anteriores natalis thori spõdas aptè sustinentibus; nam Romę prognata Francisca anno Christi pro salute hominum corporati M. CCC. & XXXIV. Paulum Buxensem patrem habuit, Iacobellam Broffedeschiam matrem, vtrumque ex præcipua Romana nobilitate, pietate pari, & religione clarissimum, dignum vtiq; truncum, vnde hic eximius surculus, flõsque pudoris illibatus effloresceret: nam Roma sancta tot myriadum sanctorum novata, atque iterata successibus nequit non esse Sancto-

rum ferax, quæ ipsam sanctimoniam hospitalem, & diuturna hæreditate propriam est adepta. Ac si se Roma vetus heroicis illis temporibus formidabilem toti penè orbi habitabili exhibebat, quòd paucorum fortium virorum virtute bellica hocce petexiguum mundi sublunaris punctulum, in quo vno, Plinius inquit, humana digladiatur, & triumphat ambitio, subiugaret; quanto Roma Christiana potentior, quæ puellis infantibus aduersus effrenatissimum principem Tartarorum turmatim facto agmine conscriptis, Tartarum populatur, astra conscendit, ipsam sælicitatem, & nunquam interituram immortalitatis gloriam pro lauris, palmis uè flaccescentibus fæneratur? Quid verò aptius ad exemplum, ac speculum orbi Christiano proponendum, quàm Romana puella, cùm nulla fuerit vnquam, nec sit hodie toto orbe terrarum sapièter instituta, aut bene morata Respublica, quæ Romana sibi ad imitandum non proponat exempla, seu morte pro fide catholica oppetenda Martyres, seu ilibata castitate seruanda virgines, ac mulieres sexu fragiles, seu Religione propaganda Doctores, atque Apostolos, seu re ciuili stabilienda, sapiètes Legillatores æmulentur? quæ ego omnia vno verbo dico, cùm Romam nômino. Iam igitur nihil Sibyllas Italicas rara exempla Romanæ virginittatis moror, qui B. Franciscam Romæ inuenio.

Altera tabella sacros latices, & lymphas expiatrices facile expingit ad sanctæ Agnetis, sub forum Agonis (qua paræcia paternilares censebantur) vbi auspiciatò

II.  
BAPTIS.  
MYR ap-  
posita col-  
latis.

primigenia labe expurgatam, vbi Christianæ Confirmationis Agonali sacramento munitâ, atque armatâ ferunt: vtrumque adpositè, nec sine singulari numinis prouidentia: quando, & B. Agnetis spiritus vna cum sacro latice indidem hausisse videtur (quæ admiranda virgo vix duodecennis & Romana, & nobilis de sanguinarijs hostibus, ac tyrannis robore inuictæ animi triumphauit) & eodem loco ad Christianum agonem peruncta sacratione Ceromate, in Agone Romano, per Christum Aليپتام, atque Agnothetam quo hæ inuictissima, Amazon pancratialta, decurso laboriosissimo stadio, cum nusquam vel leuiter ad metas adhæsisset, supernæ vocationis brauium est consecuta. Nemo siquidem Imperator vel plura certamina cum hoste gessit, quàm illa cum Dæmone; vel grauiora prælia cum varijs gentibus, quàm illa cum carnis illecebris commisit; vel maiora spectacula ex collectis spolijs, quàm illa ex toto illo mundo fastu conculcato edidit, vel plures palmas ex stadio retulit, quàm illa corollas ex quotidianis sui victorijs obtinuit: quæ vna plures Cacadæmones vicit, quàm omnes illi Heroes in acie milites viderunt, plures triumphos fœmina reportauit, quàm vel legimus ipsi, vel fastuosa Romanorum veterum insolentia iactitauit.

III.  
INGV-  
NABULA.  
Ecclesia  
Catholica  
laboranti  
auspicata.

Tertia pictura, Virginis Cunas circumuolitantibus quaquauersum Alcedinibus ex ligno oliuarum confectas effingit: ea siquidem maximè tempestate diuino beneficio fuit B. Francisca in hanc lucem edita,

qua Principis Apostolorum nauicula turbulentissimi schismatis horrenda quassatione penè collabefacta, eam cladem sensit, qua clade vix maiorem vllam inde vsque à fundata Ecclesia orbis vnquam senserat Christianus. Atenim cum Gregorio xi. Gallo Lemouicensi Pont. Max. qui sedem Apost. Auenione Romam quasi postliminio restitutam exportauerat, vita functo, Sacri Collegij pileati patres Urbanú vi. Comitijs ad Vaticanum habitis, iisque satis turbulentis ad ann. M. ccc. lxxviii. mense Aprili sublegissent, quarto post mense factiosi quidam, & disciplinæ impatientes ex sacro numero Robertum Geneuensem (nomē fatale Christiano Imperio) nomine Clementis vii. Fundis in Romana Campania, sub sortitione inauspicatissima subintulerunt. Quare cū res adducta esset, vt fœdissima defectione Roma cum verò Pontifice defereretur, iterum ambitioso schismatico vexillifero peteretur Auenion; supremum illud numen, cuius nutu sola terrarum gubernantur, ita maximo malo medendum censuit, vt ex suo edito cœlo sese pro Romano Pontifice stare præsentem maximis indicijs demonstraret. Quod enim ferunt turbato, atque fluctuanti pelago iniectum oleum fluctus sedare; volucresque Alcedines cum mari nidificaturæ infederint, quantumuis iratum, commotumque salum tantisper conquiescere, dum pullos excluderint, idem mihi prouidentissimus Deus voluisse videtur, vt cū latè omnia sacrilegis armis horrescerent, animas sanctimonia excellentes, fulgentesque miraculis mundo inferret,

quarum merito, oppositûque turbæ illæ immanissimæ placarentur. Miratur B. Antoninus in illa generali coniuratione utrâmq; partem sanctos miraculis claros, utrâmq; viros, sine exceptione, doctissimos, utrâmq; successus subinde prosperos habuisse: longè mihi alia mens est Beat. Pater, & quanquam schismatici perduelles sanctos penes se allicere, & iactare voluerunt, vt ea sanctitatis specie maltrucati vniuerso orbiterrarum imponerent, eos tamen proprios, & veluti hæreditario iure redonatos germano Pontifici is maxime videbit, qui rerum gestarum momenta non vulgari decempeda, sed illa sinceri iudicij exacta statera pensabit. Non sum nescius tempore Clementis illius subreptitij, Auenione Beatum Petrum Luxemburgensem diuinum adolescentem, quem ipse Cardinalem fecerat, tantis, tam certis, testatûque, tam inauditis hæctenus prodigijs floruisse, vt de paucis ex Sanctorum numero, neque plura, neque magis testata legantur: vidi ego Auenione non numerata solùm, vèrum etiam ritè testata, digesta, & obsignata mille nongenta sexaginta quatuor, inter quæ duos, & quadraginta mortuos proximè ab illius interitu biennij spatio, à mortuis suscitatos. Veruntamen iisdem in actis autenticè compilatis, ego item perlegi sæpius illum tentasse sese à schismatici consortione seiungere, idque ita clam aliquando adornasse, vt coëmpta ex crassissima canabina tela veste vsuaria, purpura abiecta, solo rituali breuiario armatus per pseudotyrum, elabi, remotis arbitris, & in vastam solitudinem secedere

dere tentarit, cùm in ipso vestigio, ab Ægydio, qui illi erat à confessionibus per vim retentus, atque ex itinere abreptus, deinceps illa tyrannide adolescens oppressus ibi consistere, in illo candore inculpatæ, iniurataque conscientia cogereetur. Atque ut diuina quoque demonstratione, cælestique indicio eius impietatis nihil præter domicilium habuisse ostenderetur, quæ miracula tot, tantaque patrauit, eo iam, anno ætatis duodevigesimo, vita defuncto, potissimum acciderunt, ne eius vita schismaticus gloriaretur, cuius gloriosus interitus Catholicæ Ecclesiæ deseruiret. De magno illo Vincentio Ordinis Prædicatorum, quem tunc quis optimo occidentis Ecclesiæ Taumaturgum, atque Apostolicæ mentis veluti exsuscitatore appellauerit, certè à Versipelle illo Lunatico archipirata Petro de Luna Pseudoclementis in schismate successore, ex Hispania subdolè, & veteratoriè accitum eum fuisse constat, illi ut esset tum à confessionibus, tum à concionibus: nam ea vna arte ingenium illud per omnia versatile, & capciosum suam factionem posse conualescere neque inscitè subaugurabatur: at ille Sanctus postquam Cardinalatum ab illa vulpecula vltro oblatum recusauerat, postea eius scelere magis deprehenso, cùm sæpe hominem admonuisset, sæpe increpuisset, sæpe per fugam deferere frustra tentasset, tandem seriò diuino viso sese inde proripere coactus fuit. At B. Catharinam Senensem maximum Religio- nis Christianæ miraculum, clementissimus Deus pri- mum Urbano sexto anxie admodum laboranti proui-

*Pseudoc.  
Perpinia-  
nū manu.  
scriptum  
vita B.  
Vincti.*



derat (qua auctore Apostolica sedes ex diurno septuaginta annorum diuerticulo, iam Auenione Romanam paulò ante reuerterat) quæ & crebris illi litteris animos adderet, consilia veluti Sibylla altera daret, remedia suggereret; quæ Principes Christianos in officio contineret, ac de eius germana electione securos, tutòsque redderet; quæ transfugas Cardinales non muliebri fortitudine, vt resipiscerent, commonefaceret; quæ ad extremum penè sola orbis Christiani prope modum fatiscientis Atlantæum, vt ita dicam, pondus suis humeris, ac multò magis suis consilijs, imò verò suis precibus sustentaret. Verùm moritur intempestiuo tempore, illa perturbatione maximè ardente, Catharina Senensis. Quid agat Ecclesia? quò se vertat? quam anchoram capiat? quod oraculum adeat? quam Pharon adspiciat? tam præsentì, tam certo, tam potenti præsidio destituta? ô vim prouidentiae singulari! Beata Catharina consenscente, Romæ ipsius loco B. Francisca ad eam curæ orbis terrarum partem puella nascitur, anno post schisma inchoatum sexto vix incunte. Quo mihi verè videar esse dicturus ipsam bono Ecclesiæ datam, ipsam propriè Sedis Apostolicæ dulcem filiam, ipsam teterrimi monstri domitricem, ipsam superbi Amanis victricem, ipsam teterrimi Holophernis expugnatricem, quippe crudelissimæ post hominum memoriam seditionis conciliatricem fuisse, quo miraculo maius miraculum aut dici, aut scribi, aut cogitari nullum potest. Quo illi se & Romana ciuitas obligatissimam, & sancta Apostolica

sedes deuin&issimam, & Christiana Respublica obstri&issimam in perpetuum, hac verò noua consecratione vel procurata, vel decreta, vel celebrata, sese exhibuisse illi gratam fateatur. Quam ego cum in cunis, hinc inde turbulentissimo schismate obstrepente, attentius intueor, videor mihi alterum Mosem infantem videre fiscella scirpea vorticoso flumini commissum, quo postea adulto, manúsque ad cælum sustollente, commisso prælio, acies Hebræa vincebat. In quo ne aliquid credar ex meo sensu vaticinari, tria ex illius vita iam Italicè ab alijs descripta, tametsi id acta non memorant, explorata habemus, quibus ad illam partem diuini consilij recognoscendam, ac redamandam adduci possimus. Primum se illi aliquando in somnis obtulit matrona honesta, admodum, & liberali specie nobilis, quam immanes gigantes insectati miserè obsessam ad internecionem petebant: donec B. Francisca spectaculo attonita in preces ardentius prouoluta matronam eam formidolosa vexatione liberatam, vixque dum ex metu satis respirantem aspexit: & erat ea vox, is vultus, ea tota maiestas corporis, vt Catholicam Ecclesiam esse constaret; Gigantes verò illa generis humani potentia rebellantium transfugarum, qui cæca cupiditate in trāsuersum acti sacra, profanáque omnia promiscuè habent, superósque more Titanum manu confertum vocant: genus hominum insolētissimum, & ludibriū naturæ deerrātis insigne, res inanis tamē, sed quæ Collossos Rhodienses flatibus suis possit euertere: ac de

Ecclesia obtinuissent illi quidem, si Principes, & leticissimi quique rei Christianæ moderatores eorum laceris, diltractisque velis velificari, aut eorum furiales Aquilones, & turbulentos turbines sequi voluissent. Præter hæc aliò viso Sanctos tutelares suos Paulum Apostolum, Benedictum Archimandritam, & Mariam Magdalenam, veluti præsentēs aliquando habuit, quorum verbis exactè moneretur, vt diuinæ iræ auertruncandæ causa sese solito pressius in precationes daret, ne offensum numen iam amentatas illas suas hastas, illaque ultionis horifica tela vrbi Romanæ intentata vibraret: quare cū dicto audiens numini exorando acrius instaret, intellexit aliò crispantia iam, iamque spicula fuisse à capitibus vrbis, orbisque deflexa. Denique inclinante tantum non, & præcipitante schismate, porrò illi Deus per B. Apostolum Thomam sub ann. M. cccc. xxxii. imperauit in somnijs, vt magistrum, quo ad confessiones de peccatis utebatur ad Eugenium iv. Pont. Max. mitteret; eum moneret sese Basiliensi Concilio, quoad eius fieri posset, attēperaret, ne nouis incendijs materies ministraretur; eam in rem in consultationem certos Doctores, Desique famulos cum Cardinalibus adhiberet, quibus ad id omne negotium ventilandum uteretur: ita si quidem Deus humanitus agi imperat inter homines. Quòd Eugenius vri consultum à Beata fuerat abundè præstitit, plurimæque decreta turbulentę eius Synodi peculiari diplomate sancta esse, & tata voluit. Pertinet eòdem illi oblata altera Beati Benedicti

mirifica visio, quo Franciscam admonuit ipsam potissimum ad salutem animarum naram, ipsam datam, cōcessamque, illo funestissimo tempore, humano generi fuisse, in eamque idcirco præcipuè curam incumbere oportere. Ex quibus omnibus, ne fidei Catholicæ momi hîc nobis obganniant, certam coniecturam accipimus, densissimis illius calamitosissimi seculi tenebris, ac procellis, clarissimum illud sidus obortum fuisse, ne suæ Iudithæ, suæ Hester, suæ uic Debboræ Christianis seculis desiderarentur. Ille enim sapientissimus omniū moderator, qui infirma solet eligere, ut fortissima quæque confundat, se magis præsentem, ac si fas dicere, magis Deū exhibet, paruis auxilijs, plerunque, quā magnis: neque se magis, opinor, formidabilem præbuit cū exercitu, quā cū arca Philistæos fudit; cū Abimelec armata manu, quā cū immanem Goliath limpidis lapidibus infantili Dauidis funda vibratis prostrauit; neque opinor, cū Elephantorum, equorūque superbo apparatu varios populi Hebraici hostes, quā cū muscarum, & locustarum, & sciniphum plaga Pharaonem obstinatissimum obstupescit. Planè in omnem partem ibi magis viget, vbi magis sola Diuinitas, quā vbi magis hominum ope sociata grassatur. Sed quarta illa tabella quarto illo speculo reuerberata animum pridem ad se rapit, vbi inter flosculos variè, veluti in quodam elysio, inter nutricula brachia volutata, lac ex vbere intem virginittatis insigne pressulis labiolis exsugit, itaque præcoci cuiusdam pudicitia, noua, atque in pau-

IV.  
VIRGINITAS.  
prodigiosa.

cis hæcenus visa argumenta suppeditat. Quid enim mirabilius, quid magis apud homines inauditum, quàm B. Franciscam, ut ita dicam, lallaturientem, cum infans nutricis gremio primulum gestaretur, nusquam, uti alij ante me scripserunt, se passam ab alio quoquam, nisi à parentibus vel leuiter contingi, aut attrectari; imò verò ne à parentibus quidem ipsis prius, quàm puerilibus fascijs tecta, & decenter operta fuisset? ac si secus facerent, tum se puerili eiulatu, infantilibus digitulis, formicantibus, lachrymulis, & suspiriolis tueri in contrarium solitam, à quibus nulla sibi arte temperaret, donec consuetis pannulis tegetetur? quod illi ipsi contestati sunt, qui ex longa obseruatione eius ætatlæ lactælum pudorem fuerant toties in lactente puella mirati? Quod si sanctissimi Myrensis Episcopi Nicolai, quanta futura esset olim illius sanctimonia, ipsis incunabilis ostento fuit, quòd statis diebus hebdomadæ ab exugendis nutricis vberibus abstineret: quàm tam puellæ Franciscæ futuram imposterum castimoniam auguremur, quàm illi adeo cordi fuisse, antequam nosset, obstupescimus? Proxima ab quarta capidine sese summa venustate visenda figura obijcit, domestica à parentibus hausta cum lacte institutio, sic ut eius æqualibus ad varia ludorum, ut in illa ætate, studiola lasciuiantibus, illa manibus preculas horarias deuoluat. Videres infantem ut in autenticis illius actis legimus, ab Ephebis iam principio infantioris ætatlæ, ea iam factitare, quæ maturioris sanctitatis indicia redolerent: hinc inde pias orationes congerere,

V.  
INDOLEM  
PUERILIS  
EDUCATIONIS  
ADMIRABILIS.

quas statim horis Deo, superisque persolueret; litteris  
eis maximè capi, quæ diuina tractarent, alias leuiter  
quasi ex Nilo attingere; cum matre, cum ancillis, cum  
alijs domesticis seruitijs per quàm libenter diu, noctu-  
que de rebus pijs verba conferre; furtim eleemosinas  
egenis adspargere, non familiæ splendore, non clari-  
tate generis, non affinium consuetudine, non alijs stu-  
dijs, quæ illam ætatem tenere solent, oblectari, sed  
Deo, sed solitudine, quam etiam in tumultu dome-  
stico reperiebat; sed frequentatione sacrorum, sed  
precibus, inedijs, asperitatibus vitæ strictioris, quibus  
sine exemplo tenerum, delicatùmque corpusculum  
obtebat. Nō iam infantem Herculem nescio quem  
in solitudine apud Xenophontem in Pædia Cyri vir-  
tutis edentulæ, vetulæque monita amplexantem, aut  
Dauidulum in agrestibus syluis, vrsis, ac leonibus colla-  
frangentem, sed Baptistam in Heremo veluti vagien-  
tem videre te diceres,

Xenoph.  
Cyrus ad.

*Nunquid immunis fuit*

*Infantis ætas? monstra superauit prius*

*Quàm nosse posset, illa quæ contrà obuia*

*Reptauit infans: igneos serpentium*

*Oculos remisso pectore, ac placido intuens*

*Arctos serenis vultibus nodos tulit,*

*Et tumida tenera guttura elidens manu*

*Præclussit Hydra.*

Senec.  
Mæc. Oct.

Vix vñ decennium ætatis attigerat, quando velut in *Alia pu-  
blica.*  
ludo puerili constituerat secedere à turbis, & solitudi-  
nem quærere, saltē se, vbi vbi in promptu esset, Deo,

arctius seorsim à strepitu hominum voto perpetuæ  
castitatis obstringere, nisi & parentibus aliud visum, &  
numini aliud occultiore quadam mente prouisum  
fuiſſet, vt nouum exemplar eo clariùs, quo rarius in  
nuptatum genere ederetur. Porro hoc robore animi  
iam tum, atque hac indole virtutis, & continentię  
fuit, vt respiceret omnes voluptates corporis; quam  
non quies, non remissio, non æqualium studia, non  
ludi, non conuiuia delectarent; quæ nihil in vita ex-  
petendum putaret, nisi quod esset cum grauitate, cum  
pietate, cum modestia, cum seueritate coniunctum:  
deliciæ autem illæ pueriles, quæ maturè cum tempo-  
re deflorescunt, nunquam occupatam eam, impedi-  
tâque tenuerunt: nulla luxuries in moribus, nulla im-  
moderatio in vita, nulla cupiditas in studijs, nulla libi-  
do in consuetudine, nulla mollities in habitu, nulla  
leuitas in incessu, nulla corruptio in disciplina, nulla  
varietas, aut inconstantia in illa ætatula apparebat.  
Angelus potiùs in corpore humano, quàm puella in-  
ter homines videbatur. Audaçter dicam, sed verè ta-  
men, Angelos ex suis supremis orbibus reuellebat, vt  
ex similitudine ingenij iam cuperent cum illa inter  
mortales assiduè, & familiariter diuersari. Sexta exinde  
figura existit conuictum cum purissimis illis cælo-  
rum accolis ea ratione complexa, vt adiunctus ad la-  
tus vbique Franciscam stipator, & assecla Angelus  
prosequatur. Semel eius generis dicemus omnia, ne  
subcisiuis frustulis res magnas frequenter abrumpere  
cogamur. Ioannem Baptistam hic operis parergo  
adpictum

VI.  
ANGELI  
TUTE.  
LARIIS  
conuictus,  
& fami-  
liaritas.



adpictū Nicephorus tradit in horrifera Heremo iam inde propemodum à cunis Elizabetha parente demortua, ab Angelis in maternæ curæ partem succedentibus nutritum, educatum, educatum fuisse. Beata Francisca hoc amplius, perpetuum veluti honorariū asseclam humana figura spectabilem semper habuit, usque ad extremum vitæ spiritum, cuius monitis, nutribus, & tota plusquam familiari sollicitudine regebatur. Tametsi enim autentica acta potissimum dicunt de prouectiori ætate, primū inito matrimonio, deinde marito vita perfuncto, custodem illi Angelum spectabili forma fuisse concessum: tamen huc de eo argumento omnia congeremus, cū vitam Angelorum æmulamageret: ita siquidem Christus ne de paruulis hæreremus effecit, cū ore sacrosancto discipulos monuit, ne cōtemnerent quemquā ex paruulis, *quod Angeli eorum in cælis semper viderent faciem Patris eius, qui in cælis est.* Math. 18. Ioannes Matthiottus (nam acta publica nec tam multa, nec tam singularia complectuntur) ciuis Romanus, cui B. Francisca annos circā vndecim, confessiones audienti operam dederat, testis oculatus, & grauis scriptum posteris commendauit Archangelum illi non propugnatorem solum, atque custodem, a duersus quotidianas tenebri-  
cosorum spirituum incurfiones arcendas; verū ad totius ætatis singulas moderandas, dirigendæque rationes concessum fuisse, à quo ne perleui quidem momento defereretur. In quo mihi videtur diuina benignitas ad amorem nostrum magis tanto benefi-

*Arist. de  
celo.*

cio inflammandum, voluisse hominum sensibus semel obijcere, quæ cæteri ductores spiritus in singulorum tutela mortalium, quibus præsent, quotidie occultis obsequiis exequuntur. Qui non minus idcirco beati sunt, aut magis negotiosi, & occupati, quàm si soli Deo fruendo se sisterent. nam si cælestes intelligentiæ rotandis continuò immensis illis cælestium globorum orbibus affixæ non minus, vel ipsius Aristotelis sententiâ beatæ censendæ sunt: si, ut certiora confitemur, & quæ nihil dubitationis afferunt, nihilominus Beata extitit Christi patientis anima vel rebus humanis intenta, vel ligno suffixa, vel ad subterraneos Limborum specus profecta, quam hodie est ad Patris æterni dexteram collocata; si Raphael Angelus haud quaquam à felicitate decidit, quam semel adeptus amittere non potuit, ex cura illa tam singulari, tamque diuturna Tobie suscepta; si reliqui spiritus ad Moysen, ad Abramum, ad Prophetas cæteros passim missi nullâ firmatæ beatitudinis decessione patiebantur (nam ne sic quidem, ex Philosophi sententiâ, essent beati) si ad hæc Deus ubique præsens, ubique beatitudinem ostentare, ubique sese offerre, etiam Latroni in cruce pendenti potest; si ad extremum ipse Stephanus protomartyr etiam istius gravissimi corporis vinculis, & carcere occlusus, Christum tamen in cælis à dextris virtutis Dei, inter saxorum grandines, horrendæque lapidationis sanguinariæ crepitacula ex corpore aspexit, quid oblatrabunt isti ex luto, atque argilla ficti homines, qui diuina omnia sui circularis in-

genij plebeia regula metiuntur? qui audiant vnum ex Archangelorum numero numquam à Beatæ latere discessisse, cuius studia omnia dirigeret, vota, voluntatésque componeret, dicta, facta, cogitata omnia moderaretur? Ingrati! sacrilegi! qui qua se causa benefico numini gratos præbere deberent, ea insolescere, ac sese impudenter efferre non reformidant? Ergo illi aderat perpetuus comes Archangelus summè venustus, & tota specie pulcherrimus, candore, qui niuem excederet, oculis ad cælum semper obuerlis, brachijs circa pect<sup>9</sup>, crucis figura, decussatis, cincinnis veluti auro crispantibus, tunica ad talos à ceruice protensa collum tegebat, candida vulgò, quandoque cærulea, rubra nonnunquam illi inerat. Tantus è vultu splendor emicabat, vt ægrè Francisca fulgorem oculis ferre posset: quin eo scintillabat interdum, vt nocte intempesta, haud alia face vel diuinas preces ex libro decurreret, vel cubiculi omnes angulos rimaretur, vel alia id genus domestica munia exerceret. Iussa aliquādo à suo præposito edicere qua statura, aut qua forma esset, illa in Archangelum directo obtutu defixa, eiúsque brachiolum circumplexa, manu ad verticem instar blandientis allata, adeo commodè designabat, vt pater figuram aptè discerneret, quæ puerilem non excederet. Iam quando Beato Thoma Theologiæ Principe, & nostro Dionysio Areopagita, alijsque scribentibus, Angeli hominibus diuino munere donati sunt, vel ad propugnandum contra cacodæmones, vel ad collustrandum in dubijs, vel ad expurgan-

dum à vetitis, vel ad recreandum in aduersis: si Tartarei illi lemures illam, quod sæpe, multumque faciebāt, aut impunè pulsarent, aut inani horrore terrerent, aut captiosè in meliorem spiritū transformati in fraudem adducerent, momento Archangelus, aurea coma leuiter ventilata, concussāque, gratam quandam lucem euibrabat qua Franciscæ animus mirè firmatus recreabatur. Sin frequenti consanguineorum, aut amicorum concursu, qui tum officij, tum spiritualis quæstus causa ad illam confluebant, aliquid illi, vt in ista præfragili contagione, aut facto, aut dicto, aut cogitato minus composité excidisset, vel se illa in curas domesticas superuacaneo studio profudisset, sese ille admonitor spiritus tutelaris ab illius oculis summouebat, ex quo illa in se reflexa, interioris conscientiæ latebris exactè discussis, in cuiuscunque leuissimi lapsus cognitionem veniebat, tum solertior facta, errorisque pœnitens futuræ cautionis emendatione proposita dulcissimi monitoris aspectum recuperabat, quo cum interim dum se illi redderet, gemens opinor, dolensque

Cant. 2.

ita ex animo sermocinabatur. *Similis est dilectus meus caprea, hinnulôque ceruorum, en ipse stat post parietem nostrum, respiciens per fenestras, respiciens per cancellos. Reuertere: similis esto dilecte mi, caprea, hinnulôque ceruorum super montes Bethel. Quamobré abstractissimus ille Doctrotheus monebat magnâ custodi cuiusque nostrum Angelo exhiberi reuerentiam oportere, ne extemplo fugatus aufugeret: quare cùm quieti nos damus, modestè, sobriè, & consideratè agendum, ne indecenti*

aliqua turpitudine, Angelus qui nobis inuigilat, indignatus è nostro sese comitatu proripere cogeretur. Ex eodem manabat, quòd si quisquam grauius, præfente spiritu, laberetur, ille sibi manibus oculos obnubebat, quo admissæ culpæ conceptû horrorem restaretur. Beatæ Franciscæ pro pædago datum putares, qui labentem erigeret, perplexam instrueret, errantem moneret: nam & sanctos Patres video passim ita sensisse, cuique nostrum in hoc lubrico, & ancipiti diuix mortalitatis exilio, instar ductoris, atque magistri datum monitorem Angelum; hominem námque habere instar infantis, quamdiu hîc moretur, qui eo diuino magisterio maximoperè indigeret. Quid illos carnifices implicatoris conscientix stimulos, quos serupulos vocamus, quàm ille scitè admonitor spiritus retundeat? quàm reuellebat, extirpabátque radicitus? quibus cum illa aliquando orationi ardentius intenta fodicaretur, illam exporrecta, & serena fronte intuitus ita placauit, vt deinceps in perpetuum, inanissimam illam mentis vlceratæ scabiem persanaret; postquam perdocuisset ista friuola esse obstrepentium Cacodæmonum terricula, & machinamenta minimi ponderis, quæ eludendo potius dispulueratâ, quàm contrâ nitendo depulsa frangantur. Ac iucunditatem conuietus familiaris, socialisque consuetudinis, quantam, quam solidam, quàm sinceram, ac puram Deus immortalis afferebat: seu cum Beata familiariter colloqueretur, tanta cælestis illam alloqui, tamque sincera dulcedine perfundebat, vt harmonicos concen-

tus humanos omnes, præ illo suavi susurro inconcin-  
nos, ingratosque duceret: seu in cælestium rerum me-  
ditationem se traderet, tum verò ea tum scienter, tum  
accommodatè, tum efficaciter de singulis virtutibus,  
de pudicitia, ac de innocentia speciatim, aliisque, quas  
magis in Angelica natura regnare prospiceret, dislere-  
bat, ut suum illum Doctorem dictantem prosequi, at-  
que ex eius ore concepta proferre liquido appareret.  
Magna sunt quæ dixi, & quæ captum humanum su-  
perent; maiora, quæ dicam impolterum si non illo re-  
bellantium censorum supercilio, sed sanctioris inge-  
nij Christiano candore ponderentur. Nam quamdiu  
nupta thoro deseruij, hunc, quem modo dicebam,  
comitem Angelum semper obtinuit; postquàm verò  
marito orbata se arctioris vitæ religione colligauit, al-  
ter illi ex quarto Hierarchico ordine, haud paulò su-  
blimioris gradus, illo priore permutato, fuit concess-  
sus. Quemadmodum enim apud Aristotelem illæ cœ-  
lorum agitatrices intelligentiæ eo nobiliores existant  
neceffe est, quo propius ad supremam illam sphaeram,  
vbi Deorū domicilium supersticiosus Philosophus col-  
locatum putabat, accederent, quòd nobiliora, & ma-  
iora corpora circumferrent, haud secus planè philoso-  
phandum est de hominibus, ut qui Pontificalis, qui  
Imperialis, qui Regiæ, qui Principalis, qui alterius ex-  
cellentiæ dignitate, vel vitæ perfectioris, sanctioris-  
que præstantia cæteris antecellant, è superiori qua-  
dam cælesti centuria, tutelares Archangelos nanciscā-  
tur. Quos idcirco diuinus Apostolus quosdam thro-

Arist. de  
caelo.

nos pro pontificibus, alios principatus pro principibus, alios potestates pro magistratibus, nonnullos virtutes pro virtute præstantibus, tum alijs ex causis, tum ex tutelæ peculiaris officio, uti ego quidem existimo, nuncupavit. Ille alter nobilior Angelus veluti superior, extrema, ac visibili specie, sed multo elegantiori forma præditus, non capillorum vibratione illa sensili, aut scintillantium oculorum indicio, verum arcana vi quadam, ac propria, quam innatam, atque in sese penitus insitam circumferebat, Tenebricolas Genios auertebar, arcebátque: cultu etiam, ornatúque haud paulò aliò visebatur. Dextera triplicem palmæ ramum aureum gerebat, quibus terni glomi appensi non illis absimiles, quos bombyces conglobato serico obuoluunt, unde ducta stamina Angelus, & collo implexa velut in globum adglomerabat, id quod continuò faciebat, ad annum usque M. CCCC. XXXIX. ad XVIII. Kal. Sep. quando se dixit triplicem Franciscæ telam contexere impofterum pensi habere; vnam centeno, alteram quinquageno, tertiam triceno sub tegmine textilem, quo Evangelici seminis tergemina fecunditatem, triplici perfectioris vitæ prouentu, in Beata Francisca, virgine, nupta, vidua, exprimebat. Quod enim de paucis usquam legimus, omnia triplicis eius status ad summum apicem prouecta exempla in vna Beata Francisca tenemus: sic ut in thoro pudico tricenus, in viduitate quinquagenus, in virginitate præsertim Religioso cumulo absoluta centenus fructus, culmis velut herbescens geniculatis, pullularit.



Verùm dum cælestis genius istis ordiendis multiplicium telarum staminibus occupabatur, feles circum obgannire, canes allattare, monstra negotium florum abrumpere, turbare, sæuire, miscere omnia; ne nesciremus quæ, quantæve subeundæ sint Angelo, cum teterrimis Tartarorum indigenis manibus, contentiones. Quin etiam sicubi correptioni sociali, vt inter Religiosos vsu receptum est, Francisca magistra operam daret, quod incredibili charitate, & mansuetudine, faciebat, vel priuatim cui vsus esset, remotis arbitris, vel vniuersè omnibus simul adstantibus, vel propriè sibi, quando vesperi quotidie, de more, ipsa defectus proclamabat suos, tunc ab ordiendi opere custos feriatum summè ad ea, quæ fiebant attentus tenebatur, nec vulgarem se ex ea specie voluptatē haurire, tota compositione, & hilaritate vultus testabatur. Aliàs statò officio recitando distenta ad verticem Angeli velut excelsam columnam nouo quodam fulgore splendētem videbat, quæ cælum ipsum altera extremitate contingeret, quo visu, vltra quàm credi potest, exhilarata tota ad diuinæ bonitatis encomia, oculis iucundissimo adspectu in cælum iniectis, rapiebatur. Denique illi officiosissimus spiritus pro nitidissimo speculo aderat, in quo haud paulò perfectius, sinceriusque, quàm in illo altero, tū præsentia, quæ latebant, tum futura longinqua cernebat, quæ benignissimus illi Deus indicabat, tam suo proprio commodo, quàm aliorum spectato compendio, quorum sæpenumero reconditissima sensa, in illo inexplicabili lumine

lumine intuebatur. Vnum perfectæ voluptati officiebat, quòd tanto lumine veluti fulgurabat, vt nec diu, nec satis, prout cupido erat, in eo occupatum obtutum tenere posset : vnde nocte nescio qua, imbecillis voluptate sensus præfulgido sideri oblucente, cùm illum obniteretur attentius, acriusque solito speculari, tantum ex eo est repente, cum grauissimo cruciatu, in oculis cõcitatum incendium, vt nullo artificio pupillam refrigerare, nec quietis vllam partem capere potuerit, perinde atque obuersa palpebra, obstinato contuitu claram, ac plenam meridiani Solis incensam facem sustinuisset. Ecce vnde factum putetur, vt quamprimum illa excessit è viuís, illius imagines, cuiusmodi passim Romæ reperiuntur antiquæ, recentésque, cum Angelo assecla deinceps depingi cœptæ fuerint, libello ad manum Sanctæ adposito cum illa diuini Psaltæ modulatione, *Tenuisti manum* *Psalm. 71.*  
*dexteram meam, & in voluntate tua deduxisti me, & cum gloria suscepisti me.* Angeli quippe custodia se sustentatam intelligit. Et ecce, inquam, Angelicæ, virginálisque verecundiæ quasi centeno filo telam obtexam, centuplici fœnore remunerandam puritatem : ecce solennis pyræ priorem extribus congeriem primore Franciscæ ætate extructam. Ecce ad extremum vnde puellę virgines, quot illis necessaria esse possunt, in virginitate seruanda documenta colligant. Primum vt honestati maturè, à primoribus annis, quàm seuerissimè assuescant, vt quæ vel leuiter licentiam immoderatam sapiunt magis penitus ignorare, natali

indole quadam, quàm expugnare cum tanto periculo cogantur. Alterum ut licita etiam fugiant, constanterque exhorreant, ne paulatim natiuo pondere ad illa prohibita prolabantur; familiaritates, quantum honestè potest, omnes euitent; illa verò clara incentiua libidinù, ex familiaritate colloquia, ex colloquijs officia, ex officijs tentamenta paulò magis, quàm grassantem pestem auersentur, primòque in aditu hosti resistent. Deinde non modo pudorem in pectore infixum, sed testatum, & clarum in specie circumferant; nemo siquidem castam putet, quã plerique appetunt, perindèque in virgine, amari, atque amare putandum est. Super hæc, ut non nisi necessitate cum hominibus, ita familiaritate domestica cum Angelis conuersentur; æmulatio sit ut vitæ suæ formam ad rationem Angelicam conformet, nihil, nisi Angelorum vel instinctu, vel comparatione aggrediantur: habet virginitas quo sese illi purissimæ naturæ conferat, fortasse etiam quod anteponat. Ad extremum quo ad pudicitiam cōseruandã nihil excogitari potest præsentius, si insectator Dæmon infestis titillationibus, si ancipiti perturbatione fluctuantis conscientiæ, si molesta vlla vexatione mentem, aut corpus obsederit, tum tutelarem spiritum veluti præsentem, & propugnantem, & Dæmonibus obluçantem, & generosæ mentis conatibus gestientem, & rebus ex aduerso indecoris se obuelantem, velutique fœdis factis erubescantem intueantur; ad illud se speculum attendant, in eo se lumine adspectent, ea vna regula totius vitæ rationes

exaëtè, & examussim meriantur: non cibum, non somnum, non forum, non torum, non templum, nisi illo ductore, & comite petant, illius à magno Bernardo Clareuallensi præclarè dicti semper memores, quouis loco, quouis angulo, quouis opere, quouis tempore honorem familiari Angelo esse maximum deferendum, quem non ideo non præsentem haberemus, quòd se hisce oculis spectandum non præberet: experta loquor, norunt, qui ista curant, sentiunt ad pudorem illibatum custodiendum, operæ, atque artis pretium esse, se vbique comitanti, prospectantique Angelo præsentem, & spectabilem, certa, perpetuâque æstimatione sentire.

*D. Bern.  
In psalm.  
Qui ha-  
bitas.*

Altera contignatio coniugatis exurget mulieribus, senis ad latera figuris miraculo quodam artis optiæ per totidem specula prominentibus. Lignum ex malis omnium generum Sydonijs, aureis, Punicis, cæterisque fructiferis dedolatum, tornatúmque, nisi quod columnæ opere Ionico molliori, sed tamen solido, & erecto plenis vuarum pendentium pampinis adrepentibus veluti implexæ, conuolutæque, quod vitium ingenium est, maritantur. Ægyptia symbola stylobatis ornamento addita; canistri delicatioribus fructibus, Baccis, Amygdalis, Fragis, vuis præsertim, variato colore regnâtibus, grata ad intuum varietate onerati: alijs Cinnamomum, nuces Indicæ, thuris, piperisque arbusculæ depinguntur: eucarpi miri iucunditate visendi, mala Punica, granorum arcta societate sese rimulis ostentante, mala aurea primum

*STATVS  
CONIV-  
GALIS.  
Sex alia  
Specula.*

*Can. 7.*

odorem extrâspirantia; citrea odore simul, & colore, & sapore felicia; poma castis amoribus non aliena, illa inscriptione, *SUB ARBORE MALO SVSCI-  
TAVITE*. Ficus rugoso habitu, trunco vim dulcedinis præcipuam cælantes complectantur pampinis frondentibus lemniscati, ad Draconum rostra nodati ex Burghesiorum ni fallor illustribus insignibus accersita; nam etiam Draconem vigilem hortis Hesperidum, vbi mala aurea seruabantur, datum custodem accepimus. Inter columnarum bini simulacrorum loculamentis iniecti ordines, superiores quidem sex illa sacrarum coniugum exempla proponunt, quæ in B. Francisca connexa videmus, Abigail viro opportunissimam, Rachel sanctissima prole fecundam, Ruth familiaris rei providentissimam, Hester populi sui vnicè studiosam, Susannam conjugalis præsertim pudoris cultricem egregiam; Annam Samuelis matrem rebus diuinis assidue occupatam. Inferioribus conceptaculis ad ruborem nostris mulieribus iniiciendum, sex item matronæ ex media profana historia celeberrimæ continentur. Lucretia Collatini vxor fidei Genialis specimen præclarum, Iulia Scipionis coniugis amantissima, Cornelia Gracchorum & genitrix, & laudatissima educatrix, Penelope sapientis Vlyssis ipsa sapientior æmulatrix, Alceste sui Admeti aduersorum casuum socia usque ad mortem oppetendam inseparabilis, & illa imprimis alia Pythij Regis Cælenarum vxor cordatissima viri vanissimorum spirituum emendatrix. Sex lateribus, operæ pretio, sex nuptialis status

veluti Christianæ leges, B. Franciscæ mirandis facinoribus sanciantur: tot enim, mea quidem sententiâ, Christianis mulieribus esse documenta debebunt, quæ fœminam illam fortem nobis procul, atque ex vltimis finibus adducere videndam, admirandamque statuerint, quam nos ex maximi Apostoli sententiâ, quasi coloribus depictam suis exprimere possumus.

1. *Mulieres viris suis subditæ sint, sicut domino, quoniam vir caput est mulieris.* 2. *saluabitur autem per filiorum generationem.* 3. *si quis autem suorum, & maxime domesticorum curam non habet, fidem negavit, & est infideli detrior.* 4. *mulieres similiter pudicas, non detrahentes, sobrias, fideles in omnibus.* 5. *similiter & mulieres in habitu ornato, cum verecundia, & sobrietate ornantes se, & non in tortis crinibus, aut auro, aut margaritis, vel veste pretiosa.* 6. *sed quod decet mulieres promittentes pietatem per opera bona.* Quæ enim matrona exactè nouerit, mordicusque tenuerit, quid marito, quid liberis, quid familiæ vniuersæ, quid exteris, atque viciniæ, quid sibi ipsi, quid superis debeatur, ea perfectæ, sanctæque matris familias, numeros ex sapientû omnium, sanctorumque sententiâ expleuerit. Hęc illa sunt ipsa, quæ totidè tabellis hoc loco graphice colorantur. Atque Corona inscriptionē rei præfert illam, nisi me amo consentaneam, **STIPATE ME MALIS QVIA AMORE LANGVEO. LEVA EIVS SVB CAPITE MEO, ET DEXTERA IL-** I. Vxor ds ERGA MARITVM obseruantiâ. **LIVS AMPLEXABITVR ME.** Primum vxoris officium, seu το καὶνηται, quod maritum attingit, primo illo, quod primum occurrit, agalmate figuratur. Nam

postquam puella nostra mirabilis frustra solitudinem, vitamque cælibem aggredi conata, non vlla sua voluntate, multò minus voluptate adducta, sed mera, eaque satis violenta parentum iussione, & importunitate coacta Pontiano Laurentio nobili Romano, atque opulento nupsisset, seseque in eius manum, ac familiam ad regionem Transyberinam dedisset, nihil antiquius habuit, quàm ut excellentes illas animi generosi virtutes marito præstaret, quæ primæ in vxore laudantur: obedientiam summa obseruantia copulatam; amorem, & fidem inaccessæ, & impenetrabilis castitatis: ex quibus pax illa nascitur, sine qua nuptiæ non tam imbecillitatis humanæ solatia, quàm diuturnæ carnificinæ cruciamenta videantur. Constat totis quadraginta annis, quibus vna vixerunt, ne minima quidem dissentiuicula, aut leuissimo iurgio sacrum connubij fœdus aut violatum, aut vnquam interruptum fuisse. mirum, & in hac calamitosa vita perrarum, vbi cum imperfectis viuere cogimur, vbi tanta offensionum senticera non aliunde, quàm ex istius mortalitatis misera conditione pullulant: atque id illa etiam ijs artibus, quæ solæ id possunt, consequeretur. Primum, minimum quémque discordiæ fomitem principio, præfocabat: dein ita cupiditates suas, cum mariti studijs, rationem cum eius sensu; desideria cum illius voluntate coniunxerat, ut inde nec transuersum quidem pilum, quod aiunt, vilo prætextu, vllaue occasione discederet: ex quo assequeretur ut omnia vicissim maritus veller, quæ ipsam cupere intelligeret: rur-



sumque, certamine quodam mutux observantiæ suscep-  
to, ipsa seu orationi, seu alijs pietatis obsequijs stu-  
deret, accita à viro, neque à viro solum, sed à quocun-  
que domestico pro familia accuranda, re inchoata,  
infectaque, confestim surgeret, obsequutura. In quo  
quantum Divinæ maiestati placuerit, nouo prodigio  
tum demonstratum est, cum inter exoluendum quo-  
tidianum magnæ matris officium, calidissimè inter-  
pellata aliquando, quaterque eundem versiculum  
coacta abrupte, postea obsequio illo ritè perfuncta,  
aureis characteribus descriptum inuenit; quod cognata  
vannotia prudētissima, & sanctissima fœmina, cum  
vulgares antè characteres legisset, se deprehendisse iu-  
rata postea, Apostolus verò Paulus id opera Angeli  
familiaris fuisse factum B. Franciscæ per visum affir-  
mauit. Ita Deus opt. max. Matronalem obedientiam  
suo cultui prætulisse, & diuino testimonio cōsecrasse  
videtur, ut sciorum quorūdam inconsiderata inge-  
nia castigaret, qui falsa sanctimonix gloriola aucu-  
panda, ita vanis vxores solent religionibus circūueni-  
re, ut spera mariti, & familiæ cura, dies, noctesque suis  
voluntatibus explendis absument, vnde adeo obdu-  
rata, exsiccatęque suo sensu euadant, nihil ut rectum,  
nisi suo iudicio æstiment, viris se refractarias, atque  
infrœnatas præbeant; familias misceant; rem per-  
dant; nuptias profanent; pacem perturbent; picta-  
tem, quod caput est, apud maritos in odium, & con-  
temptum trahant. Quid dicam de castitate ad eam  
perfectionem, thalami inter naturales illecebras, ob-

seruata, vt nihil illi aliud thorum genialem fuisse, quã perpetuam adumbrati martyrij, & miraculorum officinam verè videar esse dicturus? Nam liberis operam datura præterquàm assiduè auulsa à sensibus, & toto stupore corporis, ac mentis abstracta, ad illas interiores animi delicias efferebatur: id etiam artis, & inauditi hæctenus ingenij conferebat, vt præter continuũ dolorẽ, eũque intolerabilem, quem ex sanctæ mentis instituto, & aliunde patiebatur, interim, quo penitus naturale membrorum incentiuum opprimeret, alijs corporis partibus varios cruciatus, vel nouitate inusitados, vel grauitate impatibiles, teste Volaterrano scriptore satis claro admoueret; quousque Laurentius facti, consiliũque conscius acerbam vxoris laniendam miseratus, tandem aliquot ante obitum annis, cum illa pactus est cælibem vitam vti ambo traducerent. En quàm arguta, quàm ingeniosa, & sagax religio ad castitatẽ, etiam in matrimonij sacra licentia retinendam. Beata Delphina sancti Alziarij Comitissæ Sabranensis Principis celeberrimi è Prouincia Narbonensi vxor, cùm se præter voluntatem, iussu Roberti Siciliæ, ac Neapolis Regis, Prouinciæ comitis, cui vtrique erat consanguinitate coniunctus, viro tametsi sanctissimo addictam ægerrimè ferret, eaque de causa Curia Regis p̄p̄as inuita subire cogeretur, ad Choras vt fit, inuitata delicatissimum corpusculum, aspero cilicio sub pretiosa veste celato, inter saltandum in tripudio cruciabat; lapillos aculeatos clam calceolis nudæ plantę substratis ingerebat, vt illis veluti stimulis

*Volaterr.  
lib. 22. frustum carnis porcinæ ardens sub pectore adhibebat, aut se toto corpore pice obliniebat.*

mulis choreę vanitatem presenti supplicio castigaret: atque quod omnem admirabilitatem superat, cū marito ita viuebat, vt eo prima, nuptiarum nocte, sese virginitatis in perpetuum voto concepto, consecrante, quod illa multò iam ante præstiterat, ambo deinceps nemine mortalium conscio, cælibes eodem in thoro, plusquam duodeviginti annos vsque ad vitæ extremum diem perdurarint: quæ omnia in B. Alziarij cōsecrati diplomate Pontificio autenticè perscripta reperiuntur. Quis verò Principem puellam Delphinam omni magnifico vestium apparatu nitentem exterius, ita se vlscisci interiùs iudicaret? quis pietatem in nugis, modestiam in luxu, frugalitem in delicijs, paupertatem in auro, vexationem in purpura, asperitatem in serico, abiectionem in gloria, religionem in chorea, virginitatem in thalamo, constantiam in puella, heremum in curia, adeo cum diuina ope non defuturam suspicaretur? non sunt facta Sanctorum humano iudicio, sed diuino calculo ponderanda. Equidem in matrimonio, audeo dicere, B. Franciscam cælibem animum penitus habuisse, quod ego maximum prodigium duco, solo corpore, ad præmium perfectissimæ obedientiæ, coniugij legibus, atque obsequijs derelicto. Virorū adpectu, perinde, ac puella virgo non turbabatur solùm, verùm etiam incredibiliter afflictabatur: eos imprimis vt piacula auersabatur, quos inhonestæ Veneris labe fœdatos præsentisceret, quorum intuitu magis, quàm aliorum offende-  
batur: quoties id sceleris vel nominari verbo tenus

audiret, toties illi pectus, atque viscera horrore nescio quò cōuulsa subuerterebātur. Idē sentiebat, sufferebātque quoties per inominatas, & mulierculis prostituti pudotis vulgares vias necessarium illi iter esset, ad quas tamē cum illo cruciātu, omni ope, atque remedio, ex eo cœno etīpiendas, ingenti caritatis studio, se depri-  
mebat. Aliquando trans Tyberim proximè ad He-  
bræorum aream, cū iter necessariò ageret, quodam  
in tugurio, aliquot cacodæmones tripudiantes, bac-  
chantēsque aspexit, ex quo viciniam sciscitata, num  
sceleris quippiam eo loci proximè patratum fuisset,  
paribi nobilium scortorum, magna lenonum, atque  
perditorum, hominum frequentia, venale, & clarum  
degere accepit: nec cunctata ampliùs ædiū conduci-  
tiarum dominum ipsa conuenit; monuit non feren-  
dum esse execratum emporium, turpēnque eum  
quæstum in eius domo, cum tanta numinis iniuria,  
exerceri. facile persuasit. ille, expulso scelere, simul suas  
ædes meretricia, tartareaque frequentia expiauit.  
Hinc maiori rabie in illam succensus Diabolus, indi-  
gnissimè passus se subinde eiusmodi ereptis ex fauci-  
bus prædis, à Beata Francisca fatigari; crepare, freme-  
re, furere ardentius; illi vt tædium, vel desperationem  
afferret, sese passim cum furiali comitatu offerre, iam  
mascula, iam muliebri specie, lasciuia, atque Sotadica  
gesticulationum infamium repræsentatione detesta-  
bilem; quæ illa constanti, ac virili animo, minimo mo-  
mento disiecta omnia ludificabatur. Inde non multo  
interuallo, Beatæ mulieri, ad D. Ioannis Lateranensis.

cum vannotia proficiscenti nequissimus ille, ac spurcissimus omnium libidinum, ac scelerum prægustator se obuium ad sacram SS. Petri, & Marcellini ædem dederat, dum illa tantisper an ex grauiditate (nam veterum ferebat) an ex lassitudine subsidere Paulum contracta infandum insidiatorem honorari, & elegantis senis figura laruatam conspicata, atque ab eo ad scelus nefarie prouocata è vestigio scelestum lenonem orationis præsentis, vulgarique subsidio, ad fugam impulit. Quo ille dedecore miserè elusus, & fractus, nocte proximè consequenti, cadauer hominis intolerabili fœtore pestilentissimum in eius cubiculum intulit, in quo diu, multumque volutatam vsque adeo purulenta ea mephiti infecit, vt deinceps lethalis ille odor per omnes corporis partes latè diffusus, maximè in interiore phantasia semper inhæserit, sic vt contracta perpetua stomachi infirmitate, ferè perpetuò nauseabunda cibos omnis generis fastidiret, egereretque: eoque ex tempore omnium viro- rum, adeoque mariti appropinquatione spurcam illam graueolentiam persentiret, imò illi omnia corporis membra, quoties facti illius in mentem veniret, horrescerent. Dicat aliquis, hæc si ita sunt, vbi illa vxoria erga maritum ex documento Apostoli amicitia, maximè in tanta nuptialis obsequij auersione? Dixi equidem modò, illam nihil in eo genere præter obedientiam, nisi cum ingenti cruciatu attulisse, in quo quantum viro tribueret, quantum voluntati diuinæ afferret ostendebat, quæ tanto incommodo obsequeretur. De cætero illi nec possi-

*Ephes. 5.*

bilem sanctis, nec necessariam inanis vanitatis imponunt necessitatem, qui illos humanorum affectuum expertes, atque *trahit*, ut Stoicè dicam, esse volunt, à quibus ne Christum quidem penitus abhorruisse, fide tenemus, cum vel amicum Lazarum comploraret, vel Ioannem, præ ceteris carum, ac tenerum haberet. Inueniemus in B. Francisca quod omnibus sceminis imitandum amoris vxorij exemplum proponamus. Nam si penè sacrilegum, saltem Deo valdè inuisum, & matrimonij sacramento iniuriosum censendum est, non inter se coniuges ea quàm arctissima, quæ inter homines potest, necessitudine esse coniunctos, cum ea factorum Christianorum parte, illa infinita charitas, qua Christus dilexit Ecclesiam, repræsentetur; haud quamquam dubium esse, vel obscurum cuiquam oportebit, Sanctam, quæ cæteras omnes virtutes ad summum excoluit, hanc etiam excelsissimo fastigio crexisse. De quo ut nullam aliam coniecturam haberemus, quantum faciendum putamus, in illa flagrantissima vitæ expeditoris cupiditate, marito Laurentio hac calamitossima vita expedito, ipsam eius obitu tam acerbis, tamque vberis lacrymas, eius desiderio, profudisse, nihil ut præter ipsum amarè, nullum vnquam tantum hausisse dolorem in vita, nullam nisi diuini consilij, de mariti interitu, consolationem accipere posse crederetur? Quo eodem ex genere, non faciam ut B. Delphinæ, eius, qua de proximè dicebamus, factum silentio iacere consepultum feram. Missus à Roberto Rege consanguineo B. Alziarius maritus Parisios, pro

Caroli Calabri matrimonio, diem ibi conclusit extremum. B. Delphina, quæ Auenione cum Rege remāserat, per idem tempus, quo Alziarius coniunx Parisijs decedebat in cælum, visa est Regi, Reginæque solito mœstior è mensa surgere, vultu admodum immutato, vbertim lacrymas ex oculis fundere, eiulare, plāgere, & extraordinario quodam sese mœrore conficere. Quarepentina mutatione offensi Principes, cū eius luctus ex ordine causam sciscitarentur, suauissimū Alziarium respondit Parisijs diem obiisse supremum, réque per veredarios cursores sedulò explorata, compertum est eadem illa hora, qua funebrem questum inchoauerat, contigisse. Geminum mulieribus Christianis propositum exēplar, vt maritos, Dei ipsius loco diligāt, colant, foueant, obseruent; non fastidiosæ, non morosæ, non insolentes, quarum plerūque id virium est, vt minus id amēt, quod magis habent; id magis appetant, quod magis iustæ amicitix leges vetant. Quod porro virum caput esse mulieris, illique mulierem subiectam esse oportere, tanquam domino, inò veluti Christo diuinus Apostolus definiuit, quid voluit aliud, quàm mulierem, si dici fas est, nihil audire, nihil videre, nihil eloqui, nihil gustare, probareque, nihil sentire, nihil suspicari, nihil cogitare, nihil velle, nihil sapere, quæ omnia capite continentur, inconsulto marito debere? non pedem, non manum, non corpus, nisi illius sui capitis ductu, atque abitrio, commouere? Quantum ad liberorum educationem altero speculo representatā, mirabile est, quàm se ex-

Ex Actis  
Canonici-  
cationis  
S. Alzia-  
rij.

II.  
LIBRO-  
RV M  
EDVCA-  
TIO.



cellentem omni ex parte matrem familias exhibuerit. Prolem ex Laurentio præclaram, & numerosam clementissimus illi Deus prosperauit: *Eice enim sic benedicetur homo, qui timet dominum. Uxor tua sicut vitis abundans in lateribus domus tue.* Quam illi felicitatem fecundi uteri, credo, Deus indulsit potius, ut orbi Christiano prolis instituendæ exactam in B. Francisca ideam delinearet, quàm quod ipsa id admodum aut curaret, aut quæreret. Nam optimè conscia quàm caro steteret Heli sacerdoti prauam liberis disciplinam dedisse, quàm gloriosum contrà fuisset Annæ Deo magis, quàm suo genio parturisse, & nobilissimæ Machabæorum parenti adeo generosam cælo sobolem immisisse, quod ea filiis fortiter ad mortem oppetendam impellendis aliquando dixisset, fecissetve, ipsa, tota vita suorum mentibus, moribûsque expressum esse voluit.

*Nescio qualiter in utero meo apparuistis: neque enim ego spiritum, & animam donavi vobis, & vitam, & singulorum membra non ego ipsa compegi, sed mundi creator, qui formauit hominis natiuitatem, qui que omnium inuenit originem.* Tum ultimo decertanti ad vltimam Luctam exstimulando, *Fili mi, miserere mei, inquit, quæ te in utero nouem mensibus portauì, & lac triennio dedi, & alui; & in aetatem istam perduxì. Peto natæ, ut aspicias calum, & terram, & ad omnia quæ in eis sunt, & intelligas quia ex nihilo fecit illa Deus.* Hanc illa mercedem vnâ exposcit fastidiorum, & laborum suorum, quàm vnâ matrimonio propositam in Christiana schola didicerat, ut liberi cælo, non solo procreentur. Ergo eos, ante omnia

Psal. 117.

1. Mar. 7.

prohibebat quidquam audire, aut spectare, quod non esset cum honestate, & cum pietate coniunctum : ab illis societatibus maximè arcebat, vbi suspicio esset aut fœuola, aut vitiosa, aut non ita decora tractari : Dauidicos concentus, & sacros hymnos, non sputatilicas, & pruritu nefando aurium infames cantilenas edocebat : ijs magistris potissimum committebat, qui non magis literarum scientia, quàm probitatis cultu excellerent, qualésque Philosophus Seneca dicebat, *Quos magis mirere cum videris, quàm cum audieris* : vti vnà cum liberali doctrina, excolendæ pariter conscientiæ Disciplinam haurirent : diebus festis secum ad rem diuinam, atque ad sacras conciones gregatim ductabat, quos illa dies totos religioso cultui deuouebat. Denique in hoc omnium maximo, & imprimis ardore, & supremo negotio prolis optimè imbuendæ, vt quo semel imbuta recens fuisset, odorem deinde feruaret, quantum B. Francisca profecerit, ad vltimum apparuit, cū filios su ipsosimiles, sancta sanctos, quod ego in summis illius miraculis certè cenleo, procreauit, vti Carolus Caluus Imperator, atque Rex Galliarum non magis Regium esse, aut gloriosum dicere solebat, Regnare, quàm Reges facere, aut factis à se Regibus Imperare. In cæteris vnum nostra Beata insignem extulit, Euangelistam appellauerat, qui inde à tenera ætate, senili maturitate quadam, & Prophetiæ quoque miraculo claruit. At enim semel educito è vagina gladio, qui ex Patris ense pendebat, eo in Patris sui renes leuiter obuerso, haud multo ab hinc tẽpore,

inquit, mi Pater, hoc ipso in loco, & grauem, & periculosum ictum accipies: nec vana fuit, vel puerilis denunciatio. Anno M. CCCC. VI. Ladislao Rege Neapolitano ab Romanis per tumultum, & seditionem, ad vrbis custodiam aduocato, populari, vt sæpe assolet, contentione, inter ciues, & Ladislai milites concitata, Laurentius Parens, quod illi ante fuerat ab suo Euangelista prænunciatum, in illo ciuili tumultu, fuit grauissimo sub renes vulnere transuerberatus. Nec semel Euangelista adolescentulus, ac penè puer euentura prædixit. Virum alias religiosum, eorum mendicantium ex numero, qui sublata pera ostiatim stipem colligunt, certo prognostico admonuit fore, vt breui illum mendicantis habitum, cum honoratiori, vestitu commutaret; vt dixit, vt accidit. Ille paulo post fuit inauguratus Episcopus. Præcipuo cultu Sanctissimus puer SS. Abbates Onufrium, atque Antonium prosequebatur; porrò horribili inguinaria lue Romanâ urbem, sc̃dum in morem, depopulante, ipse in pestilentem quoque morbum prolapsus se moriturum breui præsensit: calidè Confessionis peccatorum ministrum Sacerdotem expetiit, matrem premonuit par illud Sanctorum tutelarium aduentare magna Angelorum turba stipatum, vt illum extempore in cælum, æternum Beatorum domicilium prosequantur. Quâ opportunè profectò, illo ipso die, ineffabili quadam voluptate, Beatus nouem modo annorum puer ad cælestem patriam ex funesto ergastulo euolauit, vixque egressus ex carceribus, decursione mirabili, metam attigit.

attigit. De quo ne vlla causa dubij hæreremus, eadem hora, qua ille decesserat, puella quædam in illa vicinia, lue quoque populari correpta, etsi iam linguæ vsum ex morbo perdiderat, resolutis momento faucibus, Euangelistam conclamat Pontianum numerosa Angelorum multitudine circumuallatum se conspiciere gloriosum ad sydera gradientem. Vaticinium fuit. Familiares attoniti, re peruestigata, comperiunt eadem hora Euangelistam è viuis ad superos emigrasse. Si id parum est, ecce iterum Agnetem puellam quinquennem fraternæ sanctimonix consociatam. Vix anno transacto, Francisca domi in cubiculo orationi, primulum pungente aurora, vacabat. Euangelistam suum clarè redeuntè adspicit, eadem ætate, ea statura corpusculi, ea specie, qua obierat, nisi quòd multo pulchrior lucidissimi syderis instar emicàs apparebat, altero veluti coæuo puero paris pulchritudinis comitante. Mater ijs spectaculis haud insueta, dulcissima sobole consalutata, simul per diu de cælesti gloria, qua fruebatur colloquuta, insuper ab eo certior facta secundo illum Angelorum conscriptum choro, demum extremum id audiit, quod maximè auebat, se potissimum è cælo delapsum reuenisse, ut Agnetè sororè iucundissimam sibi inter Angelos adnumerandam adiungeret: quibus genitricem affatus, solatusque diuinæ significatione voluntatis, repentè ex oculis sese in auras mira celeritate proripuit; ac post Paulum Agnes corpore expedita cælum petiit, postquam decumbentis ad lectulum mater Columbam præcipuo candore albican-

Oecon. l.  
2. c. 2.

tem circumuolitantem antè prospexisset, quæ suc-  
censo cereo ad rostrum appēso, iacentis puellæ mem-  
bra singula pedetentim veluti obsignabat. Iam satis  
de liberis, quæ Philosophus Aristoteles tanti momen-  
ti esse censuit, vt maximam parentum felicitatis par-  
tem in ea cura constitutam putarit, illa enim eius sunt  
in æconomicis. Cū ergo tanta adhibeatur cura pro corpo-  
ris esca, quid pro liberis, & matre educatrice? nonne protinus  
omne studium fuerit ahibendum? hoc enim solo hominum  
conditio mortalis existens per successionem immortalitatem  
consequitur, omniāque parentum vota huc tendunt. Quam-  
obrem qui ista negligit & Deos ipsos videtur negligere. Ma-  
ximè verò id exemplo faciendum existimat. Nisi enim  
parentes exemplum vitæ filijs præsent, euidentem excusatio-  
nis causam erga se illis relinquunt. Ac timendum est, ne con-  
tempti à filijs quasi non benè vixerint, in senectute deseran-  
tur. Id nos quotidie lamentabili experientia accidere  
non tam videmus, quàm meritò ingemiscimus, vt sibi  
flagella fecisse non liberos parentes vt plurimum sen-  
tire cogantur. De reliqua familia ad tertiam figuram  
expres̃sa non ero prolixior, de quibus Apostolus im-  
perat, Domini quod iustum est, & æquum seruīs præstate,  
scientes quod & vos Dominum habetis in calo. Atque ite-  
rum, Et vos Domini eadem facite illis remittētes minas scien-  
tes quia & illorum, & vester dominus est in calis, & persona-  
rum acceptio non est apud Deum. Pudet referre quàm tur-  
piter in ea Chrittiani officij parte peccetur. Corpore,  
atque animo constamus omnes, serui, liberique: vtri-  
que eundem seruatorem, ac dominum, eandem pro-

III.  
FAMILIÆ  
CVRÆ.

coll. ff. 4.

xphs. 6.

positam gloriam habemus: quo fit vt matresfamilias quia spiritum eodem ex fonte hausertunt, seruorum etiam curam gerere teneantur, neque eos ita, vt muta quædam, languidâque pecora contemnant, quos aliquando in celo æquales, forte etiam superiores habituræ sunt; corpora verò ne vel immoderatè sana opprimant, vel ægra indignissimè, Barbarorum more, proijciant. Aristoteles optimus magister haud multo secus, quanquam minimè Christianus præcipit; *Cum* O Eccl. 7. ca. 5.  
*seruis autem, inquit, ita versetur, vt neque superbos esse sinat, neque abiectos. Quapropter oportet considerationem habere, ac indulgere illis, & permittere singula secundum merita, & cibum, & vestem, & quietem, & castigationem; verbo, & opere Medicorum artem imitâdo.* Ego autenticè scriptum in B. Franciscæ actis inuenio, tanta affabilitate tractabilem se, atque amabilem omnibus præstitisse, vt seruos præut germanos fratres, ancillas velut sorores, æqualitque coleret; imò gauderet ex æquo per omnia cum domesticis nâcipijs tractari, haberique: eos si aliqua leuicula culpa læsisset, demissè ab illis errati veniam postulare, errorémque, quantuluscunque esset, extemplo corrigere consueuisse. Qui si è contrariò diuinum numen aliquo piaculo prouocassent, demum ex aduerso illam leuæ grassantis ad instar inflammata, ardentémque id cuiuimodi foret, constantissimè castigatum vindicasse, non tam authoritate, quàm exemplo præfuisse, iussis herilibus religiosa passim monita ad Christianè viuendum addidisse: quantum ad seruorum corpora, nec torpère inertia,

ne clanguere otio, nec succumbere immoderato labore sinebat: si ægri decumberent, tantum abest, ut quod feri homines faciūt, in impluuium abjiceret, ut eos in lectulo domi ipsa sua manu aleret, illis omnia abundè quouis pretio venalia, quæ necessaria erant subministraret. Specimen ex cognata vannotia capere possumus, quæ eo dem tecto utebatur. Illa ex graui morbo ita gustus sensum obstipatum habebat, ut vel ad ciborum intuitum nauscearet; quare auuiditate quadam an muliebri, an ex ægritudine contracta, eam aliquando cupido cancri terrestris incescit, qui curiosissimè conquisitus cū nec prece, nec pretio reperiretur, B. Francisca misericors, iacentis commiseratione permota Deo fidenter supplicauit, ut infinita sua sapientia, præsentileuatione, a græ vannotiæ subueniret. Neque irritæ, vel inauditæ preces. Dum domesticis simul omnes in aula domi cū matrefamilias versantur, è summo tabulato cancer eius generis necinopinatò decidit inusitatæ magnitudinis. Gratia diuino obsonatori Deo ingentes habitæ; expetitur ægræ esculentum ipsa suo Marte conditum apposuit, impensius etiam, quàm illa sperauerat, refocillauit; Nam eo cibo non celerius auuiditatem, quàm ipsam simul ægritudinem propulsauit. Erga exteros quomodo se gesserit mirari potius tacitè, quàm scribere tenuiter liberet, nisi speculum ea quoque parte terribissimum se mulierum generi proposuisset, quatuor illa, quæ Diuinus Apostolus admonet, absolutè complexa. I. *Super omnia autem charitatem habete, quod est vinculum perfe-*

17.  
ERGA  
PROXI-  
MOS  
QUOMOD-  
O SE  
GESSERIT.

Coloss. 1.



tionis. 2. Et pax Christi exultet in cordibus vestris, in qua  
 & vocati estis in uno corpore. 3. Induite vos sicut electi Dei,  
 sancti, & dilecti viscera misericordiae. 4. Verbum Christi ha-  
 bitet in vobis abundanter in omni sapientia docentes, & com-  
 monentes vosmetipsos. Quæ ego conglobatim dum ex-  
 pedio, primum illius erga corpora charitatem, dein-  
 de erga animos studium expono. Ardebat illa enim  
 magis, quàm amabat, si quem aut rerum, quæ ad cor-  
 pus sustentandum pertinent, indigentem, aut eorum,  
 quæ ad salutem animi necessaria sunt, penuria laboran-  
 tem offenderet. Hinc erat quòd ædes illius Xeno-  
 dochium potius pauperum, quàm vnius priuatæ per-  
 sonæ domicilium videbantur. Nemo mendicus ab  
 eius vestibulo vnquam frustra sine stipe recessit; vul-  
 go à miseris omnibus nullo discrimine eius atria, por-  
 ticus, interiora domus frequentabantur: vnde soien-  
 ne illi erat nihil domi proprium quamuis pretiosum,  
 aut necessarium habere, omnia promiscuè solius ne-  
 cessitatis habita ratione vulgabat, familiaribus nonnū-  
 quam licet obstrepentibus, quòd se statim liberali cō-  
 giario, quæ eleemosinæ causæ effudisset, reposituram  
 pro certo confideret. Vrbs aliquando summa anno-  
 næ caritate premebatur; omnia mendicis vndique, at-  
 que ægris latè compita obsessa laborabant: B. Franci-  
 scæ Socer Andreottius commodum eo anno genero-  
 sioris vini selecto dolio sibi, familiæque prouiderat.  
 Nostra misericors, ad quam miseri omnes tãquam ad  
 commune diuerticulum conuolabant, largè omnibus  
 pretiosum liquorem adpersum depromebat: itaque

1. Corpo-  
 rum curâ  
 quàm soli-  
 citam ha-  
 beret.

breui quotidiana, nec interrupta benignitate, doliū, focero infcio, exinaniuit: non multo post, focer visendi, explorandique meri anxius cū plenē, bellēque vacuum, atque exhaustum comperisset, suspicatus id quod res erat; in piam nurum clamore, & non nulla exprobratione succensus cēpit de damno expostulare: at illa sua iusculē factum exculans, soluto primū, ac tranquillo animo esse iubet; tum recipit ipso vestigio se illi de eodem dolio propinaturam; cum vanotia ad cellam aduolat, vas vinariū, sine dolo, prout antea bene plenum offendit; acclamatur. hauritur. in stuporem itur. numini quā infimo ex pectore grates ingentes persolutæ; focer obstupescit, edoctusque: nurus in virtutis proposito firmata magis; pauperes sustentati; omnes ad vnum prouidæ propolæ sapientiam admirati, ipsa ad institutam pietatem incensa semper ardentius mendicorum vsibus deseruire instituit, vnde aucta in dies, atque congesta miracula. Alio quodam die, parum admodum grani, quod ex domestici horrei emissitijs quilibet recollegerat egenis elargita, o postmodum regressa plus quadraginta modios germani, ac sinceri frumenti reperit. Crusta, mucidæque recitamenta ex eleemosinis hinc inde corrogata sibi ipsa seruata sumebat, eorumque in locum clanculum panem recentem artolaganum in sacculos pauperum submittebat. Obfirmatē adeo, constantēque ægris egentibus ipsamet studium, atque operam impendebat, vt illis curandis, totos quadraginta circiter annos, quibus vnā cum

Laurentio vixit, constet in eam curam incubuisse. Nolosochium S. Spiritus, & Campi sancti ante omnia, & S. Mariæ Trans-Tyberinæ præcipuo studio excolebat, vbi non solum ægrotis sua opera obsonabat, sed cibum domi suæ exquisitè apparatus suis ipsa manibus porrigebat: nec esculenta modo, vel poculenta vulgaria accurabat, at simul etiam medicamenta, sportellas, bellaria, dulciaria, aliâque ad ægrorum gustum subleuandum, acuendûmque non maiori copia, quàm munditia, & vrbana quadam, gratâque elegantia subministrabat. Estnè quo progredi possit vltèrius admirandæ matronæ erga mileros, ægrósque homines munificentia? Inueniemus. non profusè tantùm illa ad victum necessaria, quibus opulèta fœmina domi abundabat, largiebatur, verùm ad inauditæ cuiusdam, stupendæque profusionis cumulum, & magni Pauli Nolani instar se ipsam ipsam in pauperes effunderet. ô spectaculum, non modo speculum vix vsquâ hominibus in tota antiquitate spectatum! ipsa sæpe numero sermenti, lignorûmque fasciculos, pedes, aut de suo, aut raptim aliunde ruri excerptos suis humeris, inde à vinea suburbana per urbem baiulabat, aut si oneri ferendo non esset, asellum onustum in oculis omnium, nobilis, & clara, & diues fœmina circumducebat. Non rarò, comitante vannotia, certos vicos ab urbe distractos adibat, vbi ipsæ remotis arbitris ignoræ mendicatum stipem postmodum egenis refundendam quærerent, tam sinistro plerûmque successu, vt scommatis, salibus, & conuitijs, loco eleemosi-

natum, onustæ reuerterent. Id verò adeo ex professo faciebant, vt sub illud tempus, cùm solenniores ad S. Pauli eadem suburbanam stationes frequentabantur, affluente magna mortalium multitudine, ambæ ad sacræ ædis fores alijs se mendicantibus fœminis nonnunquam adiunxerint, paucisque nummulis hinc inde corralis auditæ fuerint Deo laudes, gratésque iterare, quòd eo die ancillulis pecuniolæ tantum prouidisset, quantum illis ad tantillum lupinorum, & panis ad cibum satis esset. Vnde ad illam coniecturam ego adducor, non solum opis pauperibus afferendæ causâ, solitam B. Franciscam mendicare, verùm vt domesticarum dapum delicatiore delectu fastidito, atque egenorum vsibus reservato, pauperum epulas prægustatas sibi de industria retineret, vt nec marito rem domesticam dilapidare, nec tamen egenis lautè tractandis deesse videretur. Quæ si vel quia miracula, vel quia extraordinaria, vel religiosarum potius, quàm nuptiarum propria parum imitationis habitura iudicabuntur, meminisse tamen Christianas mulieres oportebit, etsi peculiarem quendam Dei inspirantis instinctum ad illa singularia sequebatur, tamen eo imitationis ansam præclaram præbuisse, tum quòd se diuinis instigationibus penitus conformabat, tum quòd nihil omnino marito inscio, aut inconsulto moliebatur, tum quòd in ea sexus infirmitate, fœmina, quantum fœminæ cum Dei ope audere, quantum facere, modo adsit animus, etiam queant, suis exemplis commonstrauit. Nunc quantoperè animorum salutem

tem anhelaret, quanquam ex illa opera nauata corporibus suspicari possumus, tamen aliquando ostendit, quando seu agris opitularetur, seu victum inopibus procuraret, eadem opera eorum mentes ad Christianarum virtutum obseruantiam exacuebat, Christi seruatoris imitatione, qui corpora simul, atque animos eodem beneficio perfanabat. Fuit in D. Cæcilie hospitali pauperum domo quædam fœmina, quam lecto periculosus morbus afflixerat: hanc vaticinata B. Francisca, ex barbara quadam desperatione, filiũ obstipata gula strangulasse, detestandi parricidij commonefactam, conuictamque ad voluntarios pro scelere subeundos pœnitentis animi cruciatus, tum ad sanio-rem mentem faciliẽ impulsit. Qua ex causa, vt in promptu Nosodochij egenis decumbentibus Sacramentorum facultas adesset, sacerdotem suis expensis ad S. Mariæ trans Tyberim sustentabat. Incredibili ardore dies, noctesque flagrabat deuos sceleratorum hominum sensus ad meliorem indolem reuocandi: continuas eam in rem preces ad superos eiaculabatur. perennes ex oculis lachrymas profundebat; pectus pugno complicato pulsat; corpus atterebat; inertia ingenia insidiatoris Dæmonis conatibus obsistere nescia præcipuo studio commiserabatur, se eorum causa ita vexabat, mulctabaturque, vt cacodæmonũ nequitiam, & intentatas miseris machinationes longè molestius, quàm eorum ictus, & crepitus ferret. Quædam sua institutione discipulã, supremo agone, cum morte luctantem subodorata de animi quoque inte-

2. Anima-  
rum curã  
quædam  
haberet.

ritu periclitari, sanitati restituerat, quo vitæ emendationis consilia impoſterum iniret: id adeo indignè Cacodæmon accepit, vt, facta incurſione, duo ferociſſimi ex Tartaro lemures famulam Dei, obtorro, è neruis duriffimis, flagello extremè cæſam miſerandum in modum lacerauerint. Alteram eiufdem inſtituti Catarinam non tam morbo, quàm deuexa ætate decrepitam, deſperata valetudine, loquendi facultate deperdita, à ſenſu etiam ab alienatam, iam, iamque moribundam tandiù in extremo conſlictu retinuit, dum Sacerdos, qui ab vrbe aberat, quinto, ſextoſue poſt die reuerteretur, à quo ſupremum Sacramentorum ſolatium conſequuta, mori à B. Francisca permiſſa exſpirauit, quaſi precibus pendulam eius vitam teneret: tum enim Litanijs à Beata conceptis, ab ea in hæc verba iuſſa decedere, *vade in pace, roga Deum pro me.* Diſto audiens obtemperauit. Ita hoc conſequuta erat diuinitus, vt non ipſa modo Sancta eſſet, ſed quoscuque alios ſua familiaritate cōtingeret, ſui ſimiles breui redderet. Illius aſpectu, alloquio, congreſſu illo toto ſociali, ita ſingulorum ingenia obuertebat, vt ſiue diſſenſione aliqua, ſiue laſciua turpitudine, ſiue inueterato quopiam alio ſcelere, aut villa alia immoderata perturbatione laborarent, eos momento componeret, & meliora concipere animo ſuaderet. friuola, ſcurrilia, inutilia, turpia, aut quæ tantillum alienam famam attingerent, eorum à quibus frequentaretur, nullo pacto ferebat, frangebátque, ita vt vel ad diuiniora diuerteret, vel ſubito inchoatis alia

honestiora quodammodo adfuta, interruptione non ingrata, misceret; vel si illud non posset, interiecta salutare reprehensione prorsus abrumperet. Ita fiebat, vt quasi Ætnęum quoddam diuini amoris incendium, circū omnia vicina succenderet, atque vndique in mortalium animos, ex sui pectoris veluti flagrantissima Pyra, ardentes pietatis scintillas, necnon cælestes igniculos euibraret. Quibus demum artibus id assequebatur, quod princeps Apostolus exigebat, non solum vt cum omnibus pacem firmaret, sed ipsa apud omnes beneuolentiā, reuerentiā, admirationem, præcipua matronalis dignitatis decora, ipsa pacis, & socialis amicitiae perpetua conciliatricula nancisceretur. Facile siquidem tu cedendo, alia nihil attingendo, cum omnibus pacem inuenias; maximè si te subijcias ipse omnibus, nemini anteponas, omnibus pro sis, nemini officias, ijs artibus doceas tygres etiam; nedum efferatos homines mansuescere. NAM quatenus modo ad personam vxoris attinet, ea ad quintum illud aliud speculum referuntur, quæ Paulus Apostolus de moderato præsertim cultu corporis præcipiebat, quæ uero Aristoteles naturę vestigijs solertissimè indagata, ad sempiternam earum mulierum ignominiam, quæ Christiano nomine profanam lasciuiam obtegunt, in proba matrefamilias desiderauit, videlicet frugalem in habitu, totaque vitæ conformatione temperantiā, & inuictā in rebus aduersis, maximè quæ maritum obsident, tolerantiam; nos, qui cum Christianis agimus, teritiā quan-

V.  
ERGA SE  
IPSA M,  
QUALERA  
DISCI-  
PLINAM  
obserua-  
uerit.



Oecon. li  
2. cap. 1.

dam omnium Reginam adiungimus, lasciuientis corporis castigationem, cum moderata seueritate temperatam. *Sumptu autem, & vestitu, & apparatu* (inquit de matrefamilias Aristoteles) *minori etiam utatur, quàm leges permiserint ciuitatis; considerans nec vestimentorum nitorem, nec excellentiam formæ, nec auri copiam tantum ad mulieris laudem, quantum modestiam in rebus, ac studium honestæ, decoræque viuendi valere: etenim omnis huiusmodi ornatus animi optabilis est, multoq; firmiter ad senectutem usque ad veras laudes sibi, atque libris comparandas. Quoad illam in aduersa fortuna constantiam, incredibile est quàm Christianè non Christianus homo philosophetur. Quapropter decet non solum in prosperis rebus, secundaque fortuna unanimem sese viro præstare, & inferuire velle, verum etiam in aduersis. Si sit in rebus defectus, vel corporis agrotatio, vel alienatio mentis, æquo ferat animo, & obsequatur. Tum post paululum, magnum negotium exemplis assequitur. Putare debet mulier hinc optimam sibi laudem si rectè se gesserit peruenturam: secum ipsa repetens, quia nec *Alceste* tantam sibi gloriam parasset, nec *Penelope* tot, tantasque meruisset laudes, si cum fortunatis viris vixissent, verum *Admeti*, & *Vlyssis* aduersitates parauerunt illis memoriam sempiternam: nam prosperitatis quidem facile est reperire participes, aduersitatis verò, ni optime sint mulieres, participes esse renuunt. Nec mihi ille aliquid scripssisse veriùs vnquam videtur, quàm cum asseruit formæ, & pulchritudine fæminas beatiudinem metiri, nihilqu; magis cupere in vita, quàm esse, aut videri formosas. Quid illa insana? speciosa quæro pascere *Tygres*? pudendum, ac desendum*

2. Cultus  
& fastus  
mulieris  
contemptio.

Moral. 3.  
O4. 27.

fatis, in Christiano cælo, nihil illas refugere, ut vanissimæ pulchritudini obsequantur, qui Spurinam nescio quem nouimus, apud Valerium, in media infidelitate, adolescentem elegantissimum, cum sese appetitum à fœminis cerneret, ut libidinis illis materiam tolleret, sibi vultum dedita opera dedecorasse, omni que decorem vulneribus confudisse. *Fœdera seruasset si non formosa fuisset.* <sup>Lit 4.</sup> <sup>Ouid. ij. f. 11.</sup> Attripo de istis omnibus, quod ille de vna argutè cecinit; syluam certè istæ adulteriorum, & maleficiorum accendunt, quibus Poëtarum theatra omnia, Oratorumque suggestus personare videmus. Cæterum hac parte mulieres, ut in omnibus, semper extremæ vel nimia, vel pauca, quanquam rarò pauca, appetendo peccant. Neque enim ego ille sum Stoicus, aut ferreus, qui omnem à fœmina ornatum auellam: Philosophis sua materia prima informis, & omni elegantia carent, quam subtilissimus Augustinus idcirco, aut nihil, aut propè nihil appellauit, ex natua deformitate, appetitu inexplibili omnes formas, speciesque desiderat, neque in vlla potest quantumuis perfectæ quiescere: quam enim anima rationali perfectiorem appetere poterat? Certè Aristoteles materiam alia ex parte veluti matrem nominauit; accipio omne, atque ex ingenua deformitate desperatam illam formæ cupiditatem satis ignosco. Verum animi illa est, prout proximè aiebat ille Philosophus, quæ verè formosas efficere sola, & perfectas potest. illa alia corporis fluxa est, florisque simillima, quæ momento temporis deflorescit. <sup>Arist. 1. 1. b. 7. f.</sup> Quanquam haud inficiandum etiam

# Vita Sanctæ

Cic. Orat.  
Perf.

cas suum quendam cultum decere, ita vt inornatæ  
cùm sint, ornatæ videri queant; idque eas maximè de-  
ceat non esse ornatas: quædam enim sunt socialis cu-  
iusdam decori, quod Græci *τι ἀπλόνος* nominant, orna-  
menta, quæ maritorum quoque oculos domi conti-  
neant, a honore quodam veluti incantamento de-  
liniant: sed ita, vt illud Iuliæ Imperatoris Augusti filiæ  
mordicus teneant, quam frugalissimus Imperator cū  
ægre ferret compitiorem solere esse, quàm necesse es-  
set probæ, vidisset verò illam aliquando modestius  
compositam, *Quanto hic in filia*, inquit, *Augusti pro-*  
*babilior est cultus.* Cui illa, *hodie me*, inquit, *patris oculis or-*  
*naui, heri viri.* Vtque eo sanè non improbetur illa lu-  
xuria, vt obsequentes maritorum oculis, non ad spe-  
ctuum alienorum aucupandis illecebris sese compa-  
rent. Diuini ingenij vir Augustinus Christianam ma-  
tronam seriò admonet, castigatque, quòd pannosa  
nimis inuiti mariti oculis obsolesceret, in quo mulie-  
brem etiam refractariolam arrogantiam argutè per-  
stringit. *Quid absurdius*, inquit, *est, quàm mulierem de hu-*  
*mili veste viro superbire, cui potius expedit obtemperare, quàm*  
*in nigellis vestibus repugnare?* Alias, quæ non se virorum,  
sed alienis oculis ornant, videre est familias euertere,  
maritos ad versuras adigere. liberis ex faucibus pulpa-  
menta, quæ ipsæ vestitu deuorent, Struthionibus cru-  
deliores auellere: alienis viris veluti retia, venereas-  
que tendiculas explicare: atque vt cum magno Philo-  
sopho dicam, *Non satis muliebris insania viros iubece-  
rat, nisi bina, æterna patrimonia auribus singulis pependissent.*

Ad acrob.  
y. satyur.

Ep. 4.  
Edicam.

Senec. l. 7.  
Benefic.

Vt parum Comicus dixisse iudicio illius censeatur, cū illa diceret, *Videas mulieres totis fundis exornatas.* Ad quid? si illis sumptibus mariti sudant? si ingemiscunt? si ferre non possunt? nisi ut contentionum, & maleficæ zelotypiæ semina iaciantur, si aureo illi flumini eloquentiæ Christianæ credimus? *Ille ornatus & zelotypia suspicionem inijcere sæpè solet, & inimicitias, & cōtentiones, & pugnas concitare.* Ita enim accidit ut castæ mētes lasciuo habitu in suspiciones incurrant, cōtrā verò lasciuæ simplici ornatu obtegantur, prout castissima illa vestalis Clodia, cui luxur vestium pudicitiae laudem adulterauerat. *Casta quidem sed non est credita: rumor iniquus læserat.* Cultus, & ornatos variè fuisse capillos, læserat. Quo in genere noster Aufonius subtilius etiā muliebrem illam insaniam castigauit.

*Disimules estis tuque, sororque tua*

*Hæc habitu casto, cum non sit, casta videtur,*

*Tu, præter cultum, nil meretricis habes.*

Quid quòd aliquæ nec viris, nec alijs, sed sibi cultū perditè amant, & aucupantur? *Studiosum, amansque ornatus genus fæmineū est, multasque insignis pudicitis quamuis nulli virorum, tamē sibi scimus libenter ornari:* id S. Hieronymo, non mihi credatur; diū ille frustra hocce domesticum an maleficium, an latrocinium insectatus exprobrauerat. Hoc monstrum horrendum, immane, ingens, triplici extremitate formidabile Christiana Heroïna nostra genus sanctiorum quarundam Amazonum, detruncauit: quæ nobili loco nata, nuptæque muliebres ineptias calcavit, quod de Platonis fastu

*Plant. in Epid.*

*S. Chrys. hom. 11. ad pop. An.*

*Ouid. 3. fast.*

*D. Hieronym. Ad Gaudem.*

quidam Philosophus ioculariter aiebat, vt simplici, & mero vestitu pullo, non gemmis, non fuce, non multicoloribus mercibus, veluti ceterę tegetetur, quę omnia diuendebat, vnde pauperibus nummos, victumque faceret. Oportuit despiciatissimo habitu fuisse, quę sæpe, vt dictum est, se alijs sœminis mendicantibus, ad templorum vestibula, miscebat, quę ligneis fascibus onusta per urbem asellum agebat. Neque verò, illa egregia sui cõtemptione, suę mentis altitudini satisfactum putabat, nisi aliarum quoque mulierum luxū, absque inducijs, insectaretur, in quarum animis vel sedula admonitionum cura, vel præclaro suo exemplo, vel occultis ad superiores precibus, tantum profecerat, vt pleręque fastum, & pompam, & gemmas, aurum, sericumque cum modesto, atque Christiano ornatu, grato vniuersę ciuitati, opportunoque spectaculo, permutarent. Fucati verò medicamenta candoris, & ruboris omnia non aliter, quàm prodigiosum piaculum exhorrescebat, & ab alijs omni studio remouebat, quę insitam Dei conditoris beneficio formam e mentire, adulterina, laruatque obductione corrumperent. Nam ad eum modum disertissimus Cyprianus, in illas mulierum Citerias, cõceptis verbis, pridem stilo illo suo vtore, descriuit. *Manus Deo inferunt, quando illud quod ille formauit, reformare contendunt, nescientes, quia opus est Dei omne quod nascitur, Diaboli quod mutatur, &c. Nūc metuis oro quę talis es, ne cū resurrectionis dies venerit artifex tuus te non recognoscat? vt increpans vigore censoris, & iudicis dicat; opus hoc meum non est,*  
nec

S. Cyprian.  
lib. de ha-  
bitu virg.

*nec hæc imago nostra est, cutem falso medicamine polluisti.*

Larvas ego cum admirando Chrysostomo nominaui, s. Chrys.  
hom. 2. in  
Ioan.

cuius illa sunt dicta præclare. *Inanem gloriam hanc maiores nostri omnes merito dixerunt, inanem namque est sicut larvæ,*

*quæ pulchræ quidem visu, & decore, intus verò inanes reperiuntur,*

*quare cum aspectu elegantiori appareant neminem unquam ad se amandum allexerunt.*

*Pereleganter sanè, ut nostrarum mulierum fastus semel ex Philotophi Barbari ingenio retundatur,*

*apud Xenophontem in Oeconomico istas excusationes eludit Ilchomachus,*

*cum se id maritorum imperio, saltem genio, facere mentiuntur.*

*Age, inquam, coniunx, inquit Ilchomachus, nonne ea pactioe cõuenimus ambo, ut sua alteruter alteri omnia conferret, nihil proprium reservaret, omnia in medium, & in commune haberentur? ita, inquit* Xenoph.  
in ocon.

*vxor. Iam quæ mihi probam, & germanam dotem numerasti, si tibi, inquit, ego pro tua dote præstigas,*

*aut officias darem, idnè tibi gratum duceres futurum?*

*aut tu fictas armillas, fictos torques, fictum aurum,*

*quàm quæ tu pura attuleras, malles? nequaquam, illa inquit.*

*Atqui corpora, inquam, tu mihi, ego tibi conubiali lege tradidimus, nunquid? ita est, inquit.*

*Age verò, annon ego tibi nativa mea forma gratior, quàm aliena fucatus, & coloratus? opinor, inquit, te alium ego haud vnquam feram.*

*tum ille Socraticè irretitam vxorem frugalitatem, & nativam speciem edocturus, & mihi, inquit, puta mētem eandem esse, nec tam mentito tuo colore delectari, quàm tuo.*

*Hic mulier erubuit, & luxuriam, illa mariti sapientia, emendavit.*

1. Quanta  
Beata  
Franciscæ  
sua d'spi-  
cientia.

Næ illi fatui satis, & ridiculi mihi oppido videntur, qui laruas, quàm mulieres malunt. Nihil B. Franciscæ tanto, tamque implacabili odio est detestata: sui generosissimam despectionem, pro præcipuo ornamento semper habuit: ardentem charitatem pro purpurisso, aut minio excoluit: pudicitie candorem pro cerussa; morum incredibilem suavitatem pro serico; miraculorum, splendorem pro gemmis; Christianotum operum iuncta patientia probatorum, pro auro, argentoque; lachrymarum vim perennem pro distillatis latium pretiosorum ad leniendam cutem lotionibus; & lachrymæ eius in maxillis eius; pro Cyprio pulvere naturalem pilorum ornatum decolorante, assiduum cum psalte Regio de peccatis admissis pœnitendi studium, cinerem tanquam panem manducans, potumque fletu miscens; denique pro aureis, gemmatisque annulis, aut catenulis, egregiam viro, proximis, superisque præstitam, & servatam fidem, constanti illo amore, connexam. Accidit aliquando ut lignis onusta de more, fortuitò in plebecium nescio quem suo item fasciculo oneratum incidere, proximè vno ex Beatæ Franciscæ consanguineis consequente; quo occursum ille baiulus utrique notus, veritus ne illa ingetato occursum erubesceret affinis adpectu, se utrique intermedium, ut fasciculo utrique officeret, iniicere voluit: at illa lignis suis illius oneri in aduersum oblisit, impulsu sibi viam aperuit, & suum illum agnatum ex professo, ac palam consalutavit, præclara de muliebri arrogantia reportata victoria. Atque obsecro quid



illa quo se deprimeret, abijcerétque non tentavit, quę inauditarum inuentionum acumina non excogitauit? Viuo marito, ac sospite, eius permissu, iam suarum monialium cæperat cætum instituere, quæ paulatim eius imitandæ studio quadam in domo ad Campitelli regionem coaluerant: eò illa semel profecta, vt quotidie, re familiari curata, solebat, priorem domus aditum ingressa, pro scalis, quibus in ædes ascensus erat, morata, anteriores ædium valuas occludi iussit: tum pulla ea extrema veste deposita, capite velis abiectis penè nudato, comaque in collum, atque humeros temerè crispante, soluto, brachijs, atque humeris expapillatis, cæterum sine cinctu discalceata, sordidata, lachrymis abundè manantibus, suspirijs miserabili ciulatu sonantibus, manibus in crucis imaginem decussatis, oculis in terram depressis, facie inflammata, labantibus genibus, humi postrata, voce tremula, inter mortuâque, vociferans obtestabatur, earû in numerum tanquam mendicam, miseram, & vile peccati mancipium recenleri; quæ ætatis florem vanitati caducæ, fluxæque infelicitè decoxisset; sæcem creatori, ac Domino Deo seruasset. Haud enim ferè se alio nomine, aut appellabat ipsam, aut appellari ab alijs cupiebat, quàm peccatricem, vile scelerum sterquiliniû, omnis nequitix retrimentum, sentinam, ac cloacam spurcissimæ turpitudinis; corruptionis, ac putoris horrendum piaculum, mendacis, vanitatûque insigne ludibrium, denique omnis funestæ miserix tolenne, ac celebre documentum. Hic tanta summissione il-

lius sociæ obstupefactæ vno ore pronunciant, nefas esse vt alia magistra, ac præses, ipsa superstitè, legeretur, quæ suo iure omnium dulcissima parens, ac mater extitisset. Ergo illis vno consensu ita deinceps omnibus præfuit, vt omnibus subellet, vt se omnium famulam non colorata religioſæ demillionis ambitione, sed sincera voluntate diceret, quæ omnium sapientissima veluti procreatrix habebatur. Tantam animi depressi modestiam inueteratus ille superbix buccinator cacodæmon ferre non potuit: illi se ea forma, eoque habitu aliquando obiecit, qui spiritalem ipsius magistrum referret, charta, & sepia, & calamo instructus de industria, vt illas, quod ille nefarius suadebat, tot suas illustrationes, tantasque, ipsa dictante, conscriberet, eum ad finem, vt post ipsius obitum omnibus retro posteris, maximo fructu, glorioso sanctitatis præconio innotescerent: qua eadem de causa illam iuberet, pingendi artem perdiscere, vt spissa diuinarum rerum, atque visorum illustrium volumina, prout plerique Sanctorum veterum, recentiumque consueuerant, ad posteritatis admirationem, atque memoriam exararet. At illa scelestissimum quadruplatorem exhibilatum, & omni ignominia consputatum, insigni constantia propulsauit. Aliàs quaterni eodem ex baratro Tartarei satrapæ, specie humana, se illi humillimè cum infima quadam reuerentia submittebant; prædicabant, efferebant, exaggerabant summam illius pietatem, modestiam, seueritatem in domando corpore, perseuerantiam in religioso, accuratèque

proposito, contestati inter hæc, & professi se haudquaquam vltiâ posse illi obsistere, in irritum cadere sua consilia aduersus eam omnia, aliâque generis eiuldem, subinde capitibus in illius gremium inclinatis blandiebantur: quibus ex aduerso inuicta fœmina, per contemptum, ac ludibrium superbissima colla, & vesanum sinciput manibus quatiebat; superisque interea grates maximas profundissima quadam animi abiectiōe pro collatis beneficijs tam diu referebat, dum larvæ illæ stygiales procul summotæ facesserent. At non aliâs magis ista modestissimi animi demissio sinè enituit, quam quando miracula illo artificio dissimulabat, vt cùm morborum omnia ferme genera solo contactu depelleret, redditam sanitatem vnguento nescio quo ex Amaraci, & Rutæ succo admoto celaret. Atque accidebat interdum, vt illa medicamenta vel morbis aduersa, vel ad rem penitus inutilia essent, tantû vt oculis fucû faceret ad gloriolæ fugam adhibebâtur. Ægros tamen, quidquid erat, sanatos, vi vt diuina id factum acciperent, Deique vnus beneficio acceptum referrent, obnixissimè adhortabatur, quo fiebat vt nec Deo sua laus detraheretur, & ipsa vanitatis speciem auerteret. Sim infinitus, si omnia sui deprimendi studia dicere aggrediar, hæc sufficiant pauca de multis. Nunc immane est quantam rerum aduersarum animi, corporisque patientiam semper attulerit; quæ vna virtus, mea quidem sententia, sola societatem coniugalem securam, sola tranquillam, sola beatam vitam præstare potest. Ea si absit, om-

*2. Quanta  
in rebus  
aduersis  
Patientia.*

nia, demū sursum versus, sus deque disiecta, dissipataque pessum eant necesse est, Balsamum fruticem ferunt non nisi specillis fodicatum, laceratumque suam opobalsami liquorem exudare: nusquam animi robor inuictum tantum, quātum in ista grauioris fortunæ laceratione diffunditur. Per ipsum tempus, quo in humanis versabatur connubij nexibus alligata, Romanam urbem turbulentissimi supra modum tumultus dissensionum ciuiliū agitabant. Sic maritus, ut in communi procella, magna vnda iactatus peracerbos communis perturbationis turbines hausit. Ille raptatus, ille iactatus, ille in exilium actus, ille fortunis spoliatus, ille vxore, liberisque carissimis carere coactus. Frater mariti Germanus Paulucius in eandem calamitatum ratem iniectus, & ipse lamentabili exilio deportatus. Ioannes Baptista filius pro obside, ut magis dicam, postulatus; res domestica per illas iactationes penè in certum naufragium conquassata. In his omnibus imperterrita matronæ inexpugnabilis animus, veluti cautes medio Oceano, vndique adlatrantibus vndis erectus, immotusque subsistit. Palmam dicrees, quæ tanto magis obnititur, quanto magis pondere prægrauatur. Illa sexu fragili cuncta domabat, spumas liquabat; vndas frangebat, ventos frænabat, re nulla illata humanitus vincebatur: semper eadem, atque sui similis, in prosperis iuxta, & in aduersis facies tum mentis, tum corporis apparebat. Omnia hinc inde humana reciprocis fluctibus immugiebant, flocci faciebat. liberos amittebat, ferebat. ægritudine vel sua preme-

batur, & æqui consulebat, vel mariti vexabatur, & tollerabat. fundatissimæ familiæ ruinas spectabat, nihil penitus se commouebat. obtreçtatorum calumnijs, hostium rapinis, domesticorum insidijs impetebatur, pro illis egregia Christi discipula libenter orabat. benefactis malefacta pensabat prunas ardentes amoris, in viscera non modo in caput ei aculabatur. Immanibus cacodæmonum spectris, nec spectris modo, sed petulantissimis prouocationibus, neque ijs tantum, at varijs, inusitatísque supplicijs, atque verberibus incessabatur, ludebat, sorbebat, prouocabat, omnia victricis, erectæque mentis, immobilisque propositi magnitudine ludificabatur. Sæpe illi, multumque illæciteriæ, laruæque umbratiles diù, noctu; opportunè, importunè, horrificis deformatæ imaginibus irrugiebant, quæ illa infanda spectra magis horrebat, sentiebatque, quàm si in mediam flâmis ardentem *Ætner* præceps deuolueretur. Tum pro præsentis remedio, ad nocturna præferrim eiusmodi spectra auerruncanda, candelis sacro ritu expiatis utebatur, quas illi non semel violenter ereptas è manibus, humique proiectas sceleratissim<sup>9</sup> agitator, sibi haud leuiter infestas testabatur, multo procacius, si illis caruisset, aut alias profanas accendisset, oppidò grassabatur. Sub illa certamina sæpenumero iactata, raptata, pulsata, quassata, aliò deportata, interim à marito vel ægro, ex lectulo accita, vel sano, ad domesticum obsequium euocata, interdum obsequi non poterat, interdum de industria hîscere non audebat, ne moræ causa deprehende-

retur: postea ad vocantis vocem profecta si de cunctatione à viro carperetur, suppresso eo quod erat, tantum se modestè, ac leuiter à culpa purgabat. Nocte quadam pijs ex more exercitationibus dedita ab interpellatore importunissimo, facto impetu, ex capillis correpta, ac sursum in aëra vsque ad Podium foras violenter abrepta, mox in viam præcipitanda pendebat, nisi diuina ope repente in tutum reposita seruaretur. Alia vice, turpissimi veteratoris implacabili odio, in culina supra focum aliquamdiu suspensa, mox casu, & metu simul liberata, pedibus leuiter vstulatis, subiectum euasit incendium. Simulacris porro infandis vicissim læuebat, ijs maximè, quæ scæminis vulgò terrorem afferunt: serpentem sæpè se præbebat, aut serpentum cadaueribus illam pulsabat: varia alia eius generis monstra flammis ex ore, ex naribus, ex oculis eiaculancia ostentabat: ita die quodam, cùm ad focum, marito ex morbo decumbenti, pannos calefaceret, anguis immanitate terribilis tetras ex faucibus flammæ eructans occurrit, seseque B. Mulieri toto corpore obuolutum circumplicauit, donec à custode Genio vitis sermento cæsus in frustra discerptus arceretur: cui alter momento leonis forma furibundus suffectus, pari cum infamia eadem ope fusus, ac fugatus abscessit. Quid illo naturæ furiato portento inuerecundius? quid impudentius? quid importunius? nihilo propterea castigatior molestus interuenire non destitit, imo eò processit, vt B. Franciscæ dorso, atque humeris petulanter, in terrificum draconem effectus

formatus insilierit. neque impunè. armata vi inuictæ  
constantię muliercula ignominiosissimè apprehesum  
vexatorem manibus tenere, premere, stringere, præ-  
focare propemodum, donec victus, & domitus, & pu-  
dore æterno suffusus euanesceret. Hic nos abiectissi-  
mi spiritus immortaliter insolescentem arrogantiam  
elanguisse aliquando credamus? quomodo vnquam  
posset? redintegrata vesania, in Hydram septeno gut-  
ture hiantem, septenâque horrentem iuba conuer-  
sus, præter vanissimum terrorem, celerrimè diuini af-  
fectæ præsentia extenuatus, aliud nihil intulit. Nihil  
siquidem illo abiectius, si illi, pede collato, fronte ob-  
uerfa, opposito animo restiteris. Ille, cui nomina mil-  
le, mille nocendi artes, satis sua deformitate iam rete-  
ctus, atque prostratus, ad nequitia, & damnatæ teme-  
ritatis cumulum, sese, vt glisceret impunius, Angeli lu-  
culenti ostentatione falsissima personatum obrexit, ab  
instituta vitæ ratione dimouere omni ope contendit;  
ne sibi mortem vltro laboribus maturaret, admonuit.  
quid se enim uerò tantopere angeret? quam in spem  
se tot quotidianis malis excrucietur? quid vana super-  
stitione tandem tam diu decertaret, quæ desperata,  
quæ deserta à Deo, quæ æterna definitione flammis  
damnata tartareis incassum ad omnia niteretur? ô ad-  
mirabilem fœminæ fortitudinem! explosum, irrisum,  
conculcatum exterminauit. Anceps consilij præsti-  
giator septem alios suos contenebriones ouicularum  
radiofo quodam vellere micantes induxit; septem S.  
Spiritus dona esse ad eam edocendâ submissa mentie-



batur. Abiecit, illufit. Hic illæ ouiculæ ftatim in lupos commutatæ minas intentare pro blanditijs cæperunt. contempfit, illos in veftitu ouium reuera lupos rapaces recognouit. Spe illa deiectus fylueftis hominis habitu, & colore pro S. Onufrio Abbate veterator irrepfit, heremum petere, quæ folitudine adeò delectaretur, accuratiffimè perluaſit. Spreuit, omni facetia perpotatum fugauit. Simiam ſe, ſclerum omnium laternarius, conſentanea profecto figura, præbuit; omnia domi euertit; libros, præſertim pios, hinc inde diſiecit. Illa irriſit, eluſit, cruciauit. Inter has turbas, ſi à domeſticis accerſeretur, aut ſe Dæmon oppidò propriiebat, aut illa factum opportuna excuſatione ſimulabat; ſi de fragore plagarum, ac verberum ſono, aut alio motu interim exauditò rogaretur, negabat, tacebat, aliò obuertebat. ſolenne auertendis hoſtibus ſubſidium, præculè illè iaculabiles, ex B Antonij, & D. Catinæ Senenſis experiētia probatè, collectèquæ. Chriſte mi libera me. dulciſſime Ieſu ſerua me. Anima Chriſti corrobora me. magne Deus, attende ad me. Angele tuere me. Et quæ talia ſunt valdè idonea ſemper in promptu. Itaque erraticos illos congerrones ita tandem ſpernere aſſueuerat, vt eluderet iam magis, quàm expugnaret; caſtigaret potiùs, quàm vinceret, imò paſſim virium infirmitatem illis, ſimulacrorum turpitudinem, ingenij nequitiam, conditionis vilitem, audaciæ inſolentiam exprobraret. Quæ maior obſecro vlla conſtantia in ſancta muliere, quàm naturam vincere, contemnere fortunam, ſpernere aduerſa,

ipſos ipſos truculentiffimos humani generis æternos hoſtes non modò non pertimeſcere, verùm calcare, laſſeſcere, prouocare? breuiter, cum ſanctiſſimo martyre Ignatio Apoſtolorum diſcipulo, omnia tormenta, ipſiùſque diaboli cruciamenta contemnere? Ille enim ita extrema omnia, dum raperetur in vincula, prouocabat. *Ignis, crux, beſtia, confractio offium, membrorum diuiſio, & totius corporis contritio, & tota tormenta diaboli in me veniant, tantum Chriſto fruor.* Quid tertium illud matronalis pudicitia certiffimum munimētum, quo laſciuientis carnis petulantia arcetur, & quatitur, vitæ nimirum aſperitas, quàm eminens in illa, quàm excelſum extitit? ſine Cerere, & Baccho languere Venerem quidam ſapienter Poëtarum cecinit, quæ fomenta libidinis ſi vt ligna foco, ita rebellanti corpori ſubtrahātur, in tuto pudicitiam eſſe uſu iam pridem expertum eſt, & comprobatum. Iam B. Francisca ſemper vnico paſtu diem trahebat, non neſcia quàm paruo natura contenta viueret: tum eius dicti memor B. Hieronymi, Chriſti ſponſæ haud ſecus à vino, quā à veneno abſtinendum eſſe: vinum, tota vita, gultaui nullū; arte, & inſtituto magis abſtemia, quàm naturæ odio. Romanis olim mulieribus, floreſcente Republica, ita illo inſidioſo liquore interdici ſolitum accepimus, vt quotidie mariti oſculum ab vxore caperent, vt ex vapore compotatio deprehenderetur, quam, in eo ſexu, idcirco capitalem eſſe voluerunt, quòd raram cum pudicitia affinitatem habere arbitrantur. Non vino modo igitur non utebatur, ſed piſcibus, aut ſalſa.

S. Hieron.  
De ſuſcip.  
Ecclieſ.  
3. Quam  
ſeu tra cor-  
poris ca-  
ſtigatio.

ſanientis etiam abſtinebat: carnes perrarò, eâſque pau-  
ciſſimas, nec niſi ſumma neceſſitate coacta adhibe-  
bat. In morbo numquam oua, pullos, aut volatilia  
eiulmodi eſculenta, multo minùs apozemata, aut vlla  
medicamenta admittebat, quanquam illa omnia pro-  
miſcuè ægrotis alijs apparabat. Saccharum, mel, dul-  
ciaria, bellaria, ſportellas, aromata, & illa alia gulæ, ac  
ſenſuum irritamenta non refugiebat ſolùm, ſed vſque  
ad ſtomachum exhorrebat. vulgare ipſius obſonium,  
lupini, herbulæ, legumina, mero ſale, ſine oleo, condi-  
ta, fructus parcè admodum, & frugaliter attingebat:  
ac nullo guſtu quidem, quem lingua, & conſtanti  
inedia ſic heberauerat, corruperátque, vt dulciſſima  
quæque amara, atque inſipida duceret: ætate, præ ni-  
mia virium imbecillitate, aut caloris intemperantia,  
veſpere pomum accipere, aut lactucæ aliquantum ad-  
iungere à rerum diuinarum magiſtro iubebatur. Mi-  
rum, atque inſolens. Ex tot, & tantis inedijs, nihil ta-  
men in rebus agendis de alacritate, ac robore remitte-  
bat; quin ad omnia potiùs ſingularem quandam ani-  
mi, corporiſque præſentiam vegeta ſemper, & infati-  
gabilis afferebat. Leſtulus ad hæc perangultus illi ad  
vſum erat, qui vix vnum commodè caperet, quan-  
diù à mariti ſocietate diuulſa ſcorſim viuebat; in quo  
ſedebat potiùs, aut leuiter corpore inflexo ſubniteba-  
tur, quàm cubabar, & veſtita quidem ſemper ex lana,  
etiam interiùs, duas noctis circiter horas dormiebat:  
interdiù quieſcebat nunquam: atque in ſumma cor-  
piſculum veluti inteſtinum hoſtem, ſanè omnium vt

intimum, & nobis implicatissimum, ita & periculosissimum suspensè semper, atque hostiliter perdomabat. Luctam spiritalem putares, vbi duo pugiles pressè pes pedi, vir virò adstricti, vsque eo se pugnis, & calcibus, & tota volutatione membrorum surlum versus agitant, dum dentes sub pugno crepuerint, altérque supplantatus, aut aperto, & crudo Marte deturbatus, solum, toto corpore prostrato, concusserit. Cæteram debellationem pervicacium membrorum difficile est ita me verbis exprimere, vti illa expressit exemplis. Lancam vestem, atque Cilicium nusquam ad mortem vsque deposuit. Carbasinis, lineisvè pannis, ne ægrota quidem assuevit. Sub cilicio persæpè, cinctu equina iuba intexto stringebatur. Flagello senis fupiculis intortis, senis ad funiculorum extrema calcatiū instar, stellulis propendentibus sese strenuè ad sanguinem diuerberabat. Horrebunt nostri delicatuli, cincinnatuli, ex Gebennensi Seplasia Epicuræi pulli, benè curata cute farciti, ventre propèso scsquipede admodum venerandi; qui discum audire, aut patinarum sonum, quàm sacrorum flagellorum crepitum malunt; adipales, manuleati, macellarijque Theologi; magis ad caulas, quàm ad scholas; ad patinas, quàm ad paginas, ad haras, quàm ad aras; ad rura, quàm ad iura; ad macella, quàm ad facella; ad solum, quàm ad cælum nati, qui nunquam summum Apostolum sentire potuerunt, non quasi in incertum, aut quasi aërem verberantem, sed castigantem corpus suum, & in seruitutem animi redigentem, ne cùm prædicaret alijs,

ipse diuina seueritate reprobatus damnaretur. At B. Frâcisca quadragintadiali ieiunio, solenni exrecordatione Christi seruatoris pro expiando humano genere tanta passi, quotidie se ad numerum, vti sanctiori sabbato singulis horis, eo voluntarij, Christianique supplicij genere excruciat. Circulo præterea ferreo, vt cum eodem Apostolo, adimpleret quæ desunt passionum Christi, carnem non rarò ita premebat, vt longo liuore putresceret, desupérque ingeminatis flagrorum ictibus ingentem dolorem afferret, Iussit magister, cui se illa crediderat, circulum cum aculeato verberare abijcere, quòd illam durare, selesque seruare cuperet; quæ dicto audiens, illa suo sanguine cruentata prius probè lota, ne à cruoris maculis proderetur illi in manus dedit extempore. Etiam non hodie ea exquisitæ religionis admiranda monilia, vnà cum veste cilicina, ad turrim speculorum, summa veneratione asseruata monstrantur. Atque ecce quò progressa erat solertissima rebellis corporis vlciscendi cupiditas. Vasculum sibi ex demortui hominis cranio coaptauerat, quo tantulum id frigidæ, quod solebat, hauriret, vt vel potius voluptatem, victoria ex omnibus quæsita, præsentì horrore corrumpere, vel mortis recordationem assiduam ob oculos semper haberet. Triste poculum illi vannotia postea furtim surripuit. Præter hæc, quot diebus, digitis in pugnum inuolutis, sibi pectus sexcèties ictu iterato pullabat; vnde callosum, & liuidum diuturna pulsatione euaserat: tum si aliqua corporis alia parte peccauerat, pœnas quamprimum

repetebat, labemque præfenti supplicio expiabat. veluti si lingua, ut procliue est, labi sibi videretur, aut eam moriunculis, ad cruorem usque, vellicabat, aut prona projecta in terram, os humi volutatum, sacræ vltionis studio, conterebat. Quæ ego curiosius annotata non eo perscripsi, ut matronis omnibus, præsertim nuptis imitanda proponerem (duram enim prouinciam delicato, & molli, & inertî generi impoluerim) satis fuerit ad id quod propositum habeo, si perdidicerint, illa secum animis pertractando, seriò saltem, & ex animo, de sua mollietate, atque innata ignauia erubescere. Quæ enim, obsecro, B. Francisca, à teneris diuino cultui penitus consecrata minora peccata commiserat, quàm istæ faciunt, ut carius cælum, tanta laceratione corporis mercaretur? In quibus valeat sanè illud Apostoli, *Mulier sui corporis potestatem non habet, sed vir; similiter autem, & vir sui corporis potestatem non habet, sed mulier.* Ne vxor inconsulto marito vlla nouitate adducta extraordinarias corporis castigationes vllas aggrediatur, quin ductum in eo, atque ingenium sequatur viri, quæ pars viri est vna maxima, viro, & matrimonio deferuire teneatur, per me licet. nemo repugnat. ratio iubet. diuina scriptura loquitur. sapientissima mater Ecclesia stipulatur, quæ ad hos vltus etiam statis ieiunijs, sicubi opus est, facile exoluit, ut fœtum ferant, ut nutrant, ut alia grauissima eius status onera perferant. At contrà luxu diffluere, omnia macella ad delicias impatienter excurrere, gulæ se mancipium facere, mariti labores, & ne-



gotiosa luera decoquere, familiam suo abdomine fatigare, omnia allatranti stomacho indulgere, eum vnum curare, vngere, saginare, quis in muliere ferat, præsertim Christiana? ego verò sane id adulterio proximum duco. Aliæ, quibus scæmineo corpore virilis animus, & virtus inest, cuiusmodi plurimæ omnibus seculis, locis, gentibus, conditionibus reperiuntur, generosius quoddam vitæ institutum paruo negotio inire poterunt. Tu facile maritum inducas, vt mediocria, vt honesta, & visitata velit, colorem, inedia aliqua, absque cerussa, non incommodè emendabit. non te exigua corporis castigatiuncula trucidabunt, saltando, tripudiando, vestiendo, excurrando duriora interdum patieris. Te maritus, nisi insanit, macilentam malit, quàm petulantem: facilius extenuatam, quàm lasciuam, taciturnulam, quàm loquacem, abstemiam, quàm intemperantem, solitariâ domi, quàm in triuijs, in circulis, in choreis adulteram, sacris assiduam, quàm sceleribus vagam, & lenonum lufurris adhinnientem feret. Possem nominare Principem in Gallia scæminam viuam, & superstitem, egregia forma, magnis opibus, tenera ætate, primaria nobilitate florentem, quæ eo virum armis, & ferro, & exquisitæ nobilitati natum pellexit, vt nec eam hispido cilicio aculeatam horresceret, nec se flagellis verberatam auerteret, nec ad orandum plurimas horas diu, ac noctu, summa hyeme, adulta ætate, nuda humo orationi, flexis genibus, immorantem interpellaret, imo ipse tandem singulis hebdomadis sacram synaxim aduentem, vxoriarum virtutum



virtutum iam æmulus sequeretur. *Nihil difficile amanti* Cicer. in  
puto, Cicero inquit. Addo ego, si placet, neque etiam  
assuescenti. Consequens igitur est ut in sextum nupta-  
rum speculum, sedula cura, ad nostram speculorum  
turrim, secunda contignatione, sexto intercolumnio  
additum inspiciamus, qualem se videlicet erga supre-  
mum numen vxor omnium prædicatione laudanda  
gesserit: quod ego negotium omne tribus officiorum  
generibus expediuerō. Nam vel voluntate Deum co-  
limus, cum amamus, vel intelligentia, cum aut veluti  
præsentem in omnibus intuemur, aut interno cultu  
adoramus, aut assidua meditatione recolimus, aut  
grata memoria recordamur; vel externis sensibus,  
cum eius sacra frequentamus, aut eum pia deprecatio-  
ne laceessimus, aut alia exterius, ad ipsius cultum interio-  
rem inter homines protestandum, factitamus. Mem-  
bra flagellis coercere, corpus inedijs extenuare, mulie-  
res ne adducantur excusationem habere poterunt,  
vel virium, quod nequeant, vel virorum, quod pro-  
hibeant; vel socordix, quod non soleant, vel nego-  
riorum familiarium, quod impediant; vel sodalium,  
quod irrideant: Deum verò perfectè diligere, Deum  
colere, Deum cogitare, Deum interiùs adorare, nec  
vlla obstat infirmitas, nec vir vllus, nisi amens, inter-  
dicere, nec vlla inertia refugere, nec vlla occupatio  
impedire, nec vlla vesania interturbare vnquam va-  
lent, si ipsæ volent. B. Franciscæ, si de amore dicen-  
dum est, tanto diuini amoris flagrabat incendio, nihil  
ut vellet, nihil amaret, nihil respiraret præterea: cor illi

VI.  
ERGA  
DEVM  
QVALEM  
se præsti-  
terit.

I. Amor  
in Deum.

Gal. 2.

Cant. 3.

Cant. 1.

Theodor.  
in Cant.

B. Cypri.  
sermon. de  
Assumpt.

suum penetrale sic addixerat, vt non illa viuere, sed  
Christus in eâ vegetare, sentire, intelligere, & velle vi-  
deretur, atque iam cum Apostolo diceret, *uiuo autem,*  
iam non ego, *viuit vero in me Christus;* iam cum alia sponsa  
caneret. *Ego dormio, & cor meum vigilat.* Quippe, ip-  
sius sēſibus ad res humanas omnino sopitis, mortuis-  
que, solus ille in illius pectore vigilabat, vivebatque,  
quem ex Salomonis Rabbini interpretatione corcu-  
lum suum non immeritò appellabat; iam illud suauis-  
simè prægustabat, *Fasciculus myrrhæ dilectus meus mihi*  
*inter vbera mea commorabitur:* nempe Theodoretus in-  
quit, *in præcipua animæ meæ parte, scilicet in corde, quod in-*  
*ter vbera collocatum est.* Iam ad extremum cum magno  
Cypriano in illud erumperet. *Dico igitur Domino meo,*  
*Deus meus es tu, & dicit mihi dominus meus, ego Dominus*  
*Deus tuus, homo cuius Deus est quid amplius querit? si suffi-*  
*cis tu Deo, sufficiat tibi Deus.* Quadam visione cælitus  
collustrata iussa est versare semper animo supremum  
amorē, quo inde ab æternitate nos Deus benignissim⁹,  
& liberalissimus dilexisset, cōque potissimum dilexif-  
set, vt ignominiosissimæ patibulo crucis mortem non  
dedignaretur oppetere, quo posset mortalis homo  
vnâ cum Deo æterna illa vita viuere: quo ex tempore,  
nunquam intermisit quoties oraret, quoties de cælo,  
de Deo, de rebus diuinis alijs cogitaret, sponſum cæ-  
lestem ardēter orare, vt ne se vnquam à suo amore di-  
uelli permetteret, sine quo vita illi acerba, & intolerabi-  
lis, extremique supplicij quàm simillima, cum illo  
deliciosissima, atque iucundissima viueretur. Hunc

erumpente foras incendio, sua conflagratione incendere mortales omnes cupiebat; indolescebâtque medullitus illius animæ deplorandâ sanguineis lacrimis infelicitatem, quæ Deum toto pectore minimè arderet, à quo ipsa, cæteri que homines sempiterno amore præuerti, ad eum redamandum, æterna obligatione anticipati beneficij, impellerentur. Nam quæ illud dicebat, sentiebâtque. *Qui non amat Dominum nostrum Ie-1. Cor. 16.*  
*sum Christum sit anathema, maranatha*, crebris quoque sermonibus vsurpare solebat, qui Deum tota animi contentione non diligerent, Cimmerijs plusquam tenebris circumfusus, Andabatarum more, quadam magis insania, quàm ratione ferri, rotarique; omni motu flexibiles, omni leuissima aura versatiles circumferri, sicut inanem glumam, aut puluerem, quæ proijcit ventus à facie terræ; neque in re vlla magis consistere, quàm elementa, aut mixta videmus, dum suis quæque locis infederint; illud enim, vt alia omnia præclare à B. Augustino dictum esse inquietum cor nostrum esse oportere, donec in Deo, veluti centro suo conquiesceret. Cuius præterea illa certè sunt scripta præclare; *Da mihi te Deus meus, redde mihi te: en amo, & B. Aug.*  
*si parum est, amem validius, & currat vita mea in amplexus in Confess.*  
*tuos. Hoc scio quia malè mihi est præter te, non solū extra me, sed & in meipso, & omnis copia, quæ Deus meus non est, egestas.* Atque quādo diuini fornacæ amoris Deus optimus, ad sacrum diuini holocausti altare succendit, veluti in veteri illa holocausti Mosaici ara cælestis ignis semper ardebat, cuius ardentes prunæ, ex quorundā doctōrū

E/ais. 6.

sententia. B. etiam Hieronymo id suspicante, in carbunculos conuerterentur (qualem eum fuisse oportet, quo Elaiæ Prophetæ Seraphinus, cum eum ex eo altari forcipe abstulisset, labra expiauerat) ad illud sacramentum imprimis se inflammata Francisca torrebatur. Ibi toto corpore, nedum animo, liquefacta penitus deflagrabit; ibi se dulcissimo sponso ineffabili cōnexione gloriosissimi corporis commiscebat: liceat nāque mihi limpidiſſimum illud, atque aureum Christianæ eloquentiæ flumen Chrysostomum, ita suo aureo ore fluentem huc deriuare, cuius illa mirè mihi animum sensu cuiusdam incredibilis voluptatis afficiunt.

Hom. 24.  
in 1. Cor.

*Ardenter amantium est, ut velint sua corpora castè copulari inuicem, & figere oscula; ita hoc sacramento oscula Christo figimus, & corpus corpori copulamur: quod ne semel aliud cogitans magis effudisse, quàm inculcasse ex animo videretur, ut itaque, inquit, non tantum per charitatem hoc facimus, verùm & ipsa re, in illam misceamur carnem, hoc per escam efficitur, quam largitus est nobis, volens ostendere desiderium, quod erga nos habet, propterea semetipsum nobis immiscuit, & corpus suum in nos contemperauit, ut unum quid efficiamur; ardentem enim amantium hoc est.*

Hom. 61.  
ad popul.

*Quo eodem loco illa maximè ad rem eodem ipso ardore incensus exaggerat, Tanquam leones igitur ignem spirantes ab illa mensa recedamus facti diabolo terribiles, & caput nostrum mente reuoluentes, & charitatem, quam nobis exhibuit. Huc tota sese nostra Beata, veluti in altaris holocausti craticulam torrendam applicabat, ubi in pretiosum carbunculum diuini amoris continuo defla-*

grantis conuertebatur. Adibat, vt minimum, semel in hebdomade: quædam eius familiares fœminæ in actis tradiderunt bis etiam mercurij diebus, & sabbati saltem confessione peccata expiare solitam. At quæ diuina eloquentia latis extollat, quanta, quàm inexplicabili, quàm infinita voluptate, puritateque hocce amoris infiniti sacramentum, augustissimam, inquam, Eucharistiam frequentaret? acciperet? exoscularetur? equidem nunquam absque lachrymis, veluti ex vaporario, flamma subiecta, distillantibus; imò ita in sponsum absorbebatur, ita illius præsentia difflebat, vt communissimè auulsa à sensibus extra se ipsa asportata raperetur, atque tam suauem inusitati odoris fragrantiam, eo loco, vbi sacramentum acceperat, exhalaret, vt quî præsentès aderant, tam hyberno, quàm verno, aut æstiuo tempore, locum recentibus rosis, & lilijis, & omni florum varietate de industria stratum, ornatumque crederent, quasi illa suis oculis tum, ex Cantico multo ante suauissimè decantata, in B. Francisca expectarentur. *Introduxit me Rex in Cellam vinariam, ordinauit in me charitatē* (aut vt doctiores malūt) *vexillum eius super me amor; fulcite me floribus, stipate me malis, quia amore langueo.* Ex eo sensu, quem ex illo musto diuinorum vberum scilicet humanitatis, diuinitatisque, æterno communis hypostasis in Eucharistia vinculo, connexarum sopita, & sensibus ebria capiebat, à sacrarum ædium altaribus auelli vix poterat, quantum per viri obedientiam, aut domesticarum rerum otium liceret, inter quæ illa templa maximè frequentabat, SS. Petri,

Paulique præcipuè; Aræ cæli, S. Mariæ Transthyberinæ, S. Cæciliæ, S. Mariæ novæ. Tantùm porro, sapore quodam diuini sacramenti profecerat, vt inibi seruatoris Christi præsentiam sensibus hisce corporeis, paucis Sanctorum concessa sagacitate, sensili quadam, & lingua experientia deprehenderet. Ad D. Cæciliæ cum sua vannotia ad rem diuinam profecta, in sacrilegum sacerdotem incidit aliquando, qui cùm haud satis probaret primarias, ex isto præsertim genere nuptarum, opulentasque mulieres tam frequenter augustam adire synaxim, statuit, impulsu tetri cuiuspiam cacodæmonis, vtrique, pro Eucharistia consecrata, profanum panem, infectumque tradere: verùm Beatam nequaquam fefellit: illa, an quòd excellentem illù animi saporem non perciperet, an quòd perspicacitate mentis collustratæ, spontum absentem agnosceret, scelestissimi hominis fraudem execrabilem deprehendit. Rem extemplo, ingenti doloris sensu, Antonio à Monte Sabellio, quo ad confessiones faciendas utebatur, exposuit. Festinat Antonius rem à sacerdote perquirere; ille sudare, trepidare, pallere, fateri facinus admissum, veniam denique tentati flagiti, atque silentium efflagitare. Memoriam habeo, in re simili, B. Alziarium Comitem Sabranensem, cuius ante meminimus, cùm Parisijs in Regio comitatu sacerdotem diuino instinctu recognouisset cæleste viaticum, vt putabatur, ad moribundum argentea theca circumferentem, eadem infanda perfidia, pro consecrata Eucharistia, vulgatem panem accepisse, Rege, & Prin-

In Bullæ  
Cæciliæ  
Comitis.

cipibus, ad exhibendam sacrosancto gestamini reue-  
 rentiam, sese componentibus, ipsum ne caput qui-  
 dem, vultu in contrarium verſo, retexiſſe, ac rei inſo-  
 lentia commotum Regem cauſam cur minimè ſacra-  
 mento venerabundus accideret, petiſſe; tum aperuiſ-  
 ſe quod ſuberat Alziarium; accitum præſbyterum fal-  
 ſum fuiſſe, qui ſacratam hoſtiam, ex quadam incuria,  
 non haberet ad manum, aliam quæ prima ſe dediſſet,  
 tumultuariè deportaſſe, ne ſi fateretur incuriam, mo-  
 ribundum vltimam viatici opem implorantem offen-  
 deret. B. Ludouicum Regum noſtrorum miraculum  
 non rarò templorum adyta, inſalutato, quod aliàs nū-  
 quam conſueuerat, ſanctiſſimo ſacramento, etiam ac-  
 cenſis ante, appenſiſque lampadibus, prætereire ſolitu  
 legimus, quod perſentiſceret ſacramentum tum eſſe  
 nullum, idque ita fuiſſe ſemper, quoties inſalutatum  
 prætermiſerat, compertum fuiſſe. Enimuerò veluti  
 Ionathæ, melie deguſtato, & diſcipulis ad Emauntem  
 ſacramēto reſectis oculos ad apertos antiqua recenſet  
 hiſtoria, non aliter ſanctis mellitiſſima cæleſtium deli-  
 ciarum menſa epulantibus internus adſpectus ad illa  
 arcana ſpectanda reſeratur. Hæ itaque ſunt matronæ  
 ſanctiſſimæ connubiales illecebræ, hæ æternæ veluti  
 in ſponſum caritatis, Angelicæque conuiuij antecæ-  
 nia. Quid reliquum eſt niſi, vt quæ tam inflammato  
 ardore ſponſum deperiret, tota cogitatione in illum  
 continuo defixa languſceret? alia, præter eum, omnia  
 fallidi et? Darij vxorem integerrimam fœminam Re-  
 ginam Perſarum veteres tradiderunt, poſt quàm ma-

2. Rerum  
 Diuinarum  
 aſſiſta  
 mediatio



ritus ad epulas clarissimos, ac pulcherrimos quosque è curia proceres inuitasset, cui illa quoque conuiuio intererat, sublati mensis, dilapsisque conuiuiis, à Rege interrogatam, quisnam ex lectissima nobilitate venustior, quis gratior, quis cultior, compriorque fuisset visus, se nescire præcisè respondisse; causam iterum afferre iussam, addidisse denique, quòd in solum matrum intentam, quem solum amaret, solum cordi haberet, solum formosum esse duceret, se aliorum notasse, aut vidisse neminem. Dictum de Barbara fœmina, verum de B. Francisca, ac mirum, quàm vnice Christum, cui se totam, penitusque deuouerat, veneraretur, ac totum quodammodo mente, amore, ipsis prope modum oculis hauriret. In quo quam nos aliam familiaritatem, quam venerationem maiorem, quæ dulciora alloquia intelligamus, quàm assiduum studium orandi, meditandi, contèplandi, legendi, sacra omnium ore, tum mente tractandi? Hæc semotiori se gynæceo, à reliqua negotiorum strepentium turba identidem secernebat: hæc nugarum obmurmurantium, vestemque carneam succutiētium cateruam, cum SS. Augustino, atque Bernardo, ad fores interea sistere imperabat: hæc se ipsa in sese (ne sese quæreret extra) quærebat, reperiebátque; hæc primi momenti negotium, quod salutem attingit, remotis arbitris, solo disceptatore, & cognitore, & arbitro numine, pertractabat. Quo segregato feriata animæ diuerticulo non contenta, domi recessum oratorium sibi in hortulo arcanum, spelûcæ instar, sub vmbrifera arbore Cydonia

pomo

ponio adornauerat, quò subinde ad secretiora captā-  
da cum sponso colloquia secedebat, neque inconfi-  
deratè prætereundum profecto est, quod illi eo loco  
aliquando accidit, commemorando recordari. Eò co-  
mite vannotia aliquando diuerterat, ne ad grauidam  
in vicinia parturientem, Romanarum mulierum mo-  
re, accurrere familiari inuitamento cogeretur; opti-  
mum factu rata interim, cum dulcissima socia reco-  
gitare quàm arduum esset in tanta varietate, & pertur-  
batione domesticarum, vrbanaŕumque in communi  
vita occupationum Deo perfectè, & ex animo inse-  
uire. Qua ex sermocinatione sensim vtrique gliscere  
animo sacra cupiditas nonnulla cæperat in remotam  
quampiam solitudinem conuolare, vbi expeditius il-  
lis, tutiusque in meliorem eam partem, quæ porro  
vna necessaria est, liceret incumbere. Mensis tum  
Aprilis adoleſcebat, atque ecce è cæle testimonium,  
illam secessionem superis cordi fuisse. Ex Cydonia  
arbore, pira, intempestiuo & trunco, & tempore, be-  
nè bona, & matura, ac probata decidunt. Mirantur  
attonitæ, ne veteratoris hostis astutia nonnulla sub-  
sit primò subueritæ paulum hærescunt; tum vnum  
explorant, nihil fraudis inueniunt; planè natiui esse,  
germanique saporis agnoscunt; auctori munerum  
Deo, grates ex animo ambæ rependunt, qui nec in-  
gratam suæ Majestati illam à rebus inutilibus digres-  
siunculam præſenti indicio testaretur, illasque magis  
in dies ad rerum humanarum, suisque despicientiam  
exstimularet. Reliqua pira maritis, ad eorum quoque

fiduciam exsuscitandam deferunt, vtrunque gratulationes, & supremæ bonitatis encomia decantantur. Verùm inter omnia incredibile dictu est, quàm quotidiana acerbissimorum Christi cruciatuum meditatione interiùs eius aleretur, & recrearetur animus, incendereturque quotidie, vt consimile aliquid ipsius amore experiretur; ex quo singulari quodam priuilegio consecuta erat, vt quoties de illa horribili membrorum Christi carnificina cogitaret, ipsa dolores ipsdem in partibus sui corporis adeo vehementes, aspectusque sentiret, vt tum è vestigio moritura facillè existimaretur: quemadmodum B. Collettæ virgini S. Claræ concessum fuisse accepimus, vt hora sexta diei veneris Sanctioris hebdomadæ, qua hora Christus in cruce decesserat, mirabiles quasdam angustias persensisse, sic vt illius lateri plaga, Christi vulneri lancea transfuerberati, quàm simillima obtigerit, vnde tanta aquæ copia, nouo quodam supplicij genere, cum dolore maximo distillabat, vt panniculis humorem sistere perpetuò manantem, passimque panniculos alijs alios sufficere necesse esset. Etiam B. Claram illam aliã Montisfalconis, mirabile dictu, audituque! adeo intentam Christi cruciamenta patientis versare animo consueuisse memoriæ tradiderunt, vt in defunctæ medio corde, exfectis visceribus, omnia illa salutaria asserta humanæ salutis insignia, crux, lancea, spongia, corona, clauis, & reliqua, impressa, sculptaque inuenerentur, quæ ibidem etiam non hodie religiosè culta, exhiberi que populo solita conseruantur. Illa interna,

hæc magis externa, quæ ego dicam; quanquam ex ea  
 veluti scaturigine, uelque scatebris interioribus, ista ex-  
 teriora emanabant. Piorum codicum lectione supra  
 modum capiebatur, insitâque muliebri ingenio  
 fructuosè, & iucundè, & nullo periculo pascebat cu-  
 riositatem: Deum illic loquentem, atque intimè sua  
 arcana insufurrantem audiebat: quo quia nihil infe-  
 stius cacodæmoni, præsertim in molli, atque otiosa  
 fœmina esse potest, quâ desidia magis perdere, quàm  
 aperto Marte consuevit, quemadmodum Annibalem  
 Romani, Capuanis magis delicijs, quàm instructis  
 exercitibus debellarunt; ideò sæpe importunissimus  
 interpellator solebat, exiguan illam libellorum supel-  
 lectilem, simiæ forma spectatus, abripere, spargere, la-  
 cerare, donec secum maximè quos pluris faciebat ge-  
 stare ipsa statuit, quo & insidiosi hostis inuidiam elu-  
 sit, & illud opis semper ad manum, quocunque incederet, deinceps habuit. Quoad vocales, quas vocant  
 preces, constat totis quadraginta annis, rituale  
 Deiparæ matris officium, nunquam intermisso studio,  
 recitasse, vnà cum quibusdam alijs statis, ac certis ora-  
 tionibus, quæ vno libello horario continètur, qui ho-  
 diè sedulo cultus, non sine admiratione, & singulari  
 quodam sensu maximè pietatis, ostenditur ad Turrin  
 speculorum. Id non in templo solùm, sed domi, sed  
 foris, ruri, in vrbe, & loco quocunque, ubi sese oppor-  
 tunitas daret, vbique tamè genibus flexis, aptaque cõ-  
 positione mentis, & corporis, recitabat: argumento  
 superstitiosis mulieribus, quæ nusquam se orasse con-

fidūt, nisi in templis pernoctauerint, vt si templorum commoditas, aut præ negotijs, aut alia causa defuerit, Deum vbique præsentem veneratæ, si quod quotidianum precarium pensum destinauerint, vbiuis locorum reuerenter exoluant. Menſe Septembri, anno M. CCCC. XXXVIII. ad conſuetam vineam, extra muros, verſus eſdem Apoſtoli Pauli, cum aliquot alijs inſtituti, exemplique ſui mulierculis, profecta, dum alijs aliò alia de cauſa dilapſis, ipſa iam inambulans oraret, iam quotidianum virginis parthenium diarium genuflexo redderet, ecce ex inſperato, profuſo nimbo, largiſſimo imbre præcipitante, omnes ex cæleſti eluui-  
ne madefactæ comites ſtillare vndique, & perpluere cæperunt: ſolam Magiſtram ne gutta quidem pluui-  
alis attingere auſa inoffenſam præteriuſt. Ita B. Antonio Patauino ad populum, ſud dio, dum aquis pluuijs maderent omnia, verba faciente, nihil auditorium im-  
maduiſſe; ita B. Bernardum ad Robertum, ex ordine Cluniacenſi ſolutiore, quò trans-fugerat, ad Cister-  
ciensem, literis libero campo, cælóque reſcriptis, reuo-  
cantem, imbre illorunt, atque intactum, pluuiæ cir-  
cum vndique inundante, memoria tenemus. Vo-  
luit ea ſignificatione Deus oſtendere, quã charas, gra-  
tâſque famulæ preces acciperet, quamuis in vinea  
profano loco perſolutas: tamen vbi facultas eſſet,  
præcipuo quodam, & indefeſſo propoſito, ſacra loca  
obire non ceſſabat: qua parte pietaris, non habeo di-  
cere, vtrum plus illi moleſtiæ Dæmon, an opis, atque  
ſolatiij præſens vbique ipſius votis numen attulerit.

Ad SS. Petri. Paulique solenni festæ dedicationis die, vñ cum indiuidua comite viam parabat: hñc ille sanguinarius insidiator comitem vannotiam per scalarum gradus deturbatam, corpore propemodum cõminuto, disiecit; accurrit Francisca, procūbit in genua, valetudinē, virāmque fidæ suæ comiti comprecatur. Fassus est scelestus carnifex, ictu eo capitali, vannotiā emori exanimatam debuisse, nī sua opportuna ope collapsam Francisca Archangelus subleuasset. Haud minore periculo ipsa exempta aliàs, ætate iam adulta, fuit, dum salubrium veniarum promerendarum studio, ad D. Petri, cum alia quadam socia contenderet. Ambę in itinere acerrimis æstibus ad molestam sitim adluctæ: refrigerandi corporis causa, in Tiberim leui declinatione descenderant. Cæterum dum incautē in lubrica ripa progrediuntur, cæcos delatæ in gurgites, iāmque vorticibus prærapidi amnis haustæ, obluſtanti flumine, per vndas sese mutuò, consertis brachijs, complexæ magno intervallo raptantur, dum ad extremum, Sanctam Cicur, atque edomitus Tiberis veneratus, utrāmque tranquillo profluvio sanam, & incolumem in opportuna ripa restituit. Illæ hærentes periculi pariter, & miraculi stupore aliquantisper attonitæ, inde vt primum ex pauore animum receperunt, cæleste beneficium venerabundæ, procumbentes in genua, numinisque liberatricem clementiam impensè salutantes, grates laudibus miscunt; sacram ædem adeunt, Principem Apostolum prædicant; miraculum recognoscunt; eidemque potestati acceptū

referunt, quæ olim Petrum tumidissimi pelagi vada  
 calcantem, stantem in lubrico, hærentem in salo, ru-  
 tum in procella, securum in fluctibus, tenuisset. Hæc  
 summa huius narrationis. Nihil in mente, nihil in cor-  
 pore Sæctæ inerat, quod summâ pietatē vndique non  
 redoleret: linguam diuinis affatibus, oculos lectione  
 librorum, auditum sacris concionibus, manum reli-  
 giosis operibus, gressum, omniūque compagem,  
 molēmque membrorum quotidianis maximarum  
 rerum exercitationibus, & peregrinatiunculis exerce-  
 bat. Thomas, ex Augustissimo Prædicatorum fratrum  
 ordine, vir clarissimus, cui, totis viginti annis, cū Bea-  
 ta rerum spiritualium pertractandarum maxima fue-  
 rat necessitudo, sanctè, iuratēque testatus est, se nemi-  
 nem hominem in vita aut vidisse, aut audiuisse, aut  
 adiisse aliquando, in quo tanta, tam assidua, tam con-  
 stans, tam inuariabilis pietas appareret: quinetiam, ex  
 illius diuturna consuetudine, se eam virtutum accēs-  
 sionem fecisse, eūque gratissimum fructum magnæ  
 utilitatis percepisse, quem, ex persona quapiam Ange-  
 lica, potuisset. vsque adeò illa tria cum primis, charitas,  
 sui despicientia, pietas, quidquid aggrederetur, quid-  
 quid ageret, quocunque se verteret, elucebant. Ve-  
 rum mulierum religiones, vt plurimum, quia curiosæ,  
 in superstitionem degenerant, quia verò sui sensus re-  
 tinentes sunt, infirmæ tamen, atque indoctiles, in scrupulorum,  
 quos vocant inanem inquietamque, mole-  
 stiam facile prolabuntur. *Simul autem & otiosæ*, inquit  
 Apostolus, *discunt circuire domos, non solum otiosæ, sed &*



verbosa, & cithrofa, loquentes quæ non oportet. Hinc enim, opinor, est, quod in maleficorum genere, ferè solas mulierculas comprehendi videmus. Hos Beata fœmina scopulos, torius declinatione corporis, non secus ac qualdam pietatis Christianæ Symplegadas, euitavit. Hanc mordacissimam animæ lanienam sic refugiebat, sic ab alijs depellebat, vt diceret haud secus, quàm pestem ab ijs auersandam, qui sanctiorem vitæ rationem aggredierentur; siquidem eos nullam quietis partem habituros, nihil boni vnquam, eo statu perturbatæ mentis, suscepturos, gustum ex bonis opetibus percepturos nullum: nosse enim Dæmonē, haud alia arte magis, omnem quamlibet piam viuendi institutionem vel adulterari, vel penitus tandem abrumpis subdolum hostem omnis pietatis hoc vnicè attendere, vt huiusmodi scrupulosis aculeis lancinet, ac fodiet pectus, quod expedito eo compendio consequatur, si stimulatam mentem aut suscepti religiosi negotij pceniteat, aut sperato sapore destitutam nausea fatiget, aut inutili contentione lassatam opprimat, aut denique hærentem ad singula, nec tutò vestigium figere audentem, ipsa perplexa sollicitudine veluti labyrintho conclusam in deuia quæque circumagat, vnde se expedire non possit. hoc fallaces nutricula faciunt, quæ absyntho, vel synapi papillas illinunt, vt à puro lacte pueros lactentes auertant; hoc qui iniquo loco decertant, qui armorum, solisue fulgorem in pupilam hostilis exercitus obuertunt, aut tormentorum, & scloporum iniecto fumo, opportuna captatione

ventorum, ea veluti glaucoma ob oculos obiecta, hostē infuscant: hoc denique qui præstigijs & maleficio mentem infatuant, ne sibi videre quod videt homo videatur, sæpiùsque incerta, & fucata, quàm vera, & certa assequatur, dum anceps, ac dubius, inter vtrumque, hærendo vacillat. Curiosa autem ad vltimum nemo vnquam, tam deliberato proposito quàm B. Francisca damnavit. documēto est quòd damnatæ lectionis, & artis veneficorum, maleficorum, ac sagarum libellos, tum ipsos libellorum authores, non aliter, quàm inquinatissimum ipsum nefandarum artium nundinatorem, tenebrarum Principem perhorrescebat. Quotcūque eius farinæ volumina eo inexpiabili scelere deprauata vel fortuito reperire, vel arte alijs, clam, aut precariò, ioculari, aut seria, occulta, an aperta vi, extorquere poterat, omnia protinus inflammabat: quod, ex primæuæ Catholicæ Ecclesiæ Christianis, multos fecisse legimus. *Ex eis, qui fuerant curiosa sectati:* hoc est, ex doctiorum interpretum explicatione, sceleratæ Astrologiæ monimenta. Neque sanè silentio prætereundum est illud quoddam in B. Francisca memorabile. Vix dum inito matrimonio, in mariti Laurentij manum, familiamque conuenerat, quando in periculosum satis morbū incidit, qui illi supremus, ac lethalis à Medicis iudicaretur: iàmque exigua in spe trahebat animam, cū nihil cunctata strigosa quædā, atque edentula è sagarum numero, se vltro ingerit anus, quæ se depulsuram è vestigiō egritudinem, (esset modo dictis fides) pollicetur: at pia, & sancta fœmina, quæ

quæ flocci corporis sanitatem, præ animi valetudine, faciebat, execratam vetulam omni seueritate verborum, totiusque vultus conformatione censoria, castigatam, dein serio de diabolica nundinatione abiudicanda commonitam, properatò se suo tecto proripere, proculque facessere imperat. atque generosæ matronæ constantiam extempore profusè diuina benignitas remuneratrix præsentì cū scœnore, compesauit. Saga summotà, religionē illi animo Deus indidit. B. Alexij sui popularis, valetudini recuperandæ, tot aliàs certis euentibus expertum auxilium implorare. Fecit quod monebatur interius, nec tam ore, quàm pectore. Neque in cassum missæ preces. Consequenti nocte intempesta, somnum inter, & vigiliam, B. Alexius repente cælodelapsus se illi obtulit, cubiculum omne clarissima luce compleuit; mox benigno vultu, bono animo esse iubet: mactè virtute, inquit, filia, en vocatus adsum, præsentem tibi opem affero; ac ne vel dubia fides, vel veteratoris hostis insidiæ subesse credantur, tua ex longinquo morbo subita valetudo miraculi fidem faciet. Hæc effatus superiorem amictum, quem vulgò illa induebat, agræ imponit, cui vigilare eam, & stare præcipit; mox sublimis in cælum abit, unde descenderat, cælesti quodam odore relicto in cubiculo. Id verò non ludibrium sopitæ, aut morbo implicatæ phantasie, sed veram speciē fuisse rei demonstrauit euentus. Illa repente, pauori mixta lætitia, exporrecta, tota sudore fluere capit, depulsaque repente febri, valens; & vegeta surgit è lectulo, non magis re-

cepto munere, quàm B. Alexio spectato, læta submit-  
tit genua, & oculos pariter, manusque ad sidera su-  
stollens Deo opt. pro accepto beneficio, multiplices  
grates agere occupat: inde simul illuxit, ex more vesti-  
ta præ gaudio gestiens cognatam vannotiam conue-  
nit sub eodem tecto dormientem, cui ex abrupto,  
euigila, surge, mea vannotia, inquit, tunc me ex  
seminortua sanam aspicias? ad Beati Alexij reli-  
quias piaculares nobis oppidò adeundum: tu ex-  
pergiscere, induere, nec sit mora. eius ego mentis,  
precibusque sanata prodeco in publicum. Obstupefa-  
cta repentino viso vannotia vix vera esse credit, quæ  
oculis videt, ac dubia, ne pro cognata spectrum adspi-  
ceret, tunc es Francisca, quam conspicio, inquit, ô de-  
licium meum? ego verò, Francisca inquit, festina, Frâ-  
ciscam vides, ego vannotiam te appello. Impigræ di-  
ctum, exilit, accurrunt ex vicinia aliæ, vulgatur miracu-  
lum, itur ad B. Alexij ad montem Auentinum, vbi  
ædes illi sacra eadem parte, qua sub paternarum scala-  
rum gradibus, quæ ibi prostant adhuc, tot annos igno-  
tus, nouo miraculi genere, vitam exegerat. Actæ nu-  
mini gratiæ immortales, tum sospiti sancto votum  
exolutum, vitæque de cætero diuino cultui in perpe-  
tuum, redintegrato voto, obstricta, dedicatæque. Ha-  
ctenus Christiani cōnubij, vereor ut magis ad admirā-  
dum, quàm ad imitādum, exposita documenta: quā-  
quam etiam quod faciliè æmulentur sollicitæ, albæque  
illæ animæ habere possunt. Amabunt saltem, si aliud  
non poterunt. Volaticus est, & præpes amor: mo-

mento super astra transcendit: vinciri, includi, enervari, lassari non potest. Hic vigeat maximè, si nequit in cæteris; hîc regnet, hîc sese audacter efferat pietas matronalis. Deinde, si accuratæ contemplationi rerum maximarum aut mentis tarditas, aut solitudinis impatientia, aut negotiorum perturbatio officit, quid obitare poterit, quo minùs horulæ sextantè, quadrânticè, sub vesperam, ad recogitandas diei exacti labeculas, suffurentur? an genu vbiuis muliebriter, ne viro quidem aduertente, submisso; an stando, an ambulando, an sedendo, an ad somnum itando, ut Vlyssææ Penelopes imitatione, serò retexant, quod diù vitiosè contexuerint, eoqûe pacto ad repentinos obitus, qui non rarò noctu incidunt, sese comparent? si sacram Eucharistiam usurpare, octonis diebus interiectis, vel per viri voluntatem non licet, vel per inertiam nimium videtur; at semel, iterumque, quot mensibus, quid impedire in Christiana scemina tantum, tamque humanum potest? Id modo cauendum, ne temerè, aut importune maritis, solutioris exempli præsertim, obstrepatur, neu domestica cura idcirco flaccescant, nam & B. Franciscam literis traditum est summa dexteritate, celeritatèque officio familiari, de indultia, perfunctam, quod superesset reliquum temporis, pietati impendere consuevisse. Ingenij pretium erit ita se viro, itaque virum sibi attemperare ut, nec illo admodum inuito, aliquid velis, nec ille tibi iusta petenti facillè obsit: quod facile factu est, si moderata, si opportuna, si consentanea, si omnibus prouisa circum-

O ij

stantijs postules. Porrò quotidie tremenda liturgiæ interesse (quod ego Christianæ genus occupationis in maximis optimum, & fructuosissimum, & facillimum duco) vocales vero destinatas aliquot precatiunculas exolvere, sin minus in templo integrû, at domi, in viridario, in hortulo, in agro expeditum esse, pios demum libellos, bene moratæ pabulum, ac dulce epulum animæ, frequenter terere, an designatis, ac subsistuis, an fortuitis, & tumultuarijs horis, quæ vlla tanta mariti fanatici, tamquæ insana morositas prohibere; quæ vllius mulieris tanta socordia refugere potest? Christianas, & pudicas, & cordatas alloquor, quæ nō omnia in otio, non in thalamo, non in lucro, non in delicijs, non in languida illa belluarum, aut Epicuræorum Sybaritica vita omnia reposita esse arbitrentur. Veruntamen hinc superstitionem, vt voracem, ac rapacem Scyllam, illinc scrupulosæ consciëntiæ latratum, velut Charybdim effugiant. Pro scrupulis hoc primum, hoc vltimum, hoc summum, hoc vnum in præceptis, ne sui capitis, neu suæ frontis esse, ne nimis excelsa appetere, ne de se superbè sentire, vno verbo, expertæ scientiæ magistros ad vnguem audire, ac sequi velint. Superstitiones porrò nullo negotio amputabunt, si se verè pias, si Christianas, si piorum libellorum avidas, si nouitatum, & ingeniæ curiositatis inimicas, si simplicitate Catholica quadam ingenuas, candidasquæ, si Dei, si superûm, si germanæ religionis perfectè amantes exhibuerint. Iam quando è scopulosis cotibus enauigasse videtur oratio mea, nobisc

que tandem gemina virginitatis, atque coniugij erecta, ad solarium vsque, substructio est, iam expeditus ad cetera cursus ostenditur.

**E**RGO Tertiam Contabulationem cōsequitur, vt V I D E T-  
T A T I S  
S E X A L I A  
S P E C V L A  
ad fastigiū perfectę viduitatis, extrema operis manu, sustollamus. Materiā Platanus, & Terebinthus, & Palma structuræ subministrabunt. Nam Platanus viriditate potius, & latitudine frondium, vnde & Græcum nomen hausisse videtur, ad opacandum patulis diffusa ramis, quàm pomifero prouentu laudatur: humidioribus gaudet adnasci locis, eo frōdescit magis, quo amputatur magis, quo ingenio, viduarum statum lacrymabilem, & prole infœcundum, & humani amputatione solarij, magis virētem Platanus iuxta aquas representat. Tum Terebynthus, quæ fruticosa, quæ amara prouentu resinæ acerba, quæ nigra baccis, lignoque; depressione, & colore, & sapore, vidualem obscuritatem commodè exhibet: melius Palma, ea parte, qua terram attingit nodosa, deformis, aspera, angusta, qua cælum prospectat, venusta, virescens, & iucundè frondosa, expansaque; quam in certaminibus item signum esse placuit victoriæ, quod vrgentibus, Plutarchus inquit, opprimentibusque non cedit, ipsaque adeo foliorum specie gladium referat. Iam Eucarpi multiplici earum arborum fronde contexti, baccis plurium generum pendulis, immixtisque, aptissimè rostris Turturum subnectuntur. Intercolumniorum intercapedinibus viduarum veterum illustriora specimina duobus ordinibus collocantur. Superiori-



*Iudith. li.* bus, sanctiores ex sacra historia supernè locatæ. Iudith  
*Ruth. lib.* mariti orbitate, domestica solitudine, Holofernis vi-  
*3. Reg. 17.* ctoria, solenni triumpho clarissima. Pulchra Noëmi  
*4. Reg. 4.* lachrymabunda, egregia familiæ moderatrix. Sarepta-  
*2. Reg. 14.* na, filio ab Elia vitæ reddito, memorabilis, Altera Eli-  
*Luc. 2.* zæi, multiplicato oleo, celebrata. Sapiens Tecutis soler-  
 tissima odiorum, & dissensionum civilium concilia-  
 trix. Anna Evangelica, quæ non recedebat è templo,  
 inedijs, orationibusque continuis commendata, qua-  
 rum singularum illustria facta, in vna B. Francisca con-  
 globata, admirabimur. Infernè, sex quoque profanæ  
 antiquis celebratæ matronæ viduæ coaptantur. Areta-  
 phile libertatis publicæ studiosissima vindex; pulchra  
 Eryxo optima prolis educatrix; Camma religiosissima  
 fœmina; Xenocrite assidua sacri cultus sacerdos; Py-  
 this quondam vxor omnium sui seculi tum coniunx,  
 tum vidua prudentissima. Timoclia pudicitie matro-  
 nalis, vsque ad miraculum, tenacissima, exempla Chri-  
 stianis mulieribus posita, quibus vel virtute proficiât,  
 vel salutare verecundia interim erubescant. Stylobatis  
 rotæ ex spinis adnascetes, tum nigræ, quales in Pale-  
 stina fuisse aiunt, omnium, quæ vsquam reperiantur,  
 odoratissimas; tum quas vulgò Hiericuntinas vocant,  
 in speciem mortuæ, intus, vi quadam viuifica, reuoca-  
 biles, quæ viduis illud tacitè loqui videantur, *mortuæ  
 enim estis, & vita vstra abscondita est cum Christo in  
 Deo* tum vulgares variorum colorum amœnitate  
 pulcherrimæ quibus genus hoc vitæ spinosum, & la-  
 boriosum satis, verum odoriferum, iucundumque su-

*Plutach.  
 De gestis  
 illustribus  
 feminarum*

peris, obsignatur. Ordo columnarum Doricus, solidus, & virilis, & Martius perbellè dentatus, austerusque. Generalis inscripção Platano valdè idonea.

TEMPVS PUTATIONIS ADVENIT, VOX TVR-  
TVRIS AUDITA EST IN TERRA NOSTRA.

Senis laterum figuris ad singula specula sex absolutæ viduitatis imagines ex Doctoris Apostoli Theologiæ reflectuntur. 1. Si quæ vidua filios, aut nepotes habet, discat

primum domum suam regere. 2. Quæ autem verè vidua est, & desolata, speret in Deum. 3. In sanctis orationibus, &

orationibus nocte, & die. 4. Nam quæ in delicijs est vivens mortua est. 5. Et hoc præcipe, ut irreprehensibiles sint. 6. Vi-

dua eligatur in operibus bonis testimonium habens, si hospitio recepit, si sancto: um pedes lauit, si tribulationem patientibus

subministravit, si omne opus bonum subsequuta est. Quantum

ad primum, familiam in matrimonio quàm scitè, perfecteque instituerit, satis opinor proximè intellectum est, at nos hoc loco non illa vulgaria, sed summa quæ-

dam ad excelsum expletissimæ perfectionis cumulum consecramur. Haud in ea prolis gubernatione stetit

B. Franciscæ, maiorem quandam, & nobiliorem familiam duxit, qua erudienda, regendaque diuinior quæ-

dam illius sese efferebat industria. Anno salutis humanæ instauratæ circiter M. CCCC. XXV. Martini V. Pont.

Max. Octavo, Laurentio viro suo superstite, cum iam annos ageret ætatis admodum quadraginta, an ex fa-

ma, an ex emulatione illius sanctitatis sese ad illam adiunxerant nobiles aliquot, piæque matronæ, quæ paulatim ipsa veluti magistra, velut in vnam quandam re-

Cam. L.

1. Ad. Th.

4.

I.

FAMI-

LIÆ RE-

LIGIO-

SAR RE-

ligio/a, &amp;

diuina in-

fluente.

ligioſæ ſodalitatis ſpeciem, ſimulitando, ventitando, viſitandoque coaluerunt, quarum incenſo ſtudio ſoluendo, alendoque, cùm magis in dies rem proſpiceret operæ maturam eſſe, obnixè iam tum cogitare cæpit de cœcunda ſeriò cum eo exiguo numero, atque æterno quodam Religionis nexu, ſancienda Societate, quam in rem ad diuinam primum voluntatem, & gloriam vnde quaque rimandam, multum lachrymis, multum precibus, multum voluntarijs inedijs laborauit: ſtatuit denique oppoſitiſſimũ faſtu fore, ſi omnes, ſolenni ritu, S. Benedicti glorioſiſſimi Archimandritæ regulam complecterentur, arbitrio, ductũque Patrum montis Oliueti, ad S. Mariæ nouæ, in foro Romano, proximè antiqua rudera templi pacis, qui ipſi quoque ex eodem Benedictino inſtituto vitæ ſuæ momenta omnia moderantur. Incredibile quàm citò, quàm proſperè negotium conualuerit: id tum ne ad ſummum adduceretur, ſola obſtabat vita Laurentij, quæ tum adeo ſanctiſſimæ vxoris vel cõſuetudine profecerat, vel quotidianis adhortationib<sup>9</sup> permotus fuerat, vel omnibus voluntatibus aſlueuerat, vt & ſimul iam caſtè ſeparatis thoris viuerent; & vxori pro arbitrio agere, conuenire, lectiorem vitam cum alijs inſtituere liceret. Interea ad rem in perpetuum diuinis præſidijs ſtabiliendam, ſanciendamque, Deus ipſe hunc in modum manum admouere operiiple conſtituit, claro ſanctorum B. Franciſcæ tutelarium patrocinio cœlitus demonſtrato. Ad peruigilium eius diei, qui dies Chriſto genitilis, latè toto Chriſtiano orb

orbe celebratur, suum ex more cubiculum ramusculos arborum inumbrauerat, quo formam quandam solitudinis, qua mirè afficiebatur, effingeret. Hic profundissimè in Christi nascentis contemplationem effusa, abstracta per ecstasim, derelictis sensibus, cum infinita quadâ feriatî animi voluptate, diutissimè Christum infantis imagine, præ manibus, & in gremio tenuit: deinde visa sibi in purissimo quodam, & Crystallino lenissimè submurmurante diuinæ misericordiæ fonte, à Principe Apostolorum Petro dulciter immergi, lauarique, ab ipso tremendum Synaxim accipit, cum incruentum diuini libaminis sacrificium ad altare fecisset, cui sui tutelares Apostolus Paulus, B. Benedictus, & Magdalena Christi amantissima interfuerunt. Actum inter hæc in confessu Sanctorum de legibus, quas teneri deinceps ab religioso illo matronatum cœtu oporteret: Sacro confecto, B. Francisca, solenni ritu, à Principe Apostolo consecratur, Deiparæ parenti, cuius sub tutela imposterum esset, præsentatur: postmodum redditur sensibus, quibus illa mirificis, ultra quàm cogitando assequi possumus, exhilarata spectaculis, Beata, ac florens Bartolomæum in diuinis magistrum ex Franciscanorum ordine extemplo conuenit: leges ei sacræ sodalitatis à Beato Apostolo Paulo dictatas, præscriptasque, eo, quo conceperat tenore, commemorat. Ex se habent ad hunc modum.

*LEGES SODALITATIS TURRIS  
SPECULORVM.*

1. Ad eum ordinem promiscuè virgines, viduæque ritè admittuntur, legitimæ tamen ætatis omnes, quæ de suscipiunda vitæ ratione iudicare queant, capiuntur; tum de recta intentione super omnia, & de obedientia per omnia præstanda, interrogantur, castæque ipsæ concipiunt.
2. Ductu, instinctuque monachorum montis oliueti S. Mariæ nouæ vitam ducunt.
3. Ne ullius coactu, neu prauo inductu, neu pretio, neu dolo malo, conscribuntur.
4. Hoc certo, & concepto habitu vestiuntur. Primum vestem candidam, extimam verò pullam crasso panno, filoque; velum porro è carbasina tela purum, ac sincerum esse oportet. Candida fidem, castitatem, puram intentionem, pulla voluntariam paupertatem, & oculatam definiti lethi recordationem, velum toties ad quæsitum candorem lotum, versatum, pulsatumque, quidlibet sufferendi, obtemperandi que constans studium representant.
5. Præter quadraginta diæ ieiunium solenne omnibus Christianis, tria alia sobriè, ac legitimè obseruant. Vnum S. Spiritus à Christo ascendente, vsque ad Pentecostem esto. alterum Deiparæ parentis assumptæ, à Kalendis Augusti, ad magnam Reginam cælo receptam, ac triumphantem protenditur. Tertium diuini Amoris, totius Aduentus Dominici, menstrua fere intercapedine continetur.

- 6 Tribus hebdomadę diebus carnes edunto, ijs tamę vesperi parcę cęnanto. Diebus Lune, atque Mercurij, lactarijs duntaxat esculentis, aut piscibus vescuntor. Veneris, Sabbatıque, quando commodum erit, abstinento. generosiora vina funditus omnia explosa sunt.
7. Septem horas, ad refocillandas vires corporis, ad maius Dei obsequium dormiunto.
8. Septem preces horarias exprofesso dicunto : per singula quę dixerint, meditantor. legere autem nescię eorum loco, ad matutinum quinquagies Domini- cam precationę, septem postulationibus attentę conceptis, quinquagies item salutationem Angelicą percurrunt. Ad primam, ter atque trigies iterant. Ad Tertiam, Sextam, Nonam, sedecies singulis Christi cruciatibus ad singulos diligenter expensis, euoluunt. Ad vespertinas preces, quinq; ac vigies, ad Completorium, quindecies recitanto.
9. Manę expergiscentibus Deo immortales grates exoluendi, pro nocturna custodia, conscientię latebras explorandi, excutiendıque, emendationem verö de cetero proponendi prima, & präcipua cura esto.
10. Hęc leges, hęc präcepta estunto, de quibus apud superiores, präut res exegerit, aliter, sancienti, eximendi, detrahendiue potestas esto. Paulus Apostolus tulit, fixitque. SS Petrus Ap. Maria Magdalena, & Benedictus scribundis adfuerunt.

Quod instituti genus Deo, ac Deiparę cordi, fundatricem verö curę fuisse, gemina, präter ea, quę iam memorata sunt, prodigiola significatione demonstia-

tum est. Primum per quietem B. Franciscam seuerè S. Benedictus idcirco accusauit, quia puellam immatura ætate, suscipiendi Religiosi ordinis insolentem ad reliquum numerum admittere statuisset. sedulo sub hæc commonefecit, ne se pecunia, vlllo colore, vllloque pretextu circumueniri pateretur, neu amplæ dotis auiditate, tanto oneri sustinendo impares caperet. Aliàs supra sensus euecta visa est sibi ad gloriosissimæ Virginis latus adsistere, dein in genua aduolutam, suauissimè in ipsius gremium caput reposuisse: tum clemētissimam matrem, peplum textili aureo visendum, quo vestiebatur, Franciscæ obuoluendæ, protegendæque expandisse; aliud interius aureo subiectum amiculum candidissimum, & pulcherrimum reliquo sodaliū cœtui inumbrando, futuræ tutelæ magnifico argumento, porrexisset, & explicuisset. Ex quo non longo post tempore consequutum est, vt Eugenius i v. Pont. Max. certior factus de optimo genere vitæ, rara integritate, spectabili exemplo, quæ in ea sodalitate elucescere in dies ac sese efferre magnificè palmam, ac latè ab omnibus ferebantur, pōtificia sanctione, autoritatēque suprema, omnes illas leges sanctas, ac ratas in perpetuum ex S. Benedicti instituto esse voluit; exquisitis priuilegijs cohonestauit, eo denique ritu stabiliiuit, quem illæ hodie longinqua obseruantia propagatum, vitæ inculpatæ fama, & gloria, & morum incorrupta constantia, ingenti ornamento ciuitatis, obseruant. Et moritur tandem fidus sanctæ coniugis hac in calamitosa vita comes, lociusque Laurentius Pontianus. Ergo oc-



casione diutissimè expetitam nacta totam se ei religio-  
se coniunctioni dedendi, addicendique, sub annum  
M. CCCC. xxxvi, denique se, relicto mariti hospitio, ad  
communia piarum sororum tecta secedere, eoque mi-  
serabili gestu, quem supra descripsimus, in earum nu-  
merum adscribi deliberavit; quam in rem domum cō-  
modiori loco, situq; cōemptā, ad radices capitoli, ver-  
sus forum olitorium, pararunt, quæ ex turri ea parte cū  
speculis certis sita, Turris speculorum appellationem  
inde vsque seruatam accepit. exinde communibus  
omnium votis, & calculis, tametsi vna de numero vi-  
uere cupiebat, magistra omnium, & mater electa ni-  
hil antiquus habuit, quam vt suæ familiæ ex præcepto  
Apostoli, gubernationem quam optimam iniret, &  
quæ matrimonij vinculis impedita, vulgaribus vi-  
duis, matronisque regendæ familiæ perfectum exem-  
plar extiterat, iam soluta marito diuinioris cuiusdam,  
excelsiorisque regiminis speciem exhiberet. Illa enim  
sunt aurea præcepta, quæ incūcare passim solitam fuisse  
à certis eius præclarè gestorum, atque dictorum au-  
thoribus hunc ad locum inserta descripsimus. 1. Non-  
nullos conscientiæ consiliarios aspernandos, ac mini-  
mè audiendos monebat, qui noua semper, nec alijs vi-  
sitata ingererent, suisque sensibus magis, imò ple-  
rūmque sceleribus, proh facinus! quàm vſitatis veterū  
sanctorum, ac patrum institutis niterentur, nouitatis  
magis cuiusdam, & vanitatis, quàm simplicis veritatis  
amatores, 2. Propriæ voluntatis, ac sensus penitus ab-  
iudicandū, explodēdūque instinctum esse dicebat,

neque ex parte, verum omnino vóluntati, rationique  
 diuinæ permittendum: duo enim illa, volo, nolo, quæ  
 sapientes duo humani generis incendia esse dixerunt,  
 ableganda penitus esse, & à religioso genere arcenda.  
 3. In omnibus, quæ diuinam seruitutem attingunt, a-  
 nimam christianam cæcam, ac surdam potius, quàm  
 aliud quidlibet volebat esse. 4. Sceleratè factorum præ-  
 nitentibus ita documenta attemperari suadebat, vt  
 iam quadam lenitate faciles, iam fructuosa seueritate  
 formidabiles, qui illa tractant, pro captu cuiusque vi-  
 deri velint. 5. Duæ ab sagittarijs similitudine, superio-  
 res imperandi, subditos obsequendi rationem optimã  
 edocebat: hos si quidem sagittæ instar esse oportere,  
 quæ dirigentis imperiũ, ictuque contorta, rectã sine  
 deflexione dissiliens, fracto, atque dissipato aëre, ad  
 scopum aduolat: illos sagittarij ingenium referre  
 debere, qui nisi consultò sagittam arcui accommo-  
 dent, nisi ad eundem ipsi scopum collimēt, nisi arcum  
 manu teneant, nisi pedem commodè, & brachium,  
 & oculos figant, ipsi operam perdant, & telum frustra  
 per inane vagum, & erraticum emittant. Videas enim  
 passim istos Icaros, sui opinione, & inani ambitio-  
 ne, sanctitatis imagine personata, inflatos, seque, currũ  
 que, equosque præcipites dare, dum alijs saltuosè im-  
 perare, quàm ipsi quæ imperant facere malunt. Cæte-  
 rum, si secus faciant, seque sagittarios esse sentiant, tum  
 illud Prophetæ principis vsu futurum, *Sicut sagittæ in*  
*manu potentis, ita filij excussorum:* sin minus aut de illo ge-  
 nere sunt, *Intenderunt arcum r. m. amaram, vt sagittent in*

Psal. 116.

Psal. 63

*occultis immaculatum.* Quippe superbè, & asperè in claustris imperant, & cæci ipsi, & ex oculati miserè oppressos subditos, velut Andabatè, in tenebris, licet immaculatos, & se multo meliores in incertum, ad exitiū immittunt; aut de illo alio numero viuunt, *Sagitta paruulorum facta sunt plaga eorum;* qui pueri ipsi, & rationis, & virilis animi, & consilij expertes, suo puerili brachio, procul suos ad perfectionis religiosæ scopum iacere non possunt, nec vim illam potentem ad iactum imprimere, qui ipsi, pro pudor! destituti sunt. 6. Sæpe non tam ipsa monitis vsurpabat, quàm factio suadebat, homini cuni capitali hoste cacodæmone decertaturo nequaquam agendum instar ignaui, ac timidi militis, qui simulac viderit hostem, abiectio scuto, fugit, verum gnaui, atque industrij Athletæ diuina armato confidentia, vsque ad metam intrepidè decurrendum: futurum enim vt palmam consequatur dummodo generosè, fortitèrque certauerit. Quare in eiusmodi certaminibus numquam ipsa cedebat, numquam fugiendi laboris remedia exquirebat, lætabatur potius luctæ patientia, ac de cætero, pugilum certantium more, in eodem vestigio fixa perstabat, quousque fractus, & victus hostis, abiectus, & tristis auferet: si enim hostem fugeret potiùs, & declinaret, quàm obstinato Marte peruinceret, verendum sibi esse aiebat, ne ex metu ita flaccesceret, vti è mentis statum tandem deiecta prorsus caderet: sin contra audentior iret, eiùsque conatus vi præstantis animi retardaret, tum sperandum esse, vt breui illius laudatissimè,

ex toto genere virtutum, fortitudinis singulare præsidium compararet. Cuius consilij causam aliam magnus Antonius apud S. Athanasium afferebat, quòd tuga si cesseris, teterrimus hostis insolescere, sin ei fortiter obstitueris, frangi, remittique animo, prorúsque sibi ipsi vilescere consueverit. 7. Ad extremum rectam religiosi status formam, ac veluti quam Plato dicebat, ideam, perquam lepidè ex apum comparatione repetebat, quam à Gregorio Magno Pont. Max. per visum singulari quadam ostensione didicerat. Quod genus animalium sagacissimum vbi fructuosè laborare, & tutò viuere possint, locum eligunt; inter se mutuò, sancta quadà colligatione magnæ necessitudinis viuunt: regem ceteris, vt corpore multo maiorem, ita forma elegantiorè eligunt, & incredibili reuerètia illi omnes obtemperant. Rex aculeum habet ille quidem, aculeo tamen numquam vitur: otiosus in eo Regno penitus nullus: omnes suo operi sedulò incumbunt: alia alij in tam populosa plebe minimè officit: locum, quem semel occupauerint, difficilè, & rarò permutant, secus enim breui, nullo negotio, dissiparentur: si iuniores honoratioribus loco cedere necesse sit, tum signo dato, & classico veluti insonante, Regis nutu ante omnia expectato, sine quo numquam exire, nūquam se campo, cælòue committere audent, ornata, & composita acie progrediuntur: Principem quocunque inclinantem alacritate admirabili prosequuntur: lassatum, aut casu mortuum, humeris deferunt; tum si necesse sit, alium eius loco Hungaricum in morem, quasi

rem, quasi in castris, & clypeo sufficiunt. At examen emissum si aura sublatum, aut iracundiola agitarum, (nam sua illis etiam temeritas inest) aut ingenioli quodam ardore, quadamq; lasciuiâ correptum eruperit, tum crepitaculis æreis, vel testarum vulgo iacentium sonitu obruso, fugiens iuuentus terretur, eaque si pauida, ad alueum maternū regressa, in ædiculæ aditu glomerata pependit, vel statim ad proximam frondem se contulerit, nouum loculamentum in hoc adornatum illinitur herbis interius, deinde guttis noti mellis adpersum admouetur: tum facili manu congregatæ apiculæ, extemporanea ferocitate depositæ, reconduntur: ibi solito ingenio mira concordia deinceps viuunt. Certè quidem Tiberius Imperator, apud Nicephorum, Mauricio, cum eum Imperio inauguraret, apum Principem imitandum proposuit ea ex parte, vt quomodo ille, licet cæteris apibus specie pulchrior, & corpore excelsior, & dignitate præstantior, aut aculeum non habet à natura datum, aut si habet, nusquam utitur; ita ille se in Imperio quanquam cæteris eminentem, imminentemque, tamen se clementem omnibus, atque tractabilem, ac velut aculei expertem, præbere disceret. Eodem ex capite, optima sororum magistra, suis pro speculo, exigua illa animalia proponebat, vt prodesse alijs potius, quàm præesse studerent: otium haud aliter quàm domesticam pestem effugerent; tempus vtiliter pijs orationibus, & rectè factis impenderent, perfectè in omnibus obtemperarent, assiduis operis lucrarentur, quæ socijs subleuandis

prodesſent, omnia in commune conferrent; nihil ſuū aut proprium haberent, nimias familiaritates effugerent, domi ſe potius continerent: & quoniam ex eo inſtituto ad illam clauſtri arctioris ſolitudinem minime tenerentur ( exeunt enim paſſim, atque cum hominibus familiariter conuerſantur ) at abſque Duce nunquam, certè religioſæ obedientiæ iniuſſu euolare auderent, ſacris religioſarum horarum crepitaculis, accitæ vel non longè à materno alueo erumperet, vel vtilitet ex fructuoſis interim operibus penderent, ac poſtmodum facili manu obedientiæ, & dulcitudine domeſtici mellis, piæque ſocietatis fragrantia accerſitæ ad dulcis oratorij, ſacrique hoſpitij aluearia reuertentur. At de inſtituenda ſacra familia pluſquam ſatis:

II. Secundo loco Apoſtolus diuinam fiduciam in vexata, afflictaque vidua maximè commendabat: enim uerò præpotens ille artifex in deſectis, & deſtitutis humana ope rebus magis adeſſe, quàm in alijs ſolet; quia in illis eo infinita vis eius magis elucet, quo minus alieno ſubſidio reſertur accepta. cum apibus, atque formicis ſe præſentioſiorem, mirabilioremque, quàm cum elephantis oſtendit, quæ perfectæ Reip. mirum ordinem, & ſolertiſſimi operis cæta, & melle elaborati magnificentia, ſummorum opificum manupretium vel exæquant, vel ſuperant. Inde eſt, quòd viduis à magnis auxilijs, opibusque vt plurimum deſtitutis, benigniorem Deus opem afferre ſolet, iubetque ab alijs deſectiſſimo illi generi afferri, peculiari illius patrocinio delectari ſolitus. *Patris orphanorum, & Iudis vi-*

SPIS  
CON-  
STANS  
N CNON  
maxima  
erga Deū  
fiducia.

duarum. Viduam eius benedicens benedicam, pauperes eius sa- Psal'm. 67  
 turabo panibus. Dominus custodit aduenas, pupillum, & vi- Psal'm. 113  
 duam suscipiet. Restat igitur vt viduæ quæ se bonam  
 partem diuinæ curæ intelligant esse, in Deo spes suas  
 omnes collocent. *Beatus cuius Deus Iacob adiutor eius:* Psal'm. 145.  
 Ex quo consequitur; *Spes eius in Domino Deo ipseus.* Ne-  
 que maiorem vllam iniuriam illi beneuolentissimæ  
 prouidentix facere possunt, quàm si de illa, cui se cor-  
 di esse sciant, immemoris animi ingrata deprauatione  
 diffidant. Nostra vidua, quod sit faustum, libera, &  
 soluta viro, hanc viduarum propriam, & familiarem  
 virtutem ad culmen extulit. Argumēta de multis pau-  
 ca sufficient. Fuit aliquando cū in illius monasterio,  
 vbi iam sodalitate firmata conuenerant, sub prandij  
 horam panis ad sororū cœtum, quæ tum quindecim  
 omnino numerabantur, alendum deesset. Francisca  
 Verulia, quæ triclinio præerat, Agneti tum loci præpo-  
 sitæ denunciat, vix domi crusta quædam ex superio-  
 ris cænæ reliquijs superesse, quibus è toto numero tres  
 ali possint; quare ad B. viduam denunciata, *Dominus*  
*prouidebit,* inquit. nec plura effata, frusta illa paucula  
 coram omnibus in mensa reponi præcepit, deinde ad  
 dulcissimi nutricij sui prouidentiam sese toto pectore  
 conuertit, cui tenerimè ex animo interim decanta-  
 bat. *Oculi omnium in te sperant Domine, & tu das escam il-* Psal'm. 33.  
*lorum in tempore opportuno, aperis tu manum tuam, & im-*  
*ples omne animal benedictione,* deprecata suauissimè, vt  
 qui creatis rebus omnibus prouideret, quique sibi fi-  
 dentibus præsto semper esset, ne famulis ea necessitate



laborantibus, suam paternam opem recusaret. Vix fusæ preces, cum oblitus illas panis hesterni reliquias, nihil ipsa hæsitans, distribuit omnibus; quæ inaudito, post Christi, paruo pane tot millia mortalium pascendis, simile factum, redintegrato miraculo, ita in earum manibus auctæ, & multiplicatæ ex tempore intumuerunt, vt ad satietatem singulæ sumerent, canistrumque de reliquo plenum reportarent. Huius non dissimile alterum ritè, ac legitimè actis probatum commemoratur. Ad portā Portuensem, eū ad locū quem *la Magine* Italicè appellant, ad ligna, vt solebat, pauperum vsibus colligenda, secum B. Francisca cōmplures, ex sororum numero duxerat: hīc laboribus parum assuetæ matronæ teneriori corpufculo, ex itineris insolentia, vt sit, & ex lassitudine, importuna siti ardere cœperunt, copia restinguendi ardoris tum ad manum nulla aderat: decorum, & pudor iuxta, aliquam procul ad hauriendum ex fonte dimittere obstabat: quod proximū fuit, tutela diuina iam audentior, securiorque, primum spei plena in hæc ipsa concepta verba in actis expressa erupit; *Spem habetote in Domino, Dominus si quidem prouidebit.* Tum oratione ad præpotentem rerum omnium conditorem conuersa, te ego Christe seruator, inquit, qui coruulis, passerculisque necessaria poscētibus non denegas, qui me toties nec cogitantem, nec meritam præsentī tuæ ope es solatus, oro, quæsoq; vt quoniam incuriæ meæ fuit dulces socias ad hunc laborem, nullo parato subsidio, circumducere, solita tua benignitate, atque clementia, aliquo tuo supplemento, hunc

errorem meum corrigas, & penuriam expleas; tum famulas tuas exoptato solatio nonnullo reficias. Quis se hîc teneat? quis non exotculetur, admireturque iucundissimam supremi numinis ita cum hominibus, vt ita dicam, deliciatē, ludentemq; in orbe terrarum providentiam? citiùs exaudita, quàm prolata precantus oratio. Mensis tum Iatuaris agebatur, cæli, hyemisque sæda tempestate omnia horrebant: Sociæ ad vicinam arborem conuersæ, eam ad partem, vitem cōspiciunt frondētibus pampinis, veluti adulto Autumno, tot vuis onustam ad numerum, quot earum capita censebantur; quare suauissima quadam voluptate correpta B. Francisca, cū singulis vnas singulas colligere iussisset, Deo omnium bonorum authori quem propitium, atque præsentem experta esset, grates, ac laudes, vti consueuerat, immortales habuit. Instare, præterea orationi, atque assiduis precibus Apostolus iubebat, de quo vt supra à nobis fuerint non pauca descripta in matrimonio, at perfectiora quædam hîc sublimior segregatæ à turbis hominum religiosæ vitæ status desiderare videtur, quam si præcisè, ex Apostoli præscripto, perpetuæ, nec vnquam intermissæ orationi intentam fuisse dixerō, non mentiar: sic enim statuo ita Deo iunctam, continuo quodam, fixarum cogitationum nexu vixisse deinceps, vt contemplationis excellentia altiùs à nemine conscendi possit, quàm quò illa, non sine continuato miraculo, præteruolauit. Nam cum excelssimū cumulatæ perfectionis apicem statuerunt esse, qui exactiùs illa versarunt,

III.  
RELIGIO  
SIVE  
perpetuū  
orandi, &  
divina me-  
ditandi  
studium.

cum quis pati magis, quam agere in diuinis videtur, quemadmodum de magistro suo Hierotheo D. Areopagita Dionysius scribebat, *Erat, inquit, patiens diuina*. Ita enim, mea, quidem sententia, ad illam absolutionem, qua altius ferri humana capacitas nequeat, peruentum esse iudicandum est, cum ad quandam similitudinem eternae visionis, qua in secura illa beatitudine, diuinam naturam speculando, absorpta mortalitas vel extra se in Deum tota rapitur, eoque pacto non tam agit ipsa, quam agitur, vel in Deo omnia, veluti tersissimo quodam speculo, contemplatur; ubi beatificum lumen irradiat, ubi securitas perennitatem creat, cuius causa doctissimi homines, *illud unum porro necessarium* de continuata aeterna visione interpretantur, quod de meditatione diuinorum in B. Magdalena alias dictum esse contendunt. Nunc admiranda haec vidua & supremum diuinæ ecstasis fastigium conscenderat & veluti iam illius clarissimi speculi praesentia frueretur, longè diffusa, & arcana passim prouidebat. In comperto est ita fuisse sublimissimis meditandis rebus absorptam, ut manuarijs attenta negotijs etiam familiariter à se sibus, per duas, tresue horas, in ecstasi raperetur. Quo tempore sensu adeo colligato, captoque; statu verò totius corporis immoto, iacentique, vel manibus ad pectus implexis, vel complicatis humigenibus, perstabat, ut vossellis, specillisue puncta, confixaque nihil penitus sentiret: motum verò alium ederet nullum, praeter suauem quandam susurrum, perinde ac si cum diuis suis tutelaribus familiariter colloqueretur, inter-

dum verò in subcisiuas illas, intermortuasque vuculas  
erumpebat. Domine mi, quo abi! Domine, tam ci-  
rò: Domine quid me is perditum! Domine quando!  
heu me quandonam! quousque dilecte mi! vix mihi  
quousque! quousque etiam! quousque me miseram!  
Domine quamdiu! quamdiu, dilecte votorum meo-  
rum? aut quædam eiusmodi animi amore languentis  
interna symptomata. Tum sibi restituta haud aliud  
indiciu dabat, quàm si ex altiori somno excitata cui-  
gilaret. Quod si abiectionibus, & quotidianis familiæ  
exercitacionibus implicata eas mirabiles auulsiones  
subleuati animi sentiebat, quid de profundioribus  
mentis in diuina secessibus, admirabili præsertim Eu-  
charistia existimandum, vbi tanquam immensa diuini  
amoris sorbebatur abyssus? Quotidianæ mensæ expia-  
tioni, quæ per sacras preces fieri solet, cum daret ope-  
ram aliquando, sociarum turba adstante, præsentique,  
genu demisso, manibus iunctis, abstracta à corpore se-  
mel diu permansit; altera die, eodem loco, eadem ex  
prece, quotidianum cibum auspicata visa omnibus tã-  
quam ex solis niditissimi radijs inflammata splendescere,  
oculis in aduersam triclinij fenestram affixis, atque  
suspensis, quo spectaculo attonitis socijs, ab eaqu; post-  
modum quid rei id fuisset sciscitantibus, fuisse respõ-  
dit Deiparam magnam matrem, & B. Baptistã Ioan-  
nem Christi seruatoris cælestem prodromum, qui ea  
parte triclinij, se tùm illi spectandos obtulissent. Eodẽ  
facit obiecta cuidam matronæ species, qua illius ex-  
cellens diuinæ contemplationis vis singulariter com-

Alia pa-  
blica.

mendatur. Ea cùm esset Bartholomæa nescio quæ A-  
rretia, quæ eius sanctitatis fama pellecta ad illam visen-  
dam, an officij gratia, an audita suis oculis experiri di,  
interuenerat, tantisper, dum in aula cum sororibus cõ-  
moratur, supra Beatæ cellâ, virgâ auream è cælo pro-  
tensam, lilijs item aureis miro splendore micantibus,  
propendentem aspexit. Quæ, si cui miranda videan-  
tur, illa quæ modò subiiciam etiam admirationem  
omnem longè superant. Principum Apostolorum  
anniuersario peruigilio, anno Christiani Imperij M.  
CCCC. XXXVIII. Ex sacra B. Pauli & de Francisca com-  
pluribus socijs comitata in urbem reuertebatur: itine-  
ris, vti assolet, leuandi causa, in vineam exiguo inter-  
uallo, circiter molam D. Pauli diuertit, vbi cæteris ad  
quietem, qua cui libitum, confidentibus, ipsa ad ri-  
uuli ripam, qui locum illum iucundè præterfluit, me-  
ditationis causa acquiescens sese orationi componit,  
ex quo repentè correpta in profundissimam ecstasim  
illa tantummodo submurmurs audiebatur. *Ita di-  
uina gratia vti iste riuulus leniter, & tranquille fluit.* Exin-  
de sensim sui iam, sensumque impotens, in subterla-  
bente amne, super aquam inflexis genibus, totòque  
collocato corpore, ibidem pluribus horis, non modo  
non depressa, sed ne leuiter quidem madefacta per-  
mansit, sibi que aliquanto post redonata, sicca penitus  
veste, totoque intacto corpore prodijt. Quid nos por-  
rò ad exquisitam beatitudinis speciem desideremus,  
qui viduam versantem in corpore supra elementa su-  
blatam, supra sensus erectam, lumine illius cælestis  
æmulo

æmuio collustratam, Deo denique prorsus affixam, hærentemque videmus? An fortasse præterea vt anticipatæ cuiusdam felicitatis prærogatiua, in clarissimo illo, ac præcelso speculo alia à communi captu longè semota contempletur? Nec illi sanè ineffabile hoc cælestis beneficentiæ ornamentum defuit, adeò incomprehenso illi, atque inaccessò interminatæ diuinitatis speculo iuncta viuebat. Omitto sacrilegiū non consecratæ Eucharistiæ, ad D. Cæcilie sacerdotis scelere deprehenso, reiectum, & quæ alia superius eius facti germana recensuimus. Id autem, quod in ipso illo D. Cæcilie templo contigit, nec nostro instituto alienum, nec commemoratu inutile, aut infructuosum videtur. Alium sacerdotem concubinato domestico nocentissimum, sacrum Missæ sacrificium peragētem totum infami lepra coopertum videbat, donec ad solemnem consecrationem peruentum esset: tunc enim absterla contagiosa scabie, in pristinum statum purus ad communionem vsque restituebatur, radijs præsentis Christi inuisam turpitudinem, & luem infandam infuscantibus; postea sacra communione ritè peracta, rursus execratæ contagionis dehonestamento infectus fædabatur. Rem à se visam, cū primum opportunum fuit, illa magistro moderandæ conscientiæ, ex ordine aperuit; rogauit vt nefarium sacrificulum commonefaceret, vti se crimine tanto abstineret: constitit commonitioni suus fructus. Ille se deprehensum miraculo ratus, facti pœnitens, dignas à seipso sceleris pœnas vltro repetijt; ac breui vita functus, meritis, preci-

busque mirabilis indicis, suisque factis, postliminio  
cælum amissum recuperavit. Si hæc pauca sunt: Ioan-  
nes Mattiottus B. Franciscæ spiritualis magister, incertū  
qua causâ, ab vrbe abesse coactus aliquam diu, peregrè  
exinde reuersus, à Sancta discipula de morbo, què ruri  
pertulerat, deque rebus omnibus Bononiæ, nam eam  
vrbe petierat, gestis fuit minutatim admonitus. An ille  
idem Mattiottus, an quispiam alius, non satis mihi cõ-  
stat, certè B. Franciscæ magister quisquis is fuit, ira in  
quendam cõcitatus exarserat, quo die Beatam, vt mos  
erat, inuisit, quæ eum secus, quàm solebat, in salutatum,  
& seueriusculè, nec genuflexo de more exceptum, ex  
abrupto deseruit, atque in cubiculum, illi propitiatura  
superos, se recepit. Post paulum reuersa, mutato vultu,  
patri reuerentiam, quam consueuerat detulit, tum ei  
facti insolentiam admiranti, addidit, primo eius ad-  
uentu se illi socium adiunctum cacodæmonem con-  
spexisse, à quo ad iracundiam fuisset aduersus proxi-  
mum inflammatus, atque idcirco se ad placandum illi  
numen secessisse, iamque, venia exorata, criminis, &  
discordiarum laternarium facessiuisse. Cui ille culpam  
ingenuè, & rei gestæ seriem, mutationemque, quam  
senserat, animo eius precibus illa commotione libera-  
to, confessus est. Certum, ac rarum, & actis publicis iu-  
ridicè exploratum. Cecca, seu Francisca illa fuit, An-  
dreottij Clarelli coniunx puellam immaturo partu pe-  
pererat, valètem tamen, & vegetam, nihil vt baptismus  
vrgendus iudicaretur; at nostra vates, instinctu fatidi-  
co, dedita opera, eam præter morem adiit, nocte con-



cubia, pressè pressè monuit piaculares infanti propè-  
randos latices. Parochus moras necere, adultæ noctis  
importunum tempus obijcere : partus prosperitatem  
apertè causari. Beata ex aduerso instare, vrgerè, iubere  
per omnem modum, vt periclitanti animæ, illa ipsa  
hora, salutaris expiatio maturaretur. Vaticinium cer-  
tum, & clarum, & cōmodum fuit. mox tincta viuifi-  
co fonte puella, momento vis repentinæ febriculæ  
grassantis extinguitur. Rursus ad B. Cæciliæ ædem,  
fortè adolescentem dormituriētem aduerterat, inte-  
rim in somnijs, lasciua nequissimi spiritus illusione, ad  
sceleris meditationem instigatū, qui à sacerdote, præ-  
sagæ vatis admonitu, ad loci reuerentiam, atque mun-  
diciam expergefactus, se periculosa tentatione spur-  
cissimi Dæmonis liberatum asseruit. Alter nescio quis  
Laurentius cognomento Tuccius adolescens, qui  
Francisco Sclauio educatori suo, effrenata quadam in-  
genij, ac linguę intemperantia stimulatus, grauē quan-  
dam calumniam inurere, nemine sui deprauati consi-  
lij conscio, destinauerat; à B. Francisca illius intima  
quæquesensa rimante, illumque singillatim de omni-  
bus admonente perterritus consilium ipse suum, &  
flagitium fassus nemini nisi Deo, & Beatæ cognitum  
apertè damnauit, & de cætero abiicit, & reconciliata  
fide, mutato proposito, veniam ab Sclauio facilè po-  
stulauit. Nec minus Ceccæ Clarelliæ de partu, quàm  
isti de conuicio periclitanti, per opportunam opem,  
attulit. Cecca in omnem euentum suspensa breui se  
deonerandam quidem fastidioso pondere vteri con-

fidebat, necdum tamen ullis pressa angustijs de partu adeo propinquo cogitabat. Anastasiam super hæc, vnam è religiosis sororibus suppetias B. Francisca præmittere tempore occupauit. Cecca securior, quàm grauidæ par esset, Anastasiam ingenti gratia consalutatam remittit bona cum venia, rata nihil tam citò sibi eo auxilio opus esse: reuersa domum Anastasia magistræ renunciat fideliter omnia, quæ Cecca retulerat; iubetur tamen se in vicinam Ceccæ domum recipere, atque ibi in omnem exitum parata, postquàm vociferatam in partu inaudierit, accurrere, breui namque absque dubio parituram esse. Et prædictioni respondit euentus: vix destinatos lares intrauerat, cùm grauida sola domi tum relicta, certissimo vitæ, partulque discrimine, horrendum inclamare, opem frustra vndique, lamentabili eiulatu, implorare. at Anastasia momento ex vicinia aduolare, subuenire tempori. Commodum, & quasi ex condicto omnia visa concurrere; ac celerius fere, quàm à me narrata fuerunt an Anastasia opitulante, an potius, B. Francisca sanctimonia obstetricante, felicem partum enixa, conduplicato periculo Cecca perfungitur. Eodem argumento, Pernam Pauli Ioannis vxorem, ex partu ad extrema adductam desperatam iam, & conclamaram, parituram incolumem prænuñciauit. Pallotix item marito suo Laurentio Alterio lingua ægritudine iam ad summum cum morte luctanti, sanitatem corporis à B. Francisca postulanti voti compotem fore certò spopondit, modo ipsa vanitatis muliebris inutilia ornamenta deponeret:

sic eadem opera vxori modestiam, & frugalitatem, marito valetudinem, vitamq; restituit. Postremum erit in hac narratione, vt innumera eius generis alia taceamus, Pernæ monialis cuiusdam, è turri speculorum, celebre, & maximum, tamen in re perexigua, & pene nulla, documētum. Ea incauta, domesticis munijs obcundis, aliud agens, ex incuria, vim olei non magnam remotis arbitris, nemine aduertente, effuderat; vesperere tamen, ex quadam occulta superbia, mente concepta, vt lege familiari tenebatur, publicè proclamare erubuerat: conuocatas sub hæc in vnum omnes, Beata magistra moniales admonet, iubetque strictiori quadam obedientiæ vi intentata, quæ facti se ream nosset interius, culpam demissè, modesteque publicè ex instituto promulgaret. Hic ad arrogantiam adiecta contumacia Pernæ fraudi, & exitio fuit. nam supra modum in sua inficiatione obstinata, Deo peruicaciam vindicante, mox à Dæmone oblessa occupatur, qui præfocatam ei gulam frangere, nitebatur, ni pia vindex permota periculo manu percussam, re iam comperta, ab crudelissimo obsessore protinus expediisset. Id quod nemini nouum videri debet: quanquam enim parua iactura, at arrogantia, & refractariolæ contumaciæ maxima insolentia: maximè in re leui, cui nulla causa inficiationis iusta, vt sæpe aliàs solet, subesse poterat, præcepto præsertim virgente præpositæ; ita non poni pretium, quod penè nullum erat, sed peruicacia Adamum, nosque pessum dedit: ita Saulem nō pauca pecudes diuino sacrificio reseat, vel inimico

IV.  
LACHRY  
MARVM  
ASIDVA  
PROFV.  
SIO.

Psal. 1.

Seneca.

Cant. 2.

Thron. 3.

Regi humana exhibitâ indulgentia, verùm inobsc-  
quētisanimi pertinacia exauthorauit. PLACET NE mo-  
dò nostram Platanum iuxta aquas latos spargentem ra-  
mos, an Noëmi lacrymis irrigatâ suis in sua nuru pro-  
sperantem aduertere? Equidem velut, ex ore Aposto-  
li, vidua, quę in delicijs viuit mortua est, ita quæ vicino  
lacrymarum humore frondescit, tanquam lignum,  
mę authore, habeatur; *Quod plantatum est secus decursus  
aquarum, quod fructum suum dabit in tempore suo, & folium  
eius non defluet, & omnia quaecunque faciet prosperabuntur.*  
Platanum quantumuis recidas, non excidas: tanto  
sefe altius obnitens efferat, quanto plus frondium cõ-  
moda amputatione deperdat. Viduam omnibus præ-  
sidijs destitutam omnia lancinant, detruncant, ampu-  
tant. *Superat, & crescit malis. Tempus putationis aduenit,  
vox Turturis audita est in terra nostra. Putatur, ingemiscit;  
ictibus non fatiscit. id ego in quarto speculo represen-  
taui. Enimuero, delicijs omnibus valere iussis, Sancta  
vidua inter aduersa, & aspera omnia fronduit magis,  
suâq; viriditate non solùm seipsam, sed latè vicina om-  
nia opacauit: imò vero iam tandem, *Extendit palmites  
suos usque ad mare, & usque ad flumen propagines suas.* Ac  
ne inculcata superius, de seuerissima vexatione, atque  
laceratione corporis, de hamatis, vncinatisque flagel-  
lis; de circulis ferreis, de setosis, aculeatisque cilicijs, de  
extremis inedijs, de toto horrore vitę iteremus; hęc la-  
crymantem tantummodo referre pēli habemus, iam-  
que cum vate sanctissimo vociferantem, *Inundauerunt  
aque super caput meum: dixi, perij. Inuocaui nomen tuum**

Domine de lacu nouissimo. Sponsi blandientis applausu illo sponsa altera gloriatur. Oculi tui sicut piscine in Hæsebon. Hæc nostra geminas oculorum scaturigines suo quodam iure iactabit, sponsumque ex animo ad hunc modum affabatur; *Quis dabit capiri meo aquam; & oculis meis fontem lacrymarum? & plorabo die, ac nocte interfectos filia populi mei?* Siue enim vexatissimæ Ecclesiæ, sui que seculi ruinas circumspiceret, siue Romanæ vrbis tum exercitatissimæ calamitates aut præsentis videret, aut imminentes exhorresceret: seu in memoriam labeculas suas accerferet, seu sponsi in genus humanum infinitam Charitatem pensaret, tota lacrymoso liquore colliquefacta irremediabili geminorum fontium alluuiione diebus, ac noctibus inundabat, ita se, numquam intermissio fletu extenuabat, exhauriebar, exinaniebar, ut subinde lacrymarum à sponso fluentia repetere cogeretur. Ergo, qui illi in peccatorum confessionibus moderabatur, re explorata, veritus ne tanta, tamque perenni profusione lacrymarum, vel oculorum aciem perderet, vel vitæ usuram effunderet, pro summo illo, quo pollebat imperio, illam iussit modum fletibus aliquem adhibere, & sibi à continuo merore, quæ se tantoperè cruciabar, remperaret, seuerè pollicitus, eius se culparum arbitria ipsum, suo capite, suoque periculo persolururum: nullam enim vim tantam criminum usquam esse posse, quam iam illa tot lachrymis non e-luisset. Lacrymarum namque victoriam esse, atque triumphum, ex B. Hieronymi sententia, dudum accepimus. *ô lacrima, inquit, humilis tua est potentia, tuum Re-*

## Vita Sancta

V.  
INCVLP-  
TA TO-  
TIVS VI-  
TÆ RA-  
TIO.

gnum, tribunal Iudicis non vereris; non est qui te vetet accedere: si sola intraveris vacua non redibis. magis crucias diabolum, quàm pœna inferni quid plura? vincis invincibilem, ligas omnipotentem, inclinas filium hominis. At ne in infinitū eat oratio, præter hæc omnia; INCVLPA TAM VITA, fidèq; viduā deposcebat Apostolus, nec non ab omni labe in omnibus immunem, atque innoxiam. Habemus vnam ex paucis, ab omnibus vitæ partibus irreprehensam, atque perfectam, si, quæ breuiter satis narrata sunt, hætenus recordamur, quæ illa omnia vel virgo, vel nupta, vel vidua vno tenore perfectæ, & incomparabilis sanctitatis exhibuit: qua inuariabili vitæ institutæ constantia, inde ab ipsis incunabilis, vsque ad extremum spiritum adeo perduravit, adeo per omniū ora, mentesque, non modo tota ciuitate dum viueret, verum per vniuersam Italiam omnium virtutum, quæ in Christiana Sancta femina desiderari possunt, odorē sparsit, vt viuua, ac superstes apud omnes vulgo Sancta haberetur, quod magis statim intelligemus, cum de illius obitu communem omnium sentum cum maxima admiratione cōiunctum referemus. Quia tamen vna virtus obedientiæ cæterarum omnium vinculum est, & quasi parens, specimenque virtutum, illæque non immerito, & loqui victorias, & omnes perfectionis religiosæ numeros expleuisse censetur, qui se verè obedientem ad omnia, cum ratione, & virtute coniuncta præstiterit, hoc videamus sanè hoc loco, quàm se ea parte ad omnem exactam perfectè obedientis formam euexerit. Hoc primum, hoc perpetuum, hoc antiquum

antiquum habuit, vt sapientem, & probum vitæ magistrum nancisceretur, cui in omnibus tanquam Christo pareret, quem suorum certaminum Agonothetâ, quem suæ nauigationis quasi nauicularium, quem viæ suæ ducem, quem sacræ militiæ antesignanum in omnibus, per omnia, super omnia sequeretur. Nihil refugiebat, nihil excusabat; imperare, multo magis obedire nouerat; præerat, suberat æqua semper, & læta; nihil alijs præcipiebat, quod non prius ipsa faceret: atq; ecce Abrahami fidem obtemperandi studio, filio immolando, lōgissimo interuallo temporum, reuocatâ. Sub annum reparati orbis M. CCCC. VI. commota, incertum, indictumque qua causa, aduersus Innocentium VII. Pont. Max. ciuitate, Ladislao Rege Neapolitano ad ciuile patrocinium, vt in populari rabie, accersito, Perinus quidâ Troianus Comes, qui vrbi pro Ladislao tum cum summa potestate præerat, aut veriùs imminebat, Paulucium B. Franciscæ affinem carcere primum, tum nisi Ioannem Baptistam, Laurentij Pótiani prolem illi obsidem ad Capitoliũ sisteret, capite damnauerat, funesto nuncio mater accepto, puerum latebris cōtra iniuriam tegere, optimum id factu rata, deliberauerat. Domo iam vnâ cum filio foras prodeuntem suus in diuinis Magister offendit, qui ad illius solatium, fama illa permotus, accurrerat; qui in summa imperat, re æstimata, librataque, vt gnatum intrepidè comiti ad Aræ cæli ædem, vbi tūc erat, adduceret; quid vereretur? quin suas in experto toties numine spes omnes defigeret? quid cunctaretur innocentis affinis



certum exitum, obiecto filio, auertere? haud dubium quin fidei experiundæ causa, id iubere moderatorem Deus interius instigauerit. Atque illa nihil iussum morata, vocem tanquam à Deo emissam ex tempore hausit. calcata naturæ calcitrantis innata indole, ipsomet vestigio, læta, multis interea, qui rem humanitus æstimabant, ex aduerso dissuadentibus, ad Aræ cæli, ira, atque odio inflammatum Comitum conuenit; templū ingressa ad maximum altare aduoluta Frâcisca, Deum auxiliatorem primum omnium, toto ex pectore, Virginemque Deiparam venerata, liquidò suauissimam miserorum Patronam, etsi tunc, de more, suo tabernaculo inclusam aspexit. Inter quæ à Paulucio, qui præsens aderat commonefacta, vt se Perino ad pedes abijceret; hoc modò respondit, cupere se antè ei supplicem vota facere, qui vellet, possetque vexatæ opem afferre. Tum rabiem ex ore, atque oculis stillans Tyrannus Baptistam parenti è manibus miserè lacrymantem, eiulantemque, vt pueri solent, per vim auulsum abripuit, in Capitolium abduxit, raptauitque: quæ dum agerentur, Beata raptorem, Simiæ ferocissimè instar, dulcissimam prolem eripientis videre sibi videbatur: ipsa interea precibus geminatis, nihil penitus animo commota certum negotij exitū operiebatur. Non fides illam, nec obedientia fidem, nec constantia obedientiam, nec exitus constantiam, nec tyrannus exitum, sed suæ tyrannum expectatio fefellit. Haud multo post Perinus vrbe abcessurus puerum adsportandum imponi equo mandat: at equus

hero humanior, nulla vi, nullis aculeis, nullisue calcaribus, nullis fustibus, nullis artibus impelli potuit, ut se loco moueret: quin alij equites alijs equis, puero retro ad dorsum iniecto, rem aggressi infectam omittere, ipse subringens, ac immane infrendens, spe delusus Comes, puero relicto, in rem malā, re infecta, abire cogitur. ita Tyrannus à scelere, mater à metu, puer à periculo, Paulucius à vinculis, in summa, vniuersaq; populi Romani gratulatione, mulieris prece, & miraculo aduersus tyrannum armati, eximuntur. Quòd si illam Simiam expedita viduæ obedientia elusit, certè hos tauros vis eadem obtemperantissimæ mentis edomuit. Res ita habet. Die veneris sanctioris hebdomadæ, iter cum sua vannotia ad S. Crucis in Hierusalem proximè vrbis muros ingressura (qua antiquissima, augustissima æde, Christi cruciatuum nobilissima quæque insignia, atque mysteria celebrantur) iussa fuerat vnà cum socia, tota via, Christi seruatoris pœnas acerbissimas præcipuo studio meditari: neminem ex itinere, ea de causa, aut circumspicere, aut salutare, ne in aliena animus distraheretur. vix ad Xenodochiũ, cui à Domino nomen impositum, appropinquaauerant, quando in ferocissimos tauros incidunt, quorũ incurſu, reliqua multitudine præ metu huc illuc, in incertam, perplexamque fugam præcipitante, ipse præcepti haud immemores nō oculos attollere, non gradum festinare, non se leuiter commouere; multò minus conturbare ausæ, absit ut aufugere, iter incertum intrepidè prosequi, spesque suas in Deum statò

rem, vt ita dicam, conijcere statuerunt. ferocientes belluas vim præsentis numinis perſenſiſſe diceres. momento velut edomitæ, par religioſarum affiniû prætergreſſæ, illaſas, ac ſanctas abire ſiuerunt, repentinâ quaſi indulgentia manſuefactę: quo clariffimo indicio nihilo obſcurius vim obedientiæ cohoneſtatam fuiſſe diuinitus cenſeo, quàm eius apud Caſſianum egregio factò, qui iuſſus rabioſam leonem apprehēdere, vinctamque abducere, fera domita, alligata, ac triumphata, ſui generoſiſſimus debellator obtemperauit. Nullam magis virtutem B. Francisca vel prædicabat, vel ipſa vſu factitabat, quòd ad reliquarum omnium excellentiam viam maximè compendariam eſſe diceret. Quanto verò magis, cùm nouum oſtentum illi eius ſummæ virtutis præſtantiam, velut in imagine delineauit? Adoleſcentem vidit aliquādo ante Chriſti pendentiſ imaginem, ad preces ſeruatori fundendas proſtratum, qui typum quendam obedientiæ ad ipſius pedes ad hunc modum expreſſum deprehendiſſet. Rotæ quatuor in quadro concluſæ, catenis inter ſe, veluti quibuſdam retinaculis, ne ctebantur: harû in meditullio ingens erecta columna ſurgebat. Primę rotæ inſcriptum erat. **VOLO, NOLO. Alteri. MAGNIFICE APPARERE IN REBUS MEIS DESIDERO AT IN TENEBRAS MEAS VSQVE DEVOLVOR. Proximè inſequenti. QVOD HABEO HOC QVÆRO, QVID MIHI VELIM NESCIO. vltimæ verò. ID QVOD ASSEQUI NEQVEO, MAXIME APPETO.** Iam primę catenę ex

aduerso characteribus sculptum aureis legebatur. HUMILITAS, primam autem rotam tenebat. Secundę PURITAS, rotam alteram coërcebat. Tertię SPES, qua rota tertia implicabatur. Vltimę SAPIENTIA, quę rotę extremę volubilitatem implexis quibuldā nexibus retardabat. Intermedia columna fortitudinem indicabat, cuius firmitate catenę diuino præsidio subnixę retinebantur. Supra columnę Epistylum ara prominebat, in qua vir aspectu præditus venerabili, & gemmato diademate coronatus assidebat, qui Deo inspectori successuum, qui ex obedientia prosperè existere solent, rationem ex ordine reddebat. Ego interpretor, non tam eius virtutis momenta, illis simulacris expressa, quàm cæterarum omnium connexionem, catena illa Socratica à veteribus celebrata, in huius sanctissimę animę intimo penetrali cōstātem significari. Quod vt ego credam, altera illi immissa visione adducor, qua Regius fidicen David eā aliquando per somnum oblatus certiolem fecit, eo ex capite omnia illa, quę naturę modum, atque ordinem excederent, diuino beneficio redundasse, quod sese obedientię strictissima religione cum Deo, cumque moderatore suo, quem Dei haberet loco, inenodabili illa obseruantia, deuinxisset. Ijs excitata magis, atque incensa, haud procliuè intellectu est, quàm inuictam, quàm infractam, quàm perpetuam sese in eius absolutione virtutis præberet. Illud satis notum, & exploratum, & propter rei nouitatem huc vsq; quod sciam, inauditum, illam in medio ardore ecstasis, sen-

Plato in  
menon.  
& Hipp.  
maior.

libus planè desertis, & impeditis, subleuatam, solitam  
tamen, ad vnā obedientię vocem, sentire, audire, re-  
spondere, stare, progredi, & quiduis aliud, corpore  
licet tum semianimo, & sopito obire, pene ad instar  
veterum Dædali statuarum apud Platonem (*ἀνταμαθόν*  
vocabant) quæ insensiles cum essent, atque exani-  
mes, arte tamen, atque ingenio artificis per se moue-  
ri, volare, excurrere videbantur. Certum si quidem in  
ecstasi, quanquam suo semper spiritui corpus anima-  
tur, sensus tamen, vi animæ rebus superioribus pene  
tota collata, captos, & desertos penitus obtorpescere.  
Ecce iam quod tota mireretur, obstupescatque poster-  
ritas. Hippolytus S. Mariæ nouæ præpositus, Bartho-  
lomæo quodam Franciscano socio, cū B. Francis-  
cam obsequij ergo adiuisset, sermocinando de diui-  
nis inter se, momento distractam, atque auulsam à sen-  
sibus conspiciantur. non ignarus, aut nouus Hippo-  
lytus quorsum res euasura esset, sopitæ iubet, ne se eius  
iniussu illo statu, locoque commouere auderet. Nec  
plura cunctatus, dōmum reuertit. Fuit iussis fides. totā  
eam noctem eodem immota vestigio hæsit, destituito  
corpore. Rita monialis denique tantam moræ patien-  
tiam miserata, fictitio præpositi, atque mutuato no-  
mine inclamabat, vt cubili tātisper innixa quiesceret:  
nihil obtinuit, tantum semimortuis oculis submur-  
murantem audiit, nolle se exurgere nisi eius imperio,  
quid illi iubere posset. Rita igitur, postero die primu-  
lū illucescente, Hippolytum statuit conuenire; vt rei  
ferie nunciata, Franciscæ cōsuleret. Ab illo hoc modo

retulit. I, Rita rectà domum, ac Francisca seriò meis  
 verbis impera exurgere oppido, & corpore ad lectu-  
 lum composito, requiescere. Dictum, factum. simul  
 magistri nomen inaudijt, experrecta surrexit. Huic  
 non dissimile factum, atque haud satis sciam an stu-  
 pendum magis, pridie conuersionis Apostoli Pauli cõ-  
 tigit. Templum ei in suburbana Ostiensi via dedica-  
 tum, eo die, suo pristino more cultum religiosissima  
 fœmina adiuerat, vixque ad princeps altare venera-  
 bunda prociderat, quando infima illa, brutâque sen-  
 suum concretionem aliquanto semota, repentina auul-  
 sione, mentem ad diuina contemplanda transuexit.  
 Sociæ moniales, quas secum aliquot abduxerat, incer-  
 tæ quid agerent, eamne suis illis delicijs perfrui diutius  
 sinerent, an ab illo raptu diuellerent, dum inter se sus-  
 pensæ deliberant, vox cœlitus allata per ecstasim à Bea-  
 ta percipitur, qua, nomine obiecto obedientiæ, con-  
 surgere, domumque repetere extemplo iubetur. Mi-  
 rabile dictu, factumque, ad eam obedientiæ appellatio-  
 nem adeo assueta, præclusis, vt erat, desertisq; sensibus,  
 insensibili corpore consopita, brachijs ad pectus, crucis  
 specie, configuratis, oculis cælo perpetuò fixis, gradie-  
 batur: iamque ad eam crucem peruentum erat, quæ  
 in media area, consecrati templi monumento, erecta  
 conspicitur, cùm sibi restituta, sensibusque reddita, cœ-  
 ptum iter ingressa cum socijs in urbem redijt, domum-  
 que reuisit. **POSTREMVM** à vidua summus magister  
 exigebat Apostolus, vt in operibus bonis testimonium habe-  
 ret, tribulationem patientibus subministraret, sororum pedes

VI.  
 PIA  
 CHRE-  
 STIANA  
 CHAR-

TATIS  
OPERA.  
vbi sumus  
varia sa-  
mādu cor-  
poribus  
miracula.

*lauaret,* & id genus alia. Sim infinitus, si cuncta conse-  
cr, siquidem incensæ charitatis ardorem, quo fla-  
grabat in proximum, memoria tenemus eum fuisse in  
B. Francisca, marito superstite, quem in paucis, omniū  
seculorum memoria, legimus. Sublimiora hīc quædā,  
quando perfectum in vidua exemplar proponimus,  
strictim, & quasi per satyram, quæ ea parte miraculo  
clara præstitit perstringemus. MENICVM, ni Domi-  
nicum malis dicere, Tartalliæ filium quindecennem  
adolescētem, è regione Triuij, grauissimo morbo co-  
mitiali miserandum in modum agitatū, Rentij auū-  
culi rogatu, manu ad illius caput apposita, persana-  
uit. Anno M. CCCC. XXXVII, PERNAM mulierem an-  
nos natam XXXVI, horribili inguinaria lue afflatam,  
loco affecto admota manu, statim remittente febre,  
præsentī certōq; exitio liberauit. An M. CCCC. XXXVIII,  
FRANCISCAM Andreottij Clarelli cōiugem lethali  
fluxione sanguinis, Euangelicæ mulieris exemplo re-  
petito, visitatā, & tactam in perpetuum, subitō, nullo  
medicamine curauit. ANGELELLAM Petri Cresci-  
monij vxorem, quæ morbo Arthritico, dextri brachij  
ferè vsum amiserat, cū in eam in itinere, ex D. Pauli  
æde regressa incidisset, id à se magna fiducia postulan-  
tem, brachiumq; ut manu contingeret proferētem,  
ex tempore sanam, valentemq; reddidit. NVCCIVM  
Lælij Quintij filium biennem herniosum, iamq;ue  
maxima inflatione periclitātem Riccia mater Chirur-  
go incidendum dederat. At ligatum, cōpositūq;ue  
ad nouacula lanienam, præsertim pueriliter ciulantem  
miserata,



miserata, opifice sistere iusso, ad B. Franciscam, poscē-  
 dæ opis causa, profecta, non vano consilio, aut spe ir-  
 rita, filium inde sanum, & incolumem solo tactu san-  
 ctissimæ fœminę reportauit. **PALLOTIAM** febre ar-  
 dentissima æstuantem, iamque extremum cum letho  
 depugnantem lecto, lethoque releuatam, cum eam  
 visitasset, repentē restituit, quasi omne morborum ge-  
 nus sua præsentia propulsaret. **ALLEGGRAM** tertij do-  
 minicani ordinis monialem, extraordinario dolore  
 pectoris, & periculosissima, ac ferè perpetua, certè in-  
 sanabili sanguinis vomitione, cum eam solummodo  
 pro sua erga ægros charitate inuississet, exoluit. **FRAN-**  
**CISCÆ** item illi Clarellæ, ex dextera mamilla adeò in-  
 tolerabili cruciату distenta vexatæ, vt lancinanda, aperi-  
 endæque nouacula, medici sententia, iudicaretur,  
 iamque ea causa mater puerum alteri lactandum de-  
 disset, dolorem omnem, & doloris causam absterfit;  
 oppidoque reuocari puerum, & materno lacti re-  
 stitui iussit. **MARSILIAM** Mutiam nurum suam,  
 Ioannis Baptistę Pontiani sui coniugem, extremis qui-  
 busdam, desperatisque doloribus in vitæ discrimen  
 adductā, postquàm ea, plena fiduciæ, Socrus absentis  
 opem vocasset, omni cruciату, omni que periculo sta-  
 tim exemit. **VANNOTIAM** nescio quam Romanam  
 detestabili desperatione eò compullam, vt gladio sibi  
 pectus, necis sibi ipsi inferendæ consilio, transuerber-  
 raret, quasi ex compacto conuentam à desperationis  
 extrema rabie, opportuno subsidio, ad saniorē men-  
 tem reuocauit. **RITAM**, vtrāque mamilla exulcerata,

excruciata, post omnia remedia frustra tentata, certo vnguento, quo in speciem dissimulare miracula consueverat, leuiter admoto, curauit. L V D O V I C Æ Annibalis cōiugi, triginta iam annos natę, prolis incredibili desiderio, quod mulierum ingenium est, dudum inutiliter, atque anxie laboranti masculum filium, sterilitate abolita, sponpondit, ac breui suis precibus impetravit. Quid dicam, nisi ad omnem de hominibus bene merendi occasionem intentam mirabilem viduam omnia suis beneficijs, sua pietate, suisque miraculis peruasisse? quam si nostrę viduę miracula patrantem assequi non poterunt, at sanè miseris omnibus, in exhausta quadam beneuolentia, & indefessa benignitate, commoda subsidia procurantem imitentur, quę ego Christianę humanitatis Deo pergrata officia magis mira, quàm ipsa miranda miracula iudico. Tãdem aliquando, Beatissime Pater, turris speculorum adducta ad tertiam contabulationem, extremam adhuc quandam meam manum expectat.

LECTY-  
LYS IN  
THOLO,  
vbi de se  
Actio bitu  
B. Fran-  
cista.

ILLA ANTIQVA superstitione veteris Apotheoseos, præter lignorum struem triplici illa contignatione erectam, Alexander, Herodianus, & reliqui etiam lectuli mentionem faciunt, quem cum Imperatoris cōsecrando corpore, purpura, auro, gemmis ornatum in summa strue, in ipso fastigio collocabant, vt subiecto incēdio cremaretur. Ego, ne nostravera, & magnifica umbraticis, & inanibus illis vlla parte cedant, B. Franciscę funebrem lectulum, ipsius pretiosa in conspectu Domini morte, multis clara, non gemmis, sed

miraculis sumptuosissimè apparatus, in huius mei Panegyrici apice, atque in meæ turris speculorum summo tholo componam: placet ex cupresso tholum excitare, columellis, ad reliquæ structuræ formam, cõpositi, mixtique ordinis eleganter, per sena item interualla, distinctis; nam Cupressum veteres ferali, & funebrem arborem vnam ex omnibus habuerunt, quam nos non aliunde, quàm ex monte Sion excisam extremo operi adhibebimus; vnde summæ coronæ commodum inscripsimus, *QVASI CUPRESSVS IN MONTE SION*. Sion nostrates Theologi cælestem patriam in excelsa locatam interpretatur; ibi ego sanctissimæ matronæ funus exoluam, cuius cælestem penitus, & Sione dignissimum obitum immortalis, quasi superiori vitæ idoneam, gloriosamque coronidem adiungam. Ergo moritur tandem, hei mihi moritur, in tempestiuo tempore, B. Francisca, tam suo magno bono, quàm Christianæ Reip. detrimento. Extremus illi dies fuit VII. ID. MARTII. Anno Christianæ salutis assertæ M. CCCC. XL. suæ ætatis LVI. Felix magis dum moritur votorum compos, quàm dum viueret, tam varijs vitæ procellis obnoxia. Ille qui alienis canalibus iam cælum amplius non contemplatur: qui in volatica sensuum fide veritatem non venatur, qui sub pedibus vacillantis, titubantisque fortunæ expectationum suarum munitam arcem nutare non sentit; ad quæ cura, studium, anxietas, & quæ sunt alia id genus minutiora miseriarum dragenicta accedere iam verentur; cui elementa, & mixta omnia obsecundant,

### *Vita Sanctæ*

humana velificantur, diuina deferuiunt; deniq; bruta ista, & rotatilis mûdi moles sub pedibus plenè subiugata, conculcataque intra suæ leuitatis reciprocationes semper euoluitur, is demum, mea sententia beata, tranquillaq; vita frui censendus est: id autem mortè solam posse afferre in comperto est. Quantis ergo lætitijs gestijssè, eo mortis appulsu, suspicari possumus? Atque, vt primis vltima responderent, ex charitate in proximos, qua semper exarserat, mortis gloriosæ causam inuenit, eo mortis genere felix, quòd seruatorem Christum pro humano genere morientem, etiam supremo interitu imitatur, cuius vitæ vestigia non leuiter pressa ad exigui prædicationem temporis, sed penitus fixa retinuit ad immortalitatis gloriam sempiternam. Ioannem Baptistam filium, quo de supra diximus, graui morbo iacètem inuiserat, vt materna cura, ægri molestiam solaretur, illiusq; animam interim cælo, per Christiana, atque vsitata subsidia compararet. Illis officijs, dum horam ex hora trahit, nec inopinatò, noctis ineuntis interuentione, magistri spiritalis imperio, Turrim speculorù petere prohibetur, in domo Ioannis pernoctare, in Transyberina regione, cogitur. Interim, ea nocte, ipsa patiter ardore febrili adalligata, postridie malo inualescèrè, vt sibi ad iucundissimas sorores aditum obsessum, & interclusum sensit esse, in eam primam, & summam curam incubuit, vt conscientia moderatorem accerferet, animum quàm accuratissimè expiaret, extrema animæ Christianæ solatia omnia, quæ moris sunt, ritè sacramenta suscipe-

ret. quibus exactis, eo diuino beneficio, quod ego et quidem omnium, quæ in vita sperari possunt, maximum duco, ita se Deo obstrictâ, deuinctâque persensit, ut omnes, qui tum illi adstarent, Augustinianos præsertim Religiosos, incredibili contentione obtestaretur, ut pro inexplicabili illa susceptorû sacramentorum accepta gratia, largitori munificentissimo numini, quanto maximo fieri posset cordis affectu, secum gratias immortales, consociata voluntate, rependerent. Proxima nocte, postquàm in febrem inciderat, clarè se illi conspiciendum Deus obtulerat, innumerablem Angelorum choro stipatum, prædixeratque, septimo post die, statuisse se illam hac mortalitate miserima expeditam cælis inferre; quare quatrduo ante, quàm ex vita decederet, à Francisco Ioanne Angelo Sclauo, ciue Romano, sacerdote clarissimo visitata, cùm morbo aliquanto leuata illi videretur, ideoque ægrota dixisset sibi videri, fortè numini gratum futurum, ut ipsa multorum, maximè sociarum bono conualesceret, etiamq; adhuc cum illis viueret; illa multo aliter de se sentiens, Deo, inquit, laus, Deo grates immensæ, æternæque, ego ad diem Mercurij, aut ad summum Iouis; hînc ad tutiorem vitam commigrabo. Et fuit ita. consequenti die Mercurij, hora noctis admodum prima, nono Martij, hisce humanis tendiculis extricata, liberiore curriculo, astra conscendit. Aliquanto antea tantisper, dum in illius cubiculo Missæ diuinû sacrum fieret, sub consecrationis tempus in ecstasi raptam spiritum iam iamque efflaturâ rati, qui præsen-

tes aderant, Magister spiritualis imprimis, & suæ aliquot moniales in lacrymas certatim omnes effusi, funebri eiulatu, illam iteratis vocibus exorabant, vt secum manere diutiùs vellet, idq; , quod in promptu haberet, à Deo supremis precibus impetraret. Hic suorum fletibus, atque suspirijs satis emollita tenera, illa, & Dei plenissima anima, quod B. Martinum fecisse, in simili suorum imploratione accepimus, ad suauissimum numé conuersa, Domine, inquit, *si adhuc famulus tuus, filijs meis sum necessaria, non recuso laborem, fiat voluntas tua, sicut in celo, ita in terra.* Deinde cùm mortem propinquam præsentisceret, idq; tum ex præmonitione illa diuina prospiceret, tum ex inusitato quodam tutoris Archàngeli spectaculo, qui eo die, qui dies illi vitæ vltimus fuit, summa festinatione, & extraordinaria diligentia triplicem illam suam telam, de qua alio loco meminime dicere, ordiri, atque absoluerenitebatur; sermone ad filias moniales conuerso, quæ totæ lacrymis diffuêtes suauissimæ matris lectulum circumsidebant, eas magna vi inflammati charitate animi in hæc verba nouissima adhortabatur. vt omnes inter se inuiolabili quodâ mutui amoris vinculo nexæ, iugatæq; viuerent: vt violenti cacodæmonis quotidianis incurfibus fortiter obsisterent: vt mundi fallacis insidijs, illecebrisque vigilanter occurrerent: vt Domini Christi vestigijs prorsus insisterent, spemque suas omnes in eius patrocínio collocarent: vt in virtutum omnium studiū maximè sui despicientiæ, & obedientiæ constanter incuberent: vix enim illi, quæ se inobsequentē, aut refra-

Etariam exhiberet. Ad ultimum quæ, totius vitæ fermè curriculo subterraneorum leniurū importunissimis, atque continuis agitationibus obsessa, & vexata fuerat, ultimæ mortis articulo, ab illis penitus triumphatis, fugatisque libera, cùm quotidie tota vita Parthenium Deiparæ matris officium recitasset, visâ extremum nescio quid, formicantibus labijs, submurmurari, à suo Moderatore, quidnam diceret, interrogata, respondit iam iamque animam emissurâ se Deiparæ virginis preces vespertinas persolvere, quibus oppidò absolutis, dormienti magis, quàm morienti similis, nullo cuiusquam doloris indicio, sui semper ad ultimum compos, leniter oclclusis oculis, quieto, & tranquillo vultu, laboriosissimum vitæ stadium palmæ properanda decurrit. Ut primùm urbem gloriosi obitus fama pervasit, veluti signo dato, incredibilis mortalium cuiusque ordinis, ac generis iucundo spectaculo oculos implere cupientium concursus fieri trans Tyberim cœpit, ubi decesserat; urbs tota momento confluere; non pueri, non puellæ, non senes, non debiles domi se posse continere. Currentibus calcar admonit novum, & propositum palàm omnibus in corpore extincto miraculum: funere ad S. Mariæ novæ elato, sacrum cadaver duobus diebus, tribusque noctibus, inibi insepultum ad vota, importunaque desideria populi reservatum, tam gratum ex sese odorem perpetuò exhalavit, quod cōceptis verbis autētica rerū gestarū acta solenniter descripta testatur, ut rosæ, & violæ, & omnis generis flores ibi copiosè conspersi putarētur. ceteriori



prodigio, quàm ex Alexandri Magni corpore, cuius ex viui membris balsameum quendam odorem exspirari solitum Plutarchus, nescias an putidulus assentator, an veridicus scriptor, memoriæ prodidit. Ergo totius amplissimæ vrbs congratulationes, augeri cœpræ. Ægri quoque relictis grabatis adrepere, visendi, osculandi quæ cupiditate, vires, vti assolet, subministrante. Plerique impetu quodam ardoris irruentes certatim ante alios prouolabant, vt primi gratum gestamen attingerent; tanti quæ vndique ex omnibus vrbs partibus repente concursus facti, adire, contingere, osculari sancta pignora decertantium, vt se mutuò prementes penè alij super alios corruerent. In augustæ ædis ingressu, vt quisque ad feretrum propius accedit, dum venerabundi odoriferas saluant, subodoranturque reliquias, ingenti religione perfusi vim lacrymarum leniter decurrentium maximâ profundunt: consilia ineunt melioris vitæ; nouam Populo Romano in cælis Aduocatam perditissimis temporibus gratulantur; ab eo loco diuelli nequeunt. Super omnia triste simul, ac dulce spectaculum augent horrendi vndique ægrotorum præcipuè, ac debilium clamores exaudiri, confusis vocibus, & festis acclamationibus patronam, matrem, & suam Romanam Dordadem appellantium, valetudinem quæ, ac sanitatem crebris, iteratis quæ vultibus expresscentium; vestes, indusia, alia lute curatricis insignia munera ostendantium: non nihil reliquiarum ex demortuæ vestibus, aut cadauere certatim abradere gestientium, feretrumve manu contingere gaudentium.

dentium. Neque voces vanæ, nec preces irritæ recidebāt: protinus depulsis morbis, restitutisque viribus multorum, diuina sanctissimi funeris vis extitit. Ex reliquo numero, Iulianus quidam, trium mensium vlcere in infimo pede contracto, medicamentis omnibus irritò exitu tentatis, Sanctę inhumatę adhuc funeri applicans ex veste frustulum præcisum vulneri admo- uit, sanitatemque è vestigio recuperauit. Andreotia item vnde quadraginta annos nata, Petri sanctę crucis eadem vxor, renum, ac dorsi cruciatu acerbissimo ita oppressa, vt lecto moueri, seque sustinere non posset, permota miraculorum fama, quæ ad ferculum B. Frã- cisçæ etiam tum insepultæ patrabantur, illi se, ardentis- sima fusa prece, commendauit; vixque oratione dum finita, perfectè conualuit, ac iam lecto exurgens, suis viribus nixa, curriculo ad salutares Sanctę reliquias, ad mutuam coràm referendam gratiam conuolauit. De- nique illotriduo, triumpho potius, quàm funeris instar exacto, corpore nulla parte vitiato, aut corrupto, imò perinde, vt si viueret, viuido, tractabili, colorato, & odoris illa continuata fragrantia admirando, placuit, quamuis populo Romano plurimum reclamante, lacrymantę, sepulturę mandare, quod ægrè tandem, vt constitutum fuerat, effectum, duodecimo Martij, in ipso S. Mariæ nouæ sacratissimo templo. Verum eodem anno, ad vi. Kal. Augusti, cùm clara in dies, testata miracula exaggerarēturq; ex humiliori loco corpus miro adhuc odore fragrans ante altare princeps deportatur, ibique honoratiore monumento reponi-

*Vita Sanctæ*

tur, ornatu marmoreo, atque porphyretico, superiniec-  
ta craticula ferrea, ea forma, quam hodie videmus,  
cui Epitaphium sepulcrale huiusmodi, recenti, & glo-  
rioso testimonio sculpi fecerunt. IN ISTO LOCO  
REQUIESCIT VENERABILE CORPVS BEA-  
TÆ FRANCISCÆ DE ROMA, DICTÆ ALIAS  
DE PONTIANIS, QUÆ FELICISSIMO TRAN-  
SITV, MIGRAVIT AD DOMINVM. ANNO A  
NATIVITATE EIVSDEM M. CCCC. XXXX. DIE  
NONO MENSIS MARTII. CVIVS VITA AN-  
GELICA MVLTIS MIRACVLIS FVLGET IN  
TERRIS, EIVSQVE BEATA ANIMA AETER-  
NIS GAVDIIS EXVLTAT IN COELIS. Is lectu-  
lus, id ferculum, ea veluti sella triumphalis, hoc appa-  
ratu, illa quæ magnificentia, per me in summa turri sub  
meum tholum repōnatur. Iam ad perfectionem ope-  
ris iubeo, consciscōque, ut sex illa latera, ne lectuli pro-  
spectum impediant, ex purissimo, illustrissimo quæ cri-  
stallo, ut ita dicam, fenestrata, accurata incisione, per-  
petrata post mortem B. Franciscæ prodigia, bina sin-  
gula ita referant, ut in transuersum intus in tholo le-  
ctus pompaticè ornatus appareat. Atque ut ille ex fu-  
nere fragrantissimus odor emanās repræsentetur, volo,  
ac statuo, ut mera, sincera quæ florum omnium gratif-  
sima genera, lilia, rosæ, violæ, narcissi, & reliqua, non  
arte ex ligno, ut superius, elaborata, sed ex hortulis pu-  
ra, ac recentia, varijs sertorum, & Eucarporum, & va-  
forum, & coronarum, & lemniscorum inuentioni-  
bus, vndiq; in tholo, exterius, interiùs, ad columellas,

ad epistylia, ad stylobatas, ad coronides, visenda, ac triumphali colorum, odorumque omnium pulchritudine intexantur. Post hæc, sese efferat primo loco PETRVS PAVLVS de Molaria, qui ad nouum ædificium domus turris speculorum, cùm sublimi loco magnam trabem statuere vellet, subita decidentis trabis ruina oppressus, & pro mortuo ab omnibus habitus, vnus ex monialibus oratione in periculo, B. Francisca commendatus, exiguo spatio interiecto, liberius iam meante spiritu, alleuare oculos cœpit, indeque paulatim redeunte animo, circumstantes agnoscere, ac demum sensus omnes cum voce, & vitarecepit. AVGVSTINA ANGELI DE VITERBIO ad idem latus exprimatur. Ea ex graui oculorum morbo haud dubiè cæca, sic vt iam lumen adspicere non posset, postquam omnia vulgata remedia nequicquam admouisset, denique, re B. Francisca commendata, & panno, qui eius corpori impositus fuerat, pupillæ adhibito, mox claram lucem sanis oculis haurire, postea penitus conualescere incepit. Alterum latus ANTONIVS DE PALVMBARIA, & IACOBVS DE CLARELLIS excipiant. Ille, anno ætatis quinquagesimo, lethali in capite vulnere accepto, iam sex ossibus à chirurgo detractis, mortem inter, & vitâ dubius, à B. Francisca voto ad opem vocata, & panno, quo illa utebatur, ad plagam illato, statim perlanatus est. Hic pestilentia tactus, cùm fœda impendentis mortis facies oculis obuersaretur, valetudine à medicis complorata, Gentilescæ sororis voto, de B. Francisca tumulo in-

uisendo, tum de Iacobi imagine cerea offerenda, continuò horribilem morbum, & imminentem cladem euasit. Succedant duę matronę luc illa vulgari, eadem præsentissima ope, ereptę, MAGDALENA CLARELLIA, & ANGELOTIA, eadem vna capedine expressę. Prior, tumore pestifero exsecto, vehementer læsa brachium tantum non amiserat, & dolore grassante, mortem proximam expectabat: tunc mater ipsius, humanis auxilijs desperatis, tumulum Beatę, suę popularis, diuinę quærędę opis causa, petijt, ei filiam commendauit, domum reuersa, ea ipsa hora, qua precem fuderat, malo liberatam offendit. Altera, simili incisione, contagioso tubere lancinato, iam latere amisso, continua capitis agitatione suborta miserabilis, simul se voto ineundę cum alijs, ad Turrim speculorũ societatis, si præsentis ægritudine leuaretur, obstrinxit, visa sibi B. Franciscam in hæc verba loquẽtem audire; *Filia, non morieris*, ex templo meliusculè habuit, statimque conualuit. Prodeant geminę alię, febris simul, & Arthritico cruciatu exemptę. AGNES Pauli Lelli filia, & ANGELOTIA altera quędam Turris speculorum sodalitis aggregata. Agneti extremè cum morte luctanti, & carbonis instar ex morbi violentia denigratę Iacobella, & Augustina, Parthenij officij libello, quo B. Francisca vulgò utebatur, ad pectus applicito, certum à Beata exitium sunt deprecatę. Angelotię, præter febris ardorem, linguę præterea facultate, ex articulo illa fluxione destitutę, mutęquę, tum ad noctem proximam, medicorum iudicio, de vita certissimè pe-

riclitanti, Iacobella Socia non prius eundem illum precarium codicem pectori primùm, tum capiti imposuit, quàm illa loquendi vsuram, & absolutam valetudinem recuperavit. Consequantur in ordine ANTONIA Ioannis Christophori coniunx, vnà cum FRANCISCÆ Pauli Totti vxoris filio quadriēni. Illa febris, & pleuresis coniurato dolore, eò perducta, vt in sequentem diem Medicus pronunciaret viuere nō posse, iam iamque postremo sacræ vnctionis auxilio muniendam duxisset, prece ad B. Franciscam conuersa ex animo, panno illius vsuario ad partem maximè laborantem leuiter tacta, geminis repente leuata doloribus, postridie valens, & sana de lecto surrexit. Franciscæ Tottia gnatum ex tibijs adeò captum, vt liuidæ plagis, atræque, obstipata sanie, putresceret, nullaque omnino gradiendi esset reliqua facultas, spes verò sanitatis multo deterior, brachijs delatum ad Sanctæ Mariæ Transyberinam ædem plenissima fidei deportauit, vbi ante tabellam B. Franciscæ procumbens, vix illius patrocinio dolendam miserandi filij vicem commendauerat, quando puer se humi demitti matrem precatus, primo stare suis pedibus, tum gradum figere, deinde paulatim incedere, postea ipse donum reddere, denique ligamina abijcere, emplastra deponere, saluus, ac sanus de cætero viuere visus, solenne prodigij testimonium propagauit. Concludet hanc seriem recens, & spirans adhuc nostri seculi celebre factum, magno theatro, tota Roma spectatū. Ante quinquennium, anno ineuntis seculi tertio, Christi corpora-

ti M. DC. III. BELI quidam in Mahometana perfidia obduratissimus, cum ante viginti annos, in Turcarum triremibus infestam Mediterraneo Piraticam exerceret, à Christianis captus, & in urbem deductus, iam Marchioni Malaspinæ Triremium Ecclesiæ præfecto seruebat: is tæpius, vt fit, à varijs de resipiscendo commo- nitus, cum obfirmatus in scelere magis in dies ob- duresceret, & cani surdo omnia viderentur, ex casu, quem referam, quam refugiebat, huius Diuæ patroci- nio, salutem reperit. A Catarina Malasпина præfecti sorore germana sæpenuerò cum munusculis ad æ- des Turris Speculorum, ad Maximillam præferrim Ac- corambonam missus, cum ea occasione à Religiosis si- simis mulieribus de capeßenda Catholica fide vrgere- tur, se tamen obstinatum ad omnia, & impenetrabi- lem ostenderet, monita respueret, consilia; & argu- menta omnia, obfirmato proposito, ludificaretur, æ- gre tãdem, officiosa Maximillæ importunitate, persua- deri se passus est, saltem vt præculam illam secum ipse identidem iteraret. *Beata Francisca memento mei.* Ecce tibi igitur, ô admirabilem elementissimi numinis be- nignitatem! dum aliquoties an seriò, an ioculariter il- la repetit, piæque sorores interea dulcissimam Magi- stram non cessant, ad mentis sanitatem infideli homi- ni'comprecandam, assiduus precibus sollicitare. Serò, sed aliquando tamen, propitium Dei numen ei cæco aperuit oculos, vt ex infidelitatis lutulento cœno ere- ptus emergeret. Nam, nocte intempesta quadam ho- ra quasi noctis septima, profundissimo somno sopitus,



puerum, qui à se stipem exposceret, ea forma, sibi videre videbatur, qua B. Franciscæ tutelaris Archangelus depingi solet: dein expectatus, viso domesticis alijs seruitijs, atque heræ imprimis Catarinæ exposito, solito lætior domum Oblatarum Turris speculorum adire iussus, re omni cum illis, cum Maximilla maxime communicata, ingenti gaudio, summa constantia, maxima admiratione, ferocitate deposita, errore damnato, superis gratulantibus, hominibus applaudentibus, se Christianum fieri, postulauit; atque doctus in fide, & piaculari postmodum lymphâ initiatus, beneficij memor, miraculi authorem professus, Francisci nomen expetijt. At quis me ferat iam mea prolixitate immortaliter fastidiosum omnia referentem? quod fieri nequit, aut plura, quod in promptu est, dicere aggredientem? aut plurima summi momenti, breuitatis stultio, prætereuntem?

**V**ERVM ILLA sublimis, auium Regina, magni Iouis ales, armigera, fulminastra, solaris, rupicola, cælicola, Romana, Imperialis, bellicosa, signifera Aquila, quam in summo culmine busti triumphalis, ex veterû scriptorum historia conspicio, me ad se rapit, & pectus meum penetrale, infinito quodam congratulandi studio, concitatum ad illa aliquândo magnificam vim orationis maiorem quandam inflectere hortatur. Cresco, Beatiss. pater, & exulto, & viuo magis, cum cōsidero Sanctam tot annis pontificale suæ sanctimonie toties tentatum, quæsitumque suffragium eum ad finem distulisse, quousque Pontificem maximum ge-

AQUILA  
IN SVM-  
MO LO-  
CATA.

nere Romanum, sibi que in alijs vnice expetitur, aut diu expectatum consequeretur, aut singulari apud Deum gratia, quod ego non dubito, impetraret. Illud namque illa Burghesia, Romana, Pontificia Aquila perficere potuit, quod Eugenij i v. transuersa regula non direxit; quod Nicolai v. clauis non reſerant; quod Callixti i i i. & Alexandri vi. sacrificæ vaccæ non expiarunt, quod Piorum i i. & i i i. Lunatæ cruces nõ illuminarunt; quod Pauli i i. Leo ad repere non potuit; quod Sixti i v. Iulij i i. Innocentij i x. arbores non fructicarunt; quod Innocentij vii. quincunces non ordinarunt; quod Leonis x. Clementis v i i. Pij i v. Leonis x i. glandulæ non penetrarunt; quod Adriani vi. Leones ad repagula decussati non perfregerunt; quod Pauli i i i. lilia neque olfecerunt, neque fragrant; quod Iulij i i i. corollæ non coronarunt; quod Marcelli i i. velocissima cerua non decurrit; quod Pauli i v. directa, quod Pij v. transuersa repagula non terminarunt; quod Gregorij x i i i. dracones non viderunt; quod Sixti v. nec leo superauit, nec stella ostendit, nec monticuli conscenderunt; quod Gregorij x i v. vel rastra non expurgarunt, vel arbores non germinarunt; quod Clementis v i i i. nec rastra secreuerunt, nec sidera penitus illustrarunt. Haud dubia Dei numen predestinatæ suæ voluntatis indicia de Pauli v. Romani Aquila ad sublimem illum volatum prouehenda monstrauit. nemo ferè de cæteris Pontificibus non tentauit; omnes in eam curam calidissimè, & studiosissimè incubuerunt: Paulum, B. Francisca inquit, volo, Apostoli  
Pauli

Pauli non ignaua discipula; Romanum expecto Romana; quietum, & clementissimum desidero pacis amantissima; denique sanctum, si me Romani sanctam decernunt, iure depono. Cæterorum conatus amplector, huius extremam manum imploro. Equidem, B. Pater, hæc mihi certa videtur diuinæ demonstrationis arbitria: nam illo ipso anno M. CCCC. XL. quo vitam cum morte B. Francisca mutauit, recenti, tepentique quodammodo rerum ab illa gestarum memoria, Andreas Auximanus Episcopus, qui pro Eugenio Papa I v. urbem cum eius ditione, cum summa sacrarum rerum potestate regebat, Sanctium Bouensem Antistitem, & Ludouicum Carthusianum Monasterij vrbanī S. Crucis in Hierusalem præpositum, ad quæstionem de vita, & rebus cum miraculo à B. Francisca patris, accuratè, & legitimè habendam destinauit: quare testes citati, auditiq; oculati omnes, ac locupletes, breuissq; summa autenticè inita rerum maximarum. Super hæc biennio post, eoq; amplius, Anno M. CCCC. XLIII. Eugenij I v. Pontificatus XIII. Rogatione procuratoris, ac syndici Religiosorū patrum S. Mariæ nouæ, ordinis Montis Oliueti, coram Dominico Cardinale Firmano, cui fuerat à Cardinale de Albertis, præcipuo in hac causa Quæsitore, ea delegata prouincia, alia solennis habita quæstio est, qua de LXXX. capitibus actū, testes XXXVIII. iurati, atque assidui interrogati. Præterea Anno M. CCCC. LI. Nicolai Papæ v. quarto, post B. Francisæ felicem obitum, XI. ad consecrationis ab Eugenio inchoatæ negotium prosequendum, iudi-

cium commissum Episcopis Spoletano, & Mindoniensi; apud quos Michael Præfensis procurator, ac syndicus cœnobij S. Mariæ novæ de promouendo sacro negotio diligenter egit, positiones, & capita protulit, testes XLIII. viros, LXXXVIII. fæminas præsentavit, actio tota iuridicè; meliori quàm vnquam, & exactiori ordine compilata. Inde vsque ab illo tempore, videtur ea res ad Clementem vsque Papam VIII. incertum qua causa, resedisse, tametsi in vrbe nusquam interrupto, aut imminuto præclaro in Diuam studio, eximia illius Religio semper continuata perseuerauerit. Siquidem in oculis summorum Pontificum eius dies festus in vrbe, præcipua quadam obseruantia, cultus fuit; in curia capitolina à iure dicundo, & strepitu forensi cessatum: ipsa diei religio, statuto antiquo anniuersaria, Alexandri VI. authoritate (ad lib. 4. cap. 25.) firmata, & stabilita. Eius tumulus constanti religione celebratus, tabellæ diademate insignes vulgò depictæ, appensæque: multa illius miracula ad Turrim speculorum, inde ab anno M. CCCC. LXXXVIII. picturis expressa; Missæ sacra, die anniuersario, solenni ritu, à quopiam Episcopo ad S. Mariæ novæ facta, tumque de ipsius laudibus Panegyrica oratio habita, Annis M. D. XXXIV. XXXV. XXXVI. XXXVIII. quod Ioannis Bruccardi, & Paridis Grassij, qui sacri Palatii ceremonijs præerant, diaria testantur. Nostro seculo, à summis Pontificibus piaculares indulgentiæ, ad VII. Idus Martias, ædem, vbi B. Francisca requiescit, piè adeuntibus ritè concessæ. Illo die celebre sacrum magna Cardinalium frequētia fieri

consuetum. Senator, Cōseruatores, alijque Magist-  
 ratus Capitolini adesse, calicem magni pretij, & funalia  
 quatuor è cera candida offerre soliti. Insuper, quod cō-  
 stet, multi alij Pontifices diuersis temporibus, de Beata  
 consecranda variè prouocati. Pius II. sibi super ea re  
 supplicatum, iustamque petitionem fuisse, ad volumē  
 commētariorum quintum affirmat. Volaterranus Iu-  
 lio II. B. Franciscam Romanam Sanctis adscribere cō-  
 stitutum fuisse testatur. Postremò in Bibliotheca Vati-  
 cana, vetus quædam nota Ioānis Bruccardi eius Cere-  
 moniarum magistri, quem diximus, illo inscripto titu-  
 lo, inuenitur; *Ea, quæ pro canonizatione B. Franciscæ Pō-  
 tianæ Romanæ ordinanda, & statuenda sunt.* Ergo inclitus,  
 & sanctus modò, & Diuino numini peculiaris, ac le-  
 ctus acquisitionis Populus Romanus, pro auita, & im-  
 mortali sua pietate, & Religione catholica, magnaq;,  
 & domestica erga sanctissimam suam popularem, at-  
 que gentilem obseruantia, Clementi VIII. dulcissimæ,  
 æternæque memoriæ Pont. Opt. Max., felicissimo,  
 denique supplicarunt, vt optatum ad exitum vsque,  
 susceptam ab alijs summis Pontificibus, expetitam à  
 Romana ciuitate, expectatam à populo Christiano  
 vniuerso, debitam Beatæ, gratam superis, acceptam  
 omnibus retrò seculis, posterisque futuram consecra-  
 tionem absolueret. Clementer audiuit, accepitque  
 Pontifex æquam, ac iustam supplicationem. Tribus  
 Rotæ principibus viris illustrissimis, Serafino O'iuario,  
 Hieronymo Pamphilio, & Garfæ Mellino, eam de-  
 mandauit ex more prouinciam, vt grauissimum nego-

tium à capite acceptum absoluerent. Sub hæc Serafinus notum iam, & celebre totius Italiæ oraculum, ingentissimis suis in Remp. Christianam meritis, infestella præsertim, & mirabili Galliæ Regno miserandū in modum periclitanti nauata opera, Cardinalis, maximo totius orbis applausu, inauguratur, sua vrique fortuna dignior, quam illo fortuna. Nam vir ille vniuersæ posteritati propositum diuinitus imitandum exemplum, cū omnia Regi nostro, & Regno infesta, infensaque horrendam omnium Regnorum pulcherrimo, sanctissimoque stragem intentarent; hostes ubique odijs infinitis baccharentur, amici, fœderati que taciti gement, omnes tamen silerent, & conclamatum iam diuinum liliū lamentarentur ex animo; vnus Serafinus patrię vulneribus ex omnibus vnus, intimo pectore, trāsossus intrepidè loqui, sollicitare animos, Summos Pontifices, præsertim Xystum v. & Clementem viii. qui illo iam pridem pro certo, experto, exploratoque oraculo utebantur, audacter instruere, viā non satistum, desperatissimo seculo, tutam Regijs oratoribus sternere; ad illos primò sponte, tum concessione, iamque, iussu Pontificum, liberius commicare, illustrare, incendere, inflammare omnia, aliā omnino breui rerum faciem incredibili suo ardore, & in regnum studio inducere. Hinc factum, vt Christianissimi Regis Henrici i v. memori magnificentiā, ad purpura vocatus, etiam paulò post, minimo momēto ad ipsum summum Pontificatum, omnium penè votis, vocaretur, nisi vel ipse nimis gallus fuisset, vel Paulus v.

claro superûm, hominûmque suffragio, Ecclesiæ, æterna numinis prouidentia, deberetur. Ergo Serafinus purpuratus, cum illo etiam Pamphilius ad sacrum collegium accitus; Mellinus verò, non multo post, in Hispaniam à Pontifice Max. missus, huius sacræ Quæstionis cursum intermiserunt; donec tres alij ex Rota insignes viri in idem negotium, maximo, & amplissimo delectu sublecti iussu Clementis fuerunt Franciscus Penia vir omnibus exquisitissimis ornamentis omninò mirabilis, Horatius Lancelottus, & Ioan. Bapt. Pamphilius, vt causam eo statu, vnde desierat, quali à principio repetitâ resumeret, acta omnia superiorû tēporû habitâque hæctenus perquisitiones expendere, tum an legitimè, & iure actum esset, quod eius sanctitatem velle intelligerent, consultò referrenti fecerunt quod iuebantur, omni exquisita, & infatigabili diligentia. Veteres actiones suas, de quæ versarunt, expendunt, ponderarunt, contulerunt, selegerunt: nouam ipsi omnium accuratissimam instituerunt de continuata, inde à B. Franciscæ obitu, vsque ad Annum M. D. C. xv. & nusquam intermissa serie miraculorum, & famæ sanctitatis, inuiolatè ac piè per tot annos, hæctenus cōseruatæ. Omnia ritè, & iure, & legitimè transacta pronuntiarunt. Rem eo statu, ac loco statuerunt esse, vt progrediendû vltèrius summo Pontifici, ad extremâ manum antiquo, & toties iam versato negotio imponendam, videretur. Verùm ipse quoque Clemens, re infecta, moritur. Hei mihi quid dicam? tanta maiestas emoritur, quæ immortalis nostris seculis debebatur:



tot iudices extinguuntur, tot maximi Cardinales intereunt, tot Pontifices maximi in vno negotio, eoque non maximo, neque arduo, præsertim in re adeo probata, testatæque moriuntur. ô inanes nostras contentiones, ô frustra suscepta consilia, quæ in cursu ante franguntur, & corruunt, quàm portum adspicere potuerunt. Intelligimus modò quid sit ista mortalitas? adspicimus satis quis ille sit Euripus rerum humanarû? videmus quid sit ithæc ambitiosa vita, quam tanti facimus? inqua ludimus? pro qua de salute etiam animi sæpenumero decertamus? quam irridere, contemnere, despicere, spectare possumus, describere, & definire non possumus? non possum omnem animi mei sensum acerbissimum explicare, nisi dixerò hanc vitam non vitam esse, verùm contentionem inanem, inuisam, inuitam: quam porro illam contentionem nos aliam esse arbitramur, si verum dicere volumus, quàm mare inquietum, vadum procellosum, inexorabile bellum, longum funus, breue diuersorium, iter lubricum, inexplabile desiderium, lamentabile exilium, fortunæ ludibrium, inconstantia documentum, gloriosum probrum, fastidiosum lucrum, vanitatis emporium, immane naufragiû, furiale solatium, bacchanale tripudium? Quo plura dico, plura occurrunt, illaq; potius in mentem veniunt, horrendi scopuli, rapidi fluctus, Syrenum cantus, Scyllæ latrantes, lentes asperi, mordaces aculei, aperti laquei, lappæ herentes, lata angustia, dolosæ blanditiæ, latebræ inextricabiles, salebræ vorticosa, spirantes exequiæ, securæ insidia, te-

nebræ luculentæ, vadosa littora, tectâ labentia, longa suspiria, violenta vincula; Circæ pocula, hospitia Cyclopæa, latronum insulæ, Diomedæa stabula, Laphtharum conuiuia, Phaëtonia plaustra, Dædalea spectra, Icaria præcipitia. Hoc est vita nostra, cùm recogito, hoc agimus, hoc amamus, hanc plusquam prodigiosam varietatem in dies experimur. Verùm, Beatiss. Pater, vt veriùs aliquid, & magis ex meo sensu, dicam, B. Franciscæ tam multos Pontifices præteruicta Romanam Aquilam expectabat, quæ supra casus, supra fortunam, supra lethi inuidiam, supra temporum peruersitatem, supra obliuionis insolentiam, supra difficultatum omnium volubilitatem intrepida præteruolaret. Illi Dauides, sanguinarijs suorum temporum tragædijs, inquieti; partim schismatum immanissimis tēpestatibus agitati, partim bellorum ciuiliū inusitatis tumultibus implicati, partim Galliæ miseræ conquisita periculis occupati, materiam illi quidem, & cēmētā, iussu diuino, compararunt: at pacifico Salomoni, pace iam toto orbe Christiano stabilita, tranquillo, Pontificatu verò pacatissimo, & innocentissimo, singulari clementia, cunctis amabili, hoc sacrosanctum sanctificatæ B. Franciscæ S. Spiritus templum extruendum, admirabili quadam prouidētia, reseruauit. Quos ritus, quam pompam, quos triumphos, quam magnificentiam, quam huius Pontificatus felicitatem, quod istius seculi ornamentum, quod Angelorum solenne spectaculum patiatur me sua Sanctitas per Panegyricū breuiter posteris commendare, ne tam Regia, rā splen-

dida, tam diuina celebritas, aut vnus vrbs Romæ pom-  
mærijs interclusa, aut vnus Italiæ lætitijs comprehen-  
sa, aut istius seculi memoria circumscripta coarctetur.

OMNIVM  
ORDI-  
NVM AD  
PIRAM  
IN APO-  
THEOSI  
FREQUEN-  
TIA.

VLTIMVM QVOD Alexander in profana Apo-  
theosi iacebat, memini fuisse omnium ordinum, Cō-  
sularis, Senatorij, Equestris, & aliorum, qua laticlauo,  
qua senatoria purpura intermicantium, magnam fre-  
quentiam, qui triumphali busto frequentes adstabāt.  
Nōs, vt in omnibus, ita in hoc maximè, toto cælo, vin-  
cimus, itaque vmbrailem illum Romæ veteris fastū  
retundimus, & perfectè calcamus, vt illa præ nostris  
ludicra, & theatra, & puerorum iocularia præludia  
fuisse videantur. Nam illius frequentie tonsæ, veteri  
more, & discalceatæ loco, nos purpuratorum Patrum  
tot celebres confessus, ad B. Franciscæ consecrationē  
denique disceptandam, sancientiamque; innumera-  
bilibus præsulum operam eodem allatam; omnium  
Ecclesiæ ordinum ingentem multitudinē, qui sacræ  
pompe interfuerunt; totius Romanæ nobilitatis con-  
cursum mirabilē, & quod caput est, omnium nationū,  
non iam dico vnus vrbs Romæ, lectissimam nobili-  
tatem, præcipuam magnificentiam, spectatissimam  
concurfionem afferimus, vt ad hanc pompā, cui diui-  
no munere, ego quoque interfui, non vnā maximā  
urbem, sed totum, qua latissimè funditur, orbem con-  
fluxisse mihi verè magis, quàm oratoriè videar esse di-  
cturus. T A N D E M aliquando igitur, Clemente ægris  
hominibus ablato, sui que dulcissimo desiderio, tota  
Christiana immensitate, relicto, Tresviri illi Rōtæ Au-  
ditores,

ditores, quos modo dixi, egregia, ac felici subfortitione ceteris subrogati, Franciscus Penia vir vndique maximus, & grauissimus, Horatius Lancellottus, & Ioan. Baptist. Pamphilius, iussi de integro fuerunt à Paulo v. Pont. Max. instinctu, supplicatuque populi Romani, grande operæpretium ad operis fastigium attollere, & quod iam illorum pensu reliquum esset, maturè absoluerè. Illi ad *iii. Idus Aprileis* anni salutaris *M.DC.vi.* ad suam Sanctitatem primùm exactè de tota sacra questione retulerunt, tum postea ad Sodalitatem sacrorum rituum, quæ ex Cardinalibus constar, iussu Pontificio, ad *vi. Id. Augusti* eiusdem anni; tota disceptatione, vti moris est, in scriptis tum suæ Sanctitati, tum Sodalitati rituum in manus data, cum apta, & rite digesta, & suis probationibus autenticè, & solenniter firmata serie miraculorum. Re morosissimè, & vt ita dicam, fastidiosissimè, certè quanta maxima humanitus potest, diligentia, pertentata, Illustrissimi sacrorum rituum Cardinales negotium propiùs, & cominus aggressi, sedecim consultationibus super ea re, diuersis temporibus, habitis, studijs, dictis, scriptis, atque actionibus auditorum omnibus à principio sus deque versatis, denique decernunt in omnibus diligenter, exactè, iure, & legitimè actum videri: acta omnia iuridica, omnem questionem ritè instructam, de vitæ sanctimonia, excellenti fide, rerum naturam transcendentium effectione, in *B. Francisca* manifestò constare. Quæ rogatione sua Sanctitas denique accepta, sancit ad extremum, vt omnium Cardinalium, qui Romæ tunc es-

sent, quibûsue vacaret, ad omnem penitus scrupulum, & dubium reuellendum, concepta, consuetaque in re simili, consistoria (noua enim nouarum rerum vocabula vsurpare cogimur, qui veteribus indigemus) haberentur. Tria omninò rituales codices Romani fieri decernunt priùs, quàm ad solemnem consecrationis sententiam deueniatur, quæ summa religione ad hunc modum habita singillatim fuerunt. Primum priuatim, extrâque omnem frequentiam indictum est, ad diem Lunæ iv. Kal. Maias, anni decurrentis aucti M. D C. VIII. in quo Dominicus Pinellus sacri Senatus princeps, ac Decanus, Episcopus Ostiensis, ex sodalitate sacrorum rituum, ætate, & experientia, prouectissimus breuiter ad Diuinum Senatum, latinè, de tota quæstione grauissimè, atque amplissimè retulit; Beatæ vitam exposuit; sanctitatem notauit; præcellèntem fidem confirmauit; miracula exquisitiora perstrinxit: quam ego relationem postmodum elegantissimis typis editam, & solis Cardinalibus communicatam, beneficio Illustrissimi Cardinalis de Giury percurri, peruolui, & quæ indubitatæ fidei, & firmitatis essent, singillatim notauit, accuratè contuli. Hac relatione abundè sacro cœtui satisfactum, visumque collatis, rogatisque sententijs, summo Pontifici, si veller, vltèrius progredilicere, verùm ampliùs dicendum cœsui: ad alterum Consistorium publicum, & solemne, ad diem Martis, vi. Nonas Maias dictum, procrastinauit, cui ego quoque, quamquam, præ ingenti mortaliū concursu, ægtè interfui. Ibi solenni salutatione

Pontificis à singulis Cardinalibus, qui frequentissimi, cū maxima aliorū Præfulum omnium ordinū affluentia cōuenerant, incredibili maiestate, rite peracta, Hieronymus Roscius nobilis Romanus, Aduocatus Consistorialis, Orator ea parte populi Romani, orationem Latinam, non modò elegantem, & grauem, sed benè longuam, ex æquo habuit, sermone ad summum Pōtificem conuerso, qua B. Franciscæ exquisitum vitæ genus, morum sanctimonia, & res cum miraculo patrata continebantur. Eaquē tandem perorata, Orator suæ Sanctitati genibus obuolutus, nomine Populi Romani, B. Franciscæ consecrationem summis de-  
poscit. Hic Petrus Strossius à secretis domesticis, eius imperio, ad ipsius latus assurgit; tum oratione breuissima illa quidem, verum, ad meum saporem, admodum terla, & neruosa, & graui, postquàm verbo negotij ingentem difficultatem exaggerasset, denique respōdet, gratam, iucundamquē suæ Sanctitati postulationem accidisse, ob rei tamen ingentissimam molem, quo ea consultius ventiletur, superum diuina vis exoretur, supremique numinis imprimis occulta sententia, ad ipsius gloriam, Ecclesiæque Catholicæ propagationē, omni ope exploretur; omnes uti Cardinales qui tum adessent, ceterique Præfules, pijs largitionibus, sacris inedijs, assiduis precationibus sese totos dederent, suam Sanctitatem censere, consciscereque. Itaque, postremò purpuratorum Patrum consensu priuatim publico, & publicè priuato (semipublicum appellat) operi extrema coronis appositā. Ha-

*Vita Sanctæ*

bitus fuit, ad XII. KAL. IUNIÆ. Fores non modo Cardinalibus, quod solenne, & vſitatum, & ordinariū eſt, apertæ, qui vnde triginta tum aderant, verū & cæteris Præſulibus permiſſæ ( vnde ſemipublico Conſiſtorio indita appellatio ) in quibus, vnus Patriarcha, quinque & triginta an Archiepiſcopi, an Epicoſcopi, præterea plerique Protonotarij Apoſtolici, eorum enim propriè id negotij intereſt; poſtea Rotæ Auditores, Magiſter ſacri Palatii ex Florentiſſimo Dominicano ordine, tum qui à ſecretis nonnulli, & ſiſcalis, quem vocant, Actor, intererant; cæteraq; omni turba ſummota, foribusque concludiſis, tum ſua Sanctitas, quod omnes, qui adfuerāt iucundiſſimo quodam ſenſu recentis voluptatis commemorabāt, Angelica illa, qua ſemper ſolet, maiestate, maximo decoro, & incredibili ſenſu pietatis, afflatu Pontificio, ſuccinctam, & grauem orationem, ad conſeſſum ampliſſimum habuit, ab illis Regij pſaltis verſiculis exorſa, *Mirabilis Deus in ſanctis ſuis, & ſanctus in omnibus operibus ſuis.* Quæ cum in theſi primū, tum in B. Franciſca, mira breuitate, tribus capitibus, vitæ ſanctitate, fidei excellētia, rerum mirabilium effectione oſtēdiſſet, ad vltimum, quo opus extremam maturitatem acciperet, omnium ſententias rogauit. Poſt hæc ſinguli viua voce, ſpectata grauitate, Cardinales primū, tum cæteri Antifites, ætatis prærogatiuo ordine, ſententias dixerunt, in quibus Spartanus Archiepiſcopus Græcus, qui recēs Romam appulerat, vt Summo Pontifici obtemperaret, Græcè dixit, vnâque ſtatuit poſſe Frâciſcam in Sancto-



tum album censerî. Quibus calculis accuratè collatis, conceptisque, sua Sanctitas denique Pontificale decreverum pronunciauit, B. Franciscam in Sanctis imposterum solemni ritu adnumerandam videri. Hic fiscalis actor Prosper Farinacius, Protonotarios Apostolicos primùm, tum aliquot à secretis obnixè rogauit, vt illius publici Conuentus Cardinalium, Patriarchæ, Archiepiscoporum, Episcoporum, & cæterorum antistitum vnâ, plurétue publicas tabulas expedirêt, quem ad finem Protonotarij Apostolici, vt illi alij à secretis, Consistorijs eiusmodi adesse tolent. Auditores quoque Rotæ ingessunt, illi præsertim, qui ex officio causam cognouerunt, vt omnibus dubijs, & difficultatibus, si quæ interuenirent, ad respondendum præstosint. Tandem sua Sanctitas ad extremum est impensissimè adhortata, vt maxima, quàm vnquâ, sacrarum precum, in ediarum, & piarum donationum frequentatione, diuinum numen precarentur, ne in re omniû grauissima, Ecclesiam suam sanctam errare, neu circumueniri Pontificem sineret. Diem porrò consecrationi dicendum sibi interim referuauit. Nihilque amplius patres moratus confessum soluit.

Interea operæ ad apparatus temporis maturandum vndique superbo delectu expediuntur. Locus consecrationi dicitur, qui solet, Augustissimum templorû Vaticanum, Octauum orbis, si qua alia septem fuerût, hoc digna nomine, non poëticè iactata, miraculum, cum omnibus, vel iudice inuidia, decertaturum. Ne verò, vbiq; hæream, hoc tantum dicam, & pace to-

tius dicam antiquitatis, hoc Põtificio opere, quidquid veteribus aut verè de templis, aut fabulosè exaggeratum est, ingenti interuallo superari; idque mea sententia, vnum artis opus esse, quod ego in Italia adspexi, lapidariæ artis prodigium, Christianæ magnificentiæ specimen, Italiæ solemne spectaculũ, vrbis triumphale trophæum, summorũ Pontificũ perenne, & æternũ, & vltimum cum orbe exarsuro, deflagaturum monumentum: in quo vt excitatus apparatus vno veluti oculo postea cerni possit, hoc semel dicam, id quod hæctenus eius diuinæ molis exstat perfectum exactæ crucis speciem referre: quare Principes quatuor fornices ingentes auro vndique, vsque ad stuporem fulgentes, ad quatuor immanissimæ densitatis, & stupendæ magnitudinis pilas, quasi ad centrum terminari, quarum quatuor immentarum molium soliditate, illud verè maximè mirabile omnis memoriæ, omniũ seculorum, omnium nationum, omnis artis, omnium ingeniorum manupræitium Tholus, quem Itali coupolam appellant, sustentatur, qui summum altare Apostolorum, ad perpendiculum, tabernaculi instar supernè exornat; mirè ex quatuor crucis spatijs, totaq; præcipua templi capedine infernè aspectatur: ita altare Apostolicum, vbi Pontificium consecrationis sacrum est habitum, quasi crucis Augustissimi templi centrum facit. Præter hæc, eximia corona toto templo regnante, omnes fornices eleganti artis opere veluti subnituntur, quæ æquis, & immensis anfractibus, æqualiter fornicum flexionem singulari venustate

subcingit. Iam ut inde, ubi omnia, sub illa Tholi pulchritudine, transigi mysteria oportebat, turbæ arce-  
rentur, simul ut suæ Sanctitati, & sacro collegio tuta  
statio esset, spectatoribus ad hæc ut sua septa discreta,  
aptaque non deessent, ecce quanta solertia, quàm in-  
genti sumptu Populus Romanus pompæ author,  
princepsque prouiderat. Primum ad grandius crucis  
veluti interuallum, quod instar habet aræ maioris,  
qua in templum ex temporaria maiori porta ingressus  
est, statim cancelli in introitu primores, ex solido li-  
gno, in transuersum excitantur, trium ac centum pal-  
morum longitudine, altitudine septem, quorum in  
medio vnicum ostium Heluetiorum armatorum cu-  
stodiæ, ad primas vulgi tempestates frangendas, de-  
stinatum. Inde sex ultra passibus, alij cancelli in dire-  
ctum iniecti, absque ostio, ante sacellum Gregoria-  
num, ne inde in prima repagula vulgus erumperet:  
Paulò superius, versus altare, item in transuersum ferè  
centenùm denùm palmorum interstitio, alij obiecti  
clathri obtenduntur, trium centenū palmorum lon-  
gitudine, ubi suus adpositus aditus, ad sum mouendam  
confusam multitudinem, ab Heluetijs pariter obser-  
uandus. Ita hoc principe veluti Crucis templi latere  
bellè duplicatis clathris munito; ad duo brachia alte-  
ra, quæ in transuersum extenduntur, bini alij ingentes  
qua ad sinistram, qua ad dexteram, altatis spatio inter  
quatuor maiores Tholi pilas emenso, septem pedum  
altitudine, trium ac centum longitudine, tumultui si-  
militer circumfuso, absque ostio, obuertuntur: ad cru-

cis caput, versus extremam fere partem fornicis superioris, ultra altare, longissimo fere quinquaginta passuum interuallo, eminens illud, & sumptuosum opus duodecim marmorearum columnarum miro artificio intortarum, quæ ex templo Salomonis quondam adsporgata fuerunt (quo in transversum crucis illud spatium cingitur) speciem cancellorum, plusquam regio luxu, opulentorum referebat, itaque recens candēlabris ad cæterorum formam effictis instaurarum fuerat, ut operis pars inscijs putaretur: tum tribus postremo à me commemoratis cancellis ita respōdebat, ut illi quatuor sacris maximè arderent funalibus. Interim ne ea parte peruia sint omnia, maxima interualla, quæ à Tholi superioribus duabus pilis, ad illud augustissimum columnarum opus, per duas minores fornices interijciuntur, suis cancellis, læva, dextraque in directum prohibentur, septenarium pedum altitudine, longitudine quinquagenarium octonarium. Ac meo ouili ita descripto, quæ theatra in meditullio, ad operis præcipuam opportunitatem fuerint substructa, verbo me expeditio. Supra Principem Apostolorum aram, septum, theatri specie, sensim ab ara versus crucis caput, quatuor humo, qua altissimè palmis assurgens, ad centum, & viginti pedes in longum, ad duo, & quinquaginta in latum protenditur, panno viridi omni ex parte circumuectum, unico olliolo, eoque binis clathris munito, relicto. In extremo huius, an sepi, an theatri, è regione alrari obuersa, qua humo maximè attollitur, solium trina facie, quatuor magnis gradibus

dibus panno rubro ornatis, à reliquo theatro excitatur, capiendæ pontificiæ sedi adornatum; cui ad dextram sedile purum, ac planum prostabat Cardinali Episcopo Adsisienti excipiendo adpositum. Solio, recenti opere, Populi Romani sumptibus, vt & reliqua omnia, umbella opulētissima superaddita, ex serico rubro, Beata Francisca passim efficta interiacente, fimbrijs aureis, sericisq̃ue circumfluentibus. Ad solij læuam, dextramq̃ue, qua in longitudinem Pontificium theatrum deprimitur, gemina vndique subsellia ducuntur; anteriora hinc inde Cardinalibus, posteriora ad dextram Episcopis, ad læuam Protonotarijs Apostolicis, alijsq̃ue eius generis Præsulibus appa-  
rata. Dextrâ, statim, vbi Cardinalium series desinebat, alterum depressius aliquanto solium, vbi ad sacram Liturgiâ, & ad ceteram rituum varietatem Pont. Max. sacram vestem mutet, tribus gradibus, panno item rubro vestitum, elatum quinque palmorum altitudine, longitudine quindecim, tredecim latitudine, infrâ spectatur. Proximè, versus principem aram, eodem ex latere, opportunè paruum altare sumptuosè componitur, nouem palmis longum, sex latum, altum quinque duntaxat, vbi sacra munuscula, de more, celebranti offerenda, apponuntur. Non longè ad latus altaris maximi, huic simile alterum, magno splendore, non absimili magnitudine, compositum magnificè erigitur, capiendis ingentibus vasis aureis, argenteisq̃ue, ad aquam summo Pontifici sacris operanti fundendam. Huius è regione, ad læuam magni altaris laus,

huius nō abſimile alterum ſacratiōra, ad rem diuinam peragēdam vaſa complectitur. Maximum altare duodecim argenteis Apoſtolorum ſignis ſpectandæ magnitudinis, toridemq; argēteis ingentibus candelabris inauratis interim exornatur, ſic vt auro omnia, argentōque ſplendeſcerent. Hæc de ſepto Pontificio, opinor, quantum eſt ſatis. Huic ad ſiniſtrum latus, ſcoſſim theatrum pro Cantoribus, decem altitudinis palmos, viginti longitudinis, nouēdecim latitudinis habebat ſuis aptè cancellis marginatum, vnde ſua perſtromatum ornamenta pendebant. Huius ex aduerſo aliud magnum ſeptum pontificio vno palmo depreſſius Clerum Romanum, maxima grauitate, & ingenti numero viſendum excipiebat. Ad dextram, læuamq; Pontificis, duo alia maximè illuſtria theatra, per gradus ſenſim elata, Amphitheatrorum in ſpeciem, præ cæteris nobilitati Romanæ ad ſpectandum proſtabāt, læuum viris, dextrum mulieribus cedendum, niſi hac matronæ Romanæ noua gloria, iuſta mulierum curioſitas, vtrumque tempeſtiuè obſediffet, virōſque idcirco adegiffet, qua in cantorū ouile, qua in Clericorū, qua in Cardinalium, ſuzq; ſanctitatis adyta, vt cuique expeditum erat, certatim adrepere. Hoc ſitu concepto, facile animus ſuſpicatur, quàm ſingularē venuſtatem funalia cerea toto templo diſpoſita adferrent, de quibus vniuerſè, omnia ex candida cera, omnia maioris, quàm viſitatæ magnitudinis, omnia candelabris ingentibus opere lignario fabrefactis, foris penitus argentatis impoſita, numero vero penè in-

numerabilia fuisse. Primum è Romano Clero, qui separato, ut dixi, loco stabat, quisque ingentem eiusmodi cereum manu gestabat; tum tres maiores illi cancelli trium sacrationis adyti laterum, & quartum duodecim Salomonis columnarum, tu quintum ad Gregorianum sacellum, sua in altum lumina longis ordinibus attollebant: illa, quam memorauimus corona sola, qua intra templum, infinitis amplexibus, omnes fornices portatur, ornaturque, pilæ verò illæ quatuor Tholi immanes coronantur, quadringenta eius generis funalia, æquis spatijs, vniuerso templi interiore ambitu, præferebat; dein an in summo præcipuarum templi pilarum, bina, an in quatuor maximis, quatuor ingentium aliarum loculamentis, plusquam alia quadringenta micabant: præter hæc, in minoribus omnium minorum altarium, & pilarum capedinibus, atque super omnia columnarum epistylia, quæ incredibili numero tota æde visuntur, alia, numero incerto splendebant: demum qua maximi quatuor templi fornices ad Tholum quatuor illis pilis veluti rotundantur, terminanturque; quatuor accurati operis ingenteis lanpades, singulæ ex singulis extremis fornicibus, inter binas pilas, ad perpendicularium propendebant. palmorum quadraginta altitudine, & sexaginta per ambitum, triplici veluti decussata facie, triangulari forma, angulis bellissimè ad imum in conum consociatis, ad summum in volumen exatè in sese reflexis, areola ad cereorum opportunitatem, ad fastigium sese commodè ostentante; omnia eleganti pictura egregiè locupletata;



singillatim ad singulas facies, qua B. Franciscæ expressis imaginibus, qua Pontificis, qua populi Romani insignibus auro, argentóque præclaris. Ex singulis huiusce molis lampadibus duodecim argentatæ lampades appensæ, non oleo, sed candidissima liquata cera semper ardebant; duodecim item candelabra in singulis, ad areolæ margines, duodecim inflammatos cereos, pari cum cæteris pondere, sustinebant; sic ut non totum interius templum vndique deslagrare, sed stellatum cælum, sereno, & terso cælo, consecrationi B. Franciscæ oblectundare, & collucere videretur. Cætera Apostolicæ ædis ornamenta, incredibile dictu, quàm tenerent, caperentque spectantium oculos. Primus Basilicæ aditus, quâ in maximam Vaticani aream, cum primùm marmorei gradus conscensi sunt, prospectus est, tum illius veteris Apostolorum templi aliæ tres portæ, quæ post primam, supra pinum occurrunt; tres item imprimis maiores noui ædificij, vbi pompa spectanda, omnes elegantissimis coronamentis exornatæ oculos capiebant. Rusticani imprimis negotij columnæ vario frondium genere connectite, pictarum cartharum varietatè lemniscatæ; falcis deinde eodem frondoso opere coronatæ; eucarpi, omnis generis exquisitorum fructuum similitudine, ingeniosissimè effictorum intexti, lemniscis aptè, suis locis, stringentibus, fluentibusque; omnia instar arcuum triumphaliū, & trophæorum ad veterum ludicram imitationē, vniuersum illum extimum ornatum componebant; præter, quòd in summo horum, quæ descripsi, fastigio, ad

singulas portas, B. Franciscæ pictura sex palmorum, tum hinc inde Pontificia, & Romana, & Collegij Canoniorum Vaticani expicta insignia prominebant. Intus, in templo, per totum illum vastissimum parietum, & pilarum ambitum, præcipuo ornamento erat perpetua fascia, altè humo octoginta palmis elata, mille trecentorum pedum longitudine. Ea varijs picturæ delicijs, certis interstitijs opus aptè parientibus, præter intermedias penicilli sapienter errantis, quasi fortuitas artis, & Chymericas circumcursionales, præcipuè B. Franciscæ imagines, Pontificia, & Romana insignia cõplectebatur: sus deque, in latitudine, frondoso cinctu, expictis chartis, & aurichalco, lemniscorum loco, ad varietatem circumplicatis ornabatur. Ea ex fascia, ad terram vsque, inusitata pulchritudine admirandi quatuor peristromatum diuersorum ordines vnus ex alio, tota eadem templi interioris amplitudine fixi, egregio spectaculo tendebantur: qui quatuor maximè ex generibus constabant, ex varijs plumariæ artis exquisitis operibus; ex tela aurea, argenteâue; ex panno opere damasceno, Attalicóque elaborato; & ex serico villosó; omnia diversissimorum colorum. Verùm hac parte miraculo erant quinque tapetes nostrorum Gallorum Regum inestimabilis pretij admiranda donaria, ex solo auro, sericoque contexti, tam raro, stupendoque artis ingenio, adeo viuis, æternis-que coloribus, adeò perfectis, loquique, vt ita dicam, laborantibus lineamentis, elaborari, vt eò nulla penicilli quantumvis Apellei vis accedere possit. Europæ

credo ego operæpretium, & immortale pietatis nostrorum Principum monimentum. vnum Christi extremum cum Apostolis diuino epulo cenantis supra valuas, intra templum, vndique spectandum appenderant; reliquos quatuor Christi nascentis, resurgentis, ascendentis, diuinum pneuma in Apostolos immitentis, opportunis quattuor locis exposuerant, scilicet quatuor ingentibus pilis, quibus Tholi rotunditas sustentatur, quo ferè ambitu, Põtificium adytum, vbi omnia consecrationis mysteria peracta sunt, claudebatur. Cæterum quatuor illæ pilæ quatuor maximis loculamentis ornantur in fronte, tum superiùs, versus arcus Tholi, quatuor alia minora maioribus quatuor respondent. Inferioribus maximis vastæ magnitudinis, quatuor B. Franciscæ tabulæ, tricenorum senum pedum altitudine, locatæ erant, quibus aliæ quatuor paris magnitudinis, inter pilas, sub fornicum arcubus, ad quatuor interiores, quos supra dixi, cancellos defixæ respondebant. In superioribus arcuum minoribus loculis, duobus quidem sanctorum Apostolorum Petri, & Pauli, reliquis Angeli B. Franciscæ tutelaris tabulæ viginti Palmorum altitudine sitæ erant, ne quid omninò vacuum ab ornamento, toto illo complexu, relinqueretur. Ac mea sententia, elegantiam cæteris, quæ commemorauimus, non vulgarem afferbant quinque vexilla opportunè, commodo prospectu, suspensa, quæ in speciem labari quadrata, super serico rubri admodum coloris, depictam B. Franciscæ effigiem, eiusque tutelaris Angeli, cum Pontificijs, &

Capitolinis insignibus referebant. Vnum paulò cæteris maius octodecim pedum altitudine, duodecim latitudine, commodè ex Tholo, ad perpendiculum supra Apostolorum altare demissum volitabat: cætera quatuor, quatuor pedibus depressiora, strictiora tribus, præcis, crucis forma, disposita, ad quatuor principes arcus, quatuor Tholi pilis interiectis, vbi quatuor principes totius templi testudines, versus aram Apostolicam, terminantur, æquis spatijs pendulo, ac libero pondere cadebant. At pretium huius exterioris apparatus, meo calculo, meoque iudicio, super omnia huc vsque, recenti opere adornata, ornamento Apostolici altaris externo debetur; nihil dū enim de Regia magnificentia sacræ vestis, quæ diuinis inseruit, attingo. Ingenti primū vmbella vniuersam aram quatuor, & triginta pedū in quadrum opportunè tæxerunt. Materia serica rubra dibapha exquisiti operis, pendentibus aureis, ac sericis mixtim simbrijs; pictura multo auro ornata, frequenter Beata, & quis interuallis, imagines referebat insignibus Pontificijs, & populi Romani implexis, insertisque: corona desuper lignea ornando operi vndique auro effusè aurata prominebat; quatuor itidem veluti columellæ suffulciendæ vmbellæ erectæ, totæ in magnam altitudinem auro circumtectæ surgebant; singulariter quatuor candidi Angeli, ad colosseam formam, octodecim pedum altitudine elati, vim incredibile auri exhauserant; nam super vaga, fluxaque veste mero albo imbuta, cæterū ita appositè Attalici cuiusque panni varietatem, puro

auro, omni ex parte, ingenti profusione, superiecto, expreſſerant, vt magnam opulentiam oſtenderet. Cõmodũ omnino eo loci occurrerant, ea forma, eoq; ornatu angeli, cùm omnia in iſto negotio tutelariſus Angelis, piẽturæ omnes, vexilla, ornamenta præcipua, parietes templi, portæ omnes, porticus, veſtis ſacra vndique abundarent. Porro quiſque horum quatuor ingentium Angelorum aliud labarum volaticum, militari forma, ſericum, rubro dibapho ſplendidum, cum B. Franciſcæ, & tutelariſus ipſius Angeli expreſſa figura, inſignibus Pontificijs, & vrbaniſus de more adiunctis, magnifica ſpecie, circumferebant.

I A M Age, aliquando ad intima illa, quibus diuinum cõceptum auſpicatõ perfectum eſt, nos inferamus. Populus Romanus, cui incumbere ſumptus conferre, commodũ accurauerat, vt omni Regio apparatu, ſacra ornamenta imprimis, deſtinato artificio, & proprijs operis tempori compararentur. Regium ſpectatu erat, & ſupra quod verbis exprimere poſſum, adſpectabile: veſtis ſacra omniſus, tum ad conſecrationis diuinas cæremonias, tum ad Auguſtiſſimũ Miſſæ ſacrificium à Pontifice celebrandum neceſſaria, vniſus materiæ, vniſus operis, vniſus artiſus, vniſus ingenij, vniſus opulentię erat, ſpectabili conformitate. Chlamys, & caſula Pontificia, cum chlamide Adſiſtentis Cardinalis, & tunicis duorum Cardinalium ſubdiaconi, diaconiſus que, Pontifici adſtantium; diaconi item, & ſubdiaconi tunicis, quorum partes Epiſtolam, atque Euangelium Græcè decantare, vt in ſacris Pontificaliſus aſſuevit;

Pari

pari omnia magnificentia, & pari venustate nitebant. Vniuersum opus Attalicum ingeniosissimè elaboratum, auro vel subsidente, vel omnia figurante, vel opus delicatissimo artis inuento crispante, sumptuosissimè intertextum: figuræ, ne quis adscititiū opus putaret, B. Franciscæ, & asseclæ Angeli effigies, summi Pontificis, & Romani populi insignia, præter infinita eius artis, opportunis parergis, florum, & fructuum, & valorum, & rerū eiusmodi oblectamenta; operæ pretium Pontificio thesauro, vbi postmodum reponi omnia eius generis, ad facti perennandam memoriam, solent, dignissimum. verū oculi iam illa sua illecebra nimis curiosa tandiū spectando dolent, animum suis quoque interioribus spectaculis, ipso consecrationis ritu propius, interiusque spectato pascamus. Ergo omnibus ad hunc modum tempori, ad externum decus, adornatis, ipso Iouis die, proximè Pentecostes solemne festum consequēte, ad quartū calendas Iunias, qui coronatæ quoque vestræ Sanctitati anniuersarius prosperè illuxerat, à solemnissima omnium, quæ esse Romæ potest, supplicatione negotium auspiciatissimè inchoatur. Summo mane, hora, Gallico horologio, præcisè quinta; Italico, circiter nona, sacrum Collegium Cardinalium, Patriarchæ, Archiepiscopi, atq; Episcopi, in Palatium Vaticanum, ad Sixti sacellum cōueniunt: post paulum, vestra Sanctitas tum ad cætera; tum ad omnia id genus, ad expergiscendum, omnium vigilantissima, per abditiores, & occultiores scalas, eodem priuatim gliscit; inibi veste in id apparata vesti-

*Aue Ma-  
rio Stella.*

tur; tum illustrissimorum Cardinalium circumstan-  
te corona, modulatè in parthenium hymnum, vt  
mos est, prima, vniuersæ supplicationi præcinendo,  
erumpit: interimque dum primus versiculus decan-  
tatur, sua Sanctiras genuflexa duos ingentes, & bellè  
ornatos cereos dari mandat; vnum Francisco Conta-  
rino nobilissimæ Reipublicæ Venetæ, alterû Carolo  
Costæ serenissimi Ducis Sabaudix Oratoribus. Nam  
Henricus à Neufuille Dominus d'Alincourt, modò  
Lugdunensium gubernator, superioribus verò annis,  
Henrici 1 v. Regis Christianissimi, atque, ex omni Re-  
gum nostrorum memoria bellicosissimi, gloriosis-  
simi, clementissimi Orator, tunc ante mensẽ dumta-  
xat, ad fruendos sibi à Rege delatos honores amplissi-  
mos, Galliam repetierat: vir perpetuo vniuersæ vrbi sui  
desiderio, æternæque relicta memoria, tum omnibus  
Italix, tum vniuersæ nationi Gallicæ eius absentiam  
impatientissimè ferenti desideratissimus; felicissima  
verò, & celeberrima, & omni patte magnifica (pace  
Veneta præsertim, alijsque egregijs facinoribus) si  
qua vlla esse potest, legatione gloriosus, ingentibus  
porro obsequijs, Christianissimo Regi, toto eo  
tempore, & toti genti nostræ exhibitis, fastis egregio-  
rum Regum nostrorum Equitum, cum grata posteri-  
tatis admiratione adscribendus: quem audeo dicere,  
ex his, quæ ego de illo Romæ vidi, illum vnum ad  
summæ huius celebritatis cumulum defuisse: præter-  
quàm enim Regem nostrum, omnium terræ habita-  
bilis Regum maximum, Ecclesiæ certè Catholicæ vni-



cum, certissimumque, omnibus seculis, à Regno condito, propugnaculum representabat, quo ad illum primi cerei, primique, sine controuersia, Regios inter Oratores loci ius pertinebat : aliunde Orator ipse, tanta dexteritate, tantaque maiestate, huiusmodi in rebus, Romæ antecellebat omnibus, ut nullo negotio ex Oratoris grauitate, atque præstantia, quantum ille Regem referret, vel ex ipsa quotidiana ratione agendi, dignosceretur. Ex quo exiguo patriæ gloriæ diuerticulo, supplicationē iam, primo exacto versiculo, procedentem, piē, ut par est, admirabundi prosequamur: statim enim sua Sāctitate, cereo minori sibi reseruato, Pōtificiē sellæ, de more, ob intolerabiles turbas, tumq; ad Maiestatem, imposita, vniuersa corona Cardinaliū, Præsulumque portam Heluetiorum versus, mouere ceperunt, toto interea Romano clero, vniuersisque Religiosis ordinibus, qui in inferiore Palatij area, innumerabili penē multitudine, operiebantur, circum maximam aream, quæ ante Vaticanum latè protenditur, præire iussis, donec certo interuallo ad veterem Apostolorum eodem appulsis cōdictum est, ut sisterēt omnes suo vestigio, geminisque hinc inde ordinibus expeditam sacrę pompæ in medio viam aperirent, ne Clericorum, & Religiosorum ingenti illo numero tēplum vel compleretur, vel turbaretur. Igitur per medium clerū, mediosque Ordines Religiosos pontificalis comitatus, hac præcisē seriē incedebat, in quo nullus omnino, nec Cardinalium, nec Præsulum, nec Pontificiorum, nec aliorum penitus, absque candido ce-

reo visebatur.

Cubicularij extra muros rubro induti.

Tubicines.

Regularium ordinum Procuratores.

Cōsistoriales Aduocati, & qui à secretis, violaceo ornati.

Cubicularij honorarij, & interiores, item rubro colore vestiti, & cucullati.

Populi Romani Prior, cum magno vexillo B. Franciscæ effigiem referente: ipse, senatorio habitu, veste aurea insignis, vtrinque Cancellarijs Capitolinis comitatus, qui veteri veluti tunica, & toga, partim ex villosa serico violaceo, partim, ex panno aureo vestiebatur.

Suæ Sanctitatis Capellani rubrum induti qui Pontificios Tyaras, præ manibus, opulento spectaculo, præferebant.

Cantores Pontificij violacei qui superiorem hymnum insigni harmonia prosequiebantur.

Alij à secretis, Breuiatores, quos vocant, & Accolyti, item rubri omnes.

Auditores Rotæ pullati, & magister sacri Palatii ordinis Prædicatorum.

Subdiaconi Apostolici, cum altero Accolyto, qui Thuribulum gestabat.

Septem Accolyti, qui septem eximij ponderis candelabra argentea, ardentibus cereis, circumferebant.

Subdiaconus Tunicatus Epistolam decantaturus crucem ferebat, duobus ministris, vestitu rubro, eius latera cingentibus.

Pœnitentiarij Apostolici Casulati è Societate Iesu.

Abbates cum Chlamydibus infulati.

Archiepiscopi, atque Episcopi, eodem ornatu.

Cardinales Diaconi, cum Tunicis, infulati.

Cardinales Præsbiteri, cum casulis, infulati.

Cardinales Episcopi cum Chlamydibus, infulati; omnibus porrò quos commemoravi cerei maioris, quàm iusti ponderis ex cera candida in manus dati.

Proximè ecce iam, qui pontificiam sellam circumstant, stipabantur. Post Cardinales continuò Apparitores Clauigeri Pontificij, qui clauas argenteas humeris sustentabāt; deinde Conseruatores Capitolini pompæ authores, tum serenissimi suæ Sanctitatis germani fratres; post vrbis gubernator Benedictus Ala succedebant.

Proximi omnium, Duo Cardinales Diaconi Tunicali, & Infulati, qui suæ Sanctitati semper adsistunt, atque horum intermedius tertius Cardinalis Diaconus eodem vestitu Euangelium decantaturus.

Duo Oratores, quos principio memorauimus, Venetus, & Sabaudus, qui coràm sua Sanctitate, geminos solemnes cereos ostentabant.

Super omnia, sua Sanctitas sublimis in sella gestata, sub umbella, quam aliorū Principum Oratores vicissim fulciebant, duobus flagellis ingētibus, ad obuias turbarum, & cæli arcendas iniurias, hinc inde elatis, ipsa, ut in re maximi omnium momenti, profundissimis precibus defixa, inter omnes, tranquillissimo, at-

que intentissimo adspectu, apparebat.

Porro Pontificem sequebantur duo Cubicularij ex intimis, & honoratissimis.

Protonotarij Apostolici suam Sanctitatē proximè circumstantes, Prælatorum ornatu, tunicula linea, habituque reliquo violaceo.

In medio Franciscus Penia Decanus Rotæ, ad quem idcirco spectat, Tyaram Pontificis, quoties illi adimitur, tenere.

Post hos sequebantur Præpositi Generales ordinū.

Præter hæc, dextra, læuāque, Helvetiorum cohortes armatæ suam Sanctitatem, & Cardinales stipabant, & circum plerique alij milites nobilioris notæ, satrapæ, ac satellites magno numero.

Ingens verò illa area è prospectu Vaticani exterior, quā supplicationi sacra via erat, tota leuioris armaturæ equitibus armatis vndique obsessa horrebat, vibrabatque.

Appulsa Majestas Pontificia ad Apostolicam ædem diuino triumpho paratam, ipso in aditu ab Collegio Canonicorum eius loci, suauissimo concentu musico cōfestim excipitur. Interea, præ inaudita populi perturbatione, ita ubique templum fluctuabat, ita sese turbarum tempestates attollebant, vt inter spississimas cohortes armatas omnia concursantes, obsidentes, pulsantes, miscentes, vix aliquid ipsis Cardinalibus tutum esset. Ego me ad illustrissimum Cardinalem de Giury, ita applicui, vt cū ad interius septū ventum esset, tota eius familia momento, fluctuanti-

busturbis, procul depositata, dilapsâque, Illustrissimus Dominus me altero brachio apprehensum, Heluetijs, altero me raptantibus, auulsum in Pōtificium adytum inuexerit, an quia me nullo meo merito tenerè amabat, an quia mei consilij conscius volebat, vt quæ ego ipse oculis spectassem, fideliter, non quæ ab alijs inaudissem, fortuitò scriberè: maxima verò illi ab ferreis illis pectoribus, inter omnes Cardinales, quod ab omnibus animaduersum est, exhibita reuerentia est, tum semper aliàs, tum in isto tumultu, vel præ illa veneranda canitie, vel præ opinione summæ Sanctitatis, qua Romæ apud omnes venerationi est, vel præ ipsa humanitate, & comitate quadam mirabili tractandi cum omnibus, quæ ex ipsius oculis, ex toto alloquio, ex vniuersa totius vultus conformatione in illo suauiter erumpit, saxeâque etiam pectora emollit. Tandem vt ad interius adytum peruentum est, primùm sua Sanctitas, genu humi inflexo, ad Apostolorum aram piè admodum preces fundit: dein solio parato assidens, de more, à Cardinalibus, atque ab Episcopis summississimè salutatur. Tum Conseruatores Capitolini, Mutius Matthæi, Horatius Farinacius; Robertus Caposuccus ab Paulo Alaleone ceremoniarum Magistro accersuntur: illi coram sua Sanctitate ad infimum solij gradum genuflexo, per Hieronymum Rossium suum Oratorem, consecrationem optatam exposcunt, qui procumbens item in genua, his conceptis verbis suam est Sanctitatem affatus. *Beatissime Pater, Cōseruatores cameræ almæ urbis hîc præsentès, nomine totius Populi Romani,*

## Vita Sanctæ

**INSTANTER** petunt, per Sanctitatem vestram pronunciaris pia memoria Franciscam Romanam fundatricem congregationis oblatarum Turris speculorum, Catalogo Sanctorum D. N. Iesu Christi adscribendam, & tanquam Sanctam venerandam ab omnibus Christi fidelibus.

Ad hanc obsecrationem Petrus Strossius, nomine suæ Sanctitatis, respondet eam, cum tantæ molis, tantique momenti id negotium esset, hætenus omni illud exquisitissima adhibita diligentia, ponderasse, quare cum omnia necessaria ritè probata, digesta, confirmataque comperisset, in augustissimum illū locum conuenisse, ut omnium maximo negotio extremam manum imponeret; videri tamen nihilominus, ut simul omnes secum sese de integro in preces darent, ut tantum opus ad Dei Domini nostri gloriam inchoatum, ipsius diuina misericordia, promoueretur. His breuiter peroratis, sua S. solio egressa præparatum in medio septo oratorium petijt, vbi infulata, & genuflexa tamdiu fuit, dum Cantores duo Litanias Sanctorum decantassent: postea, solio repetito, iterumque Conseruatoribus, uti supra, accitis, & formula eadem postulationis à Rossio iterata, tantū **INSTANTIVS** additum: Strossius iterum monet diuinum pneuma, ad felicem operis exitum sedulò implorandum suæ Sanctitati visum, quæ extempore ipsa Oratorium petit infulata, quousque illustrissimus Cardinalis Diaconus Franciscus Sfortia, qui dextra, pro munere, adstitebat, cōuersus ad populū clarè in hāc vocē erupit, **ORATE.** tum enim oppidò suæ Sanctitati Tyara sublatu, cæteri pariter

pariter Cardinales, omnesque Præsules tyaram eius exemplo abiecerunt; eoque statu omnes in interiori oratione perstitērunt, quoad Illust. Cardinalis alter ad læuam Diaconus Alexander Montaltus clara voce pronunciauit, *leuate*. Quo omnes subito sese erexerūt cum sua Sanctitate, cui statim adstantes antistites sacrum codicem obtulerunt, vnde illa, sacro hymno, ritè inchoato, cæteris præcinendo, initium fecit; simul iterum in genua sese demisit, donec, primo versiculo decantato, iterum infolata solium petijt, cū cæteri omnes interim recti consisterent, vsquedum, finito cantico, Cātōres conceptum versiculum succinerent, suaque Sanctitas orationem ritualem, & consuetam de diuino Spiritu, voce ad cantum suauiter inflexa, recitasset. Tum siquidem tertium acciti Conseruatores, tertium postularunt, iisdē præcisè verbis, præterquā hīc INSTANTISSIME, adiunxerunt, tertium quoque Strossius excepit, iam suæ Sanctitati abūdè persuasum ita diuinæ bonitati placere, quare etiam sibi cōstitutū esse, ac certum, B. Franciscam inter Sanctos habere, haberique velle, quæ, non modo toto vitæ genere clarissima, sed ingentibus miraculis patratis illustrissima fuisset. Igitur extemplo, qui suæ Sanctitati adstabant sacrum volumen illi exhibuerunt, ex quo infolata, assidensque in folio, ex concepta formula, mira maiestate, & incredibili verborum pondere, consecrationis sententiam denique pronunciauit; B. Franciscam Sanctorum albo censuit; deinceps, vt pro Sancta cole-retur ab omnibus, seuerè decreuit, eius anniuersarium

Veni crea-  
tor Spiritus.  
tur.



diem festum, ad septimum Idus Martias, celebrari iussit; officium de muliere sancta nec martyre, nec virgine fieri instituit; eius nomine templa, atque aras excitari permisit, ubi eius patrocinio exorato, sacrificia soli præpotenti Deo impoſterum offerantur. Prolata ſententia, magiſtratus Capitolini gratias immortales ſuæ Sanctitati, quantum in iſſis fuit, nomine populi Romani, ſucque, pro accepto tanto beneficio, egerunt: Insuper, ut canonizationis, quam vocant, diploma decerneret, ſuppliciter depoposcerunt; quibus ſua Sanctitas fecit ſatis, ſubintulitque, *D. cernimus*, ſalutari Crucis ſigno, inter hæc, ritè edito. Poſtea populi Romani Orator, ad Protonotarios Apoſtolicos verſo ſermone, ab illis obnixè poſtulavit, ut, quæ iſſorum partes eſſent, actum ſolemne, & authenticum de re tota exhiberent, tum, ubi opus eſſet, de toto negotio fidè facerent, & ratum haberent: quare vnus, è ſacro Protonotariorum Apoſtolicorum Collegio, oppidò, alta voce, ſubrogauit, obſecrationique Populi Romani ritè annuit. Iamque vltimùm expedito negotio, Conſeruatores propius ad ſolium applicætes ſuæ Sanctitati ſummiſſè, pieque pedes exoſculantur. Hic nulla oratione ſatis exprimi poteſt, quàm feſto applauſu, quaſi ad condictum, credo ego ſigno aliquo dato, tota Roma vndique miſceri, & quaſi ex fundo commoueri, cieri que cœperit: omnia ædis Vaticanæ æra campana certatim inſonare, omnes Cantorum turbæ omnia diuino concentu complere; omnes Pontificij tubicines, omnia Heluctiorum tympana, & crotala, per

templum interius, per ipsa atria, atque areas, circumsonare, palatium Apostolicum, area magna anterior, arx sancti Angeli, plusquam quingentis inde passibus dissita, arx Capitolina, variaeque aliae vrbis regiones sclopis, bōbardisque innumerabilibus cōplo di, tonare fulgurare, vno eodemque penè momēto cōiurarunt. Interea sua Sanctitas erecta, tyara deposito, triumphalem Ecclesiæ Catholicæ hymnum aggressa, choro antereibat, quo finito, Cardinalis Diaconus dexter Sfortia versiculum cecinit, *Ora pro nobis Beata Franciscæ*, quem choro Cantorum excipiente, sua Sanctitas, clarioraliquāto tono, Sanctæ ritualē orationem tunc primūm recitavit. Quibus omnibus ad hunc modum prospere, sancteque exactis, Illustriss. Car. din. Andreas Perretus Diaconus decantando euangelio paratus, confessionem generalem, quæ ante Missæ sacrum solet, exorsus, auspiciatō S. Franciscam secundum Apostolos, compellauit: qua, post solitam absolutionem, iteratam sua Sanctitas sanctam vicissim inseruit, demumque, rebus ex animi sententia, cū diuina ope, transactis, inde pressius folium migravit, vbi ad rem diuinam faciendam, sacrā vestē mutaret, choro interea horarias preces alternis modulatē canente, quibus tempori expeditis, Augustissimum sacrificium, tam admirabili maiestate, ad eō diuinis, & grauibus ceremonijs, tanta significatione summæ Sanctitatis, tam inusitata spectātium admiratione, tam suauis interioris animi gustu, ad eō celebri cantorum, ministrorum, & totius exterioris ornatus apparatu iniuit, vt nulla cogitatio ad æsti-

*Te Deum  
laudamus.*

mandum, nulla oratio ad referendum, nō dico a quouis oratore, sed ne ab Angelico vllō spiritu quidem par afferri possit: quo mihi elingui præsertim, ac propè infanti magis censui supersedendum: maximè verò cūm tanta res, tātaque magnificentia, iustum, & separatū opus feriat, & otiosi, & bene diserti oratoris exigat; nec verò peculiare id fuerit, aut propriū huius pompæ opus, verū vulgare, & cōmune summorum Pontificum pensum, præcipuis aliquot anni diebus, qui sanctiori quadam celebritate coli consueverunt. Reliquum igitur, opinor, vnum est, ne tamen reliqui diei, sequentisq̃ue festas populi Romani, familiæque Pontificiæ gratulationes importuno silentio prætereamus. Descripsimus alio loco commodiūs S. Franciscæ tumulum, ad Sanctæ Mariæ nouè positum. Ea ædes est in extremo illo vastissimo cāpo, quem cāpum vaccinum vulgus appellat, proximè viam sacram veteribus dictā, ad arcum Titi Vespasiani: campi vaccini, ex vsu nomen inuectum; nam opportunitas loci eò boues, bubalos, pecora, & alia id genus animalia esculēta ad macellariorum commoditatem comportari suavit. Hinc nonnulli forum Boarium priscis celebratum, errore nominum existimarunt: ego Romanum forum potius arbitror; Boarium verò multo depressius versus ædem S. Georgij in velabro; cūm luculentissima adhuc existent in isto campo vaccino rudera nobilissimorum veteris Romæ, imò celeberrimorum ædificiorum: Palatij imprimis, atque rostrorum ad hortos Farnesianos, vbi frequentissimæ causæ

à summis oratoribus perorabantur; ædis concordia, quo passim Senatus conuocabatur. Capitolij, vbi Reipublicæ tota frequentia, consules, & reliqui magistratus frequentes aderant; publici ærarij ad templum S. Adriani Martyris; Arcus marmorei omnium, qui videri possunt, illustrissimi Septimij Seueri; porticus Iustini, ac Iustinæ Impp. porticum Cæsarianarum; Templi pacis omnium, quæ Romæ exstabant, amplissimi, & sumptuosissimi; variorum præterea delubrorum Castoris, & Pollucis; Rhemi, & Romuli, ad quæ vulgo etiâ Senatus confluebat; quorum alterum hodie ædi SS. Cosmæ, & Damiani, alterum S. Mariæ nouæ tribuitur; quid autem magis in promptu, quàm forum Romanum cognominatum, cui arx vrbis Capitolium, sedes ordinaria Senatus, forum iudiciorum, ærarium maximum (hoc est tota Roma) per ambitum imminerebat? cui porro credibile videatur in foro omnium Romæ frequentissimo mugitibus bonum, & balatibus pecorum relictum vllum locum fuisse? quæ ego eo strictim inieci, quod ægrè ferrem, illam parum rationi consentaneam sententiam passim Romæ in doctiorum ore versari: nec nihil etiam in re nostram interim effecimus: nam Sancta Maria noua, cum recta ex aduerso Capitolij, in hoc extremo ingentis spatij foro Romano sit collocata, Religiosi, qui inibi institutum S. Benedicti montis Oliueti sanctissime obseruant, nec suæ probatissimæ pietati, nec suo virili muneri defuerunt. Totum immensum illum campum ad infinitam populi frequentiam compo-

fuerant: maxima ex parte omni genere florum, lilijs,  
 rosis, violis, hyacinthis, aliisque strauerant; Ædis pro-  
 spectum anteriorem, cum atrio, exquisitissimi operis  
 peristromatibus conuestierant; interius omne tem-  
 plum pannis sericis variorum colorum, atque operū,  
 pulchra sanè specie, exornauerant: sacrum imprimis  
 Sanctæ tumulum, elegāti tabernaculo exactissimè in-  
 aurato, subrexeant, extulerantque, vbi varijs locellis  
 varia lumina, magno numero, ex vasis argenteis in-  
 terlucebāt; Pleraque verò vasa, eadem arte cum taber-  
 naculo inaurata, multiplicis varietatis coronamenta,  
 & serra obiectabant: in summo operis fastigio Sanctæ  
 effigies, cum Tutelæ Angeli, vt semper solet, decó-  
 re admodum prominebat. Eò, postridie maximè san-  
 ctæ Franciscæ consecratæ, tum omnium, quæ esse vul-  
 gò potest numerosissima supplicatione, nomine po-  
 puli Romani indicta, tum priuatis omnium ciuium  
 studijs, tanta omnium ordinum visa frequentia, vt  
 omnem scribendi facultatem, omnemque reuera fi-  
 dem longè transcendat. Ipso celebritatis die, quid ego  
 dicam totam Romam ita omnibus gaudijs exilijsse,  
 itaque omnibus triumphis se extulisse, vt non ciuem  
 suam vnâ cælestibus adscripsisse, sed ipsa tota in su-  
 premum cælum elata videretur? Vaticanū super om-  
 nia, proximè sequenti nocte, & altera diei cōsequenti,  
 tum Capitolium, postea Cardinalium omnium, & Ro-  
 manæ nobilitatis, & triū Rotæ in hac causa iudicum,  
 tota Palatia, tum priuatæ vrbis ædes, certis luminibus,  
 quæ extrâuersis laternis omnium colorum, & lucem,

& omne colorum genus emittunt, infinito numero certè in palatijs, ad omnes porticus, ad omnes fenestras, ad omnia mæniana, ad omnes prope inanitates, inusitata quadam specie, visebantur: festi ignes, ac focci, per omnia compita, per omnes vicos, ad fora omnia innumerabiles excitabantur: Neronianum incendium sanctiori spectaculo innouatum, Romamque ex imo vniuersam conflagrare diceret. Præcipue partes suæ Sanctitatis, sine exceptione, ad Vaticanum, & ad molem Hadriani, quam arcem S. Angeli vulgus vocat, haud dubiè fuerunt: nam, ineunte crepusculo noctis, per multas horas, continuò bombardæ omnis magnitudinis, ex arcis, ex omnibus propugnaculis extimis, intimisq; , & ex arcibus incredibili fragore, terroreque displodi cœperunt: simul, omnibus ingenijs coniuratis Italorum, quæ ea parte regnant, varia exhibita spectacula ignium fusilium, volubilium, liquabilium, maximoque artis miraculo rotatiliū, globosorumque varios horrores, stuporesque præstabant; quoad omnē ingenij excellentis ad illa iocularia puluerea vim victam in Girandola, quam barbarè dicūt, ipsi vidimus, atque obstupuimus. Ea ex solis fusilibus flammis simul, inexplicabili numero, arte quadam, per inane vibratis constat, quæ ita sese quasi in ingentem fornicem, nescio quo ingenio, circumfundunt, vt cælum ardere vndique ementiâtur. Tantundem, pro capitu, Capitolium, lectissima nobilitate Romana maximè de gloria decertante, prostrudiè imprimis exhibuit. Fas sit dicere, ita illis noctibus, Romam vibrasse, irradiasseque, vt

elusa nocturna caligine, sese ultro celantibus astris, sola sua luce diefceret. *N V N C* quid cogitant? ubi sunt nostrates nostri inuisæ nitedulæ generi humano, non modo Christiano, qui aliena facta carpere, quàm sua emendare plus pensi habet? qui sanctæ, diuinæ, triumphantisque Catholicæ Ecclesiæ egregia, & diuina facta artodere, quàm suæ caulæ vagæ, intermortuæ, inclinantis, ac perendie sua lubricitate defluxuræ ingentes errores circumspicere, & interpolare, hostili plusquam ingenio, malunt? Huc veniant aliquando citati, mihiq̃ue aurem semel patienter accommodent. Primum qui adhuc inter illos virtutem moralem saltem, sin minus Christianã aliquo pretio habent, quos aliquot esse non dubito, deponant tandem, me auctore, anticipatam illam infensi, atque inimici animi acerbitem, tum pacato, serenóque animo, tranquillè apud se, sedatèque recogitent, Ecclesia Catholica (quam magis quòd ita solent, quàm quod ita sentiunt, auersantur) quo loco, qua æltimatione, qua gloria, virtutis excellentiam Christianæ reponat: euoluât omnia volumina Philosophorũ, etiã qui in virtute beatitudinem sitam insulse voluerunt, scrutentur omnes ritus omnium orbis habitabilis nationum, omniũ gentium, omnium seculorum, diuinam vetustiorempaginam percurrant; nusquam gentium, nusquam seculorum, eo loco, eo pretio, eoque culmine maxime gloriæ germanam virtutem habitam, pro certo comperient, quo ab Catholica Ecclesia diuinitus afflata, inde à Christo nato, semper habitam, vel ipsis fremen-

tibus,



tibus, demonstrare, & convincere clarius luce possumus: in qua tamen Ecclesia vitiorum sola portenta magni fieri, & nisi iam illos vehementer pudet, adorari iniquissimè, atque impudentissimè mentiuntur. Philosophi, verbo tenus, ad inanem ostentationem, virtutum, ut & isti scioli, nomen colebant, re ipsa calcabant, & ludificabantur, quod candidè Cicero illis obiecit: nec apud illos nisi inania virtutum crepitacula audiebantur. Romani, cæterique, vilissima idolorum servitia, non virtuti, sed flagitijs omnium tota natura execratissimis divinos honores deferrebant; Veneri, Iunoni, & Floræ Romanæ vilissimis scortis, Baccho ebriosorum maximo, Iovi infinita lascivia infami; quid Ganimedi? quò ulterius barbara infamia exundare potuit? iam Diocletiano naturæ prodigio, eiusque alteri Ganyemedi Antinoo, Neroni verò omnium turpitudinum gurgiti profundissimo, usque ad naturæ æternum dedecus inquinatissimo, aliisque scelerum omnium immensis voraginibus, an adulandi causa ultro adducti, an obsequendi necessitate Tyrannicè coacti, Apotheosin decreverunt. Vetus ante Christum Ecclesia, summis illa quidem, anniuersariisque honoribus, sanctos illos priscæ virtutis exornavit Machabæos, Iudith, Hester, Patriarchas, & Mosem imprimis, quos tam effuso cultu prosequabantur, ut Rabbinorum, & nostrarium Doctiorum sententia, corpus Moysi illis distrahendum fuerit, & auellendum, ne populus efferatus, & ad Idololatriam passim procliuis pro Deo haberet. Nec inficior tamen veteres illos in illis Sanctis venerandis maiorem quandam moderationem adhibuisse, & meritò, quòd necdum Beatitudine fruerentur, atque

adhuc in limbo subterraneo, etsi certa spe futura beatitudinis, obsolesceret. Ad legem euangelicam germana illa, & sincera, & perfecta gloria spectabat, multoque ante diuinus Psalter ea de causa gratulabundus decantarat. *Nimis honorati sunt amici tui Deus, nimis confortatus est principatus eorum.* Catholica Ecclesia nullos omnino Deos, nullatque Deas, præter vnum adorandum numen agnoscit; quique secus sentiant omnes iuxta, ac sacrilegos Idololatrias detestatur; omnibus flammis expiandos iudicat, omnibus diris, prout naturæ humanæ quædam inuisa prodigia, execratur. ac si isti omniū importunissimi quadruplatores aliter aut suspicantur, aut dicunt, cælo, & terræ, superis, hominibusque immanissimè mentiuntur, ipsoque vetustissimo calumniatore diabolo magis inuerecundi, calumniando, effrenatique censendi sunt. Hæc recogitent, quos dixi, istius nationis magis cicures, hæc seriò seorsum ab ira, à pertinacia, atque ab errore perpendant. Qui verò præcipites alieno sensu magis, quàm suo, solo vicinorum exemplo, rebus non dicam dijudicatis, sed ne ad primos aures quidem admissis, gratis deuoluuntur in Tartarum, hîc, quælo, sistant gradum, illiusque Satyrici memores, *nec te quæsiueris extra*, intra se sese aliquando colligant, tum vanissimis mendacijs, atque calumnijs, quibus sese imbui siuerunt, ad tempus valere iussis, semelque propinquorum amicitia, vti Evangelio clarè tenentur, ob Christum abdicata, firmato vestigio, Catholicâ Religionem in otio ipsi circumspiciant; curiosius quid agat, quid præscribat, quid laudet, quid colat, quò tendat, quid spectet, quid moliat, quos mores probet, quos auctoretur, non aliena

calumnia, sed proprio iudicio, in rem præsentem, attentè considerent: sua vicissim nostris conferant, suas caulas, cum templis nostris, suos Ministros, cum nostris Põtificibus, Præsulibusq; omni maiestate illustrissimis; sua conuenticula circumforanea, cum Synodorù nostrarum, purpuratìque collegij amplitudine; suam voluntariam ex vrbibus, arisq; nostris secessionem, cum perpetua, inde ab Apostolis, principum orbis ciuitatum nostra possessione; sua superioris, hominibusq; (non sacra modò, sed ciuilia) inuisa dogmata, cum nostris omni rationi, diuinæque scripturæ consentaneis; suorum angulorum angustias, cum Catholicæ nostræ immensitatis infinitate; suam recentissimam nudiustertius paucorum coniuratione inuectam nouitatem, cum perenni nostra antiquitate comparent: hæc contraponant, hæc recogitent, consideratè, quietè, sollicitè: audeo iuratus affirmare, vnâ deinceps hybernæ noctem nunquâ in illa erraticarû opinionum inconsiderata, temeraria, ac deuia leuitate pernoctabunt. Qui porrò humanarum rerû questum, ac lucrum, illiusq; mundanę gustum prosperitatis, heu miseri! proiecti! desperati! omni Religioni, suæ conscientiæ, Deoq; pro nefas! & superis omnibus anteponunt, Idolorum mancipia Apostolo habitî, amurçæ mortalium, noui Titanes isto aëre, ista terra, ista clara luce, ista communi hominum societate, cæloque imprimis in perpetuum indignissimi, respiscant, me authore, maturè pedem referant, funem reducant, vela vertant: emergant, emergant subito ex illa immensa voragine, qua conclamati in baratrum immerguntur: inuenient in Catholica Religione præsentissimum,

opportuniſſimùmque remedium: qui ſi potiùs obdu-  
rati hac tam illuſtri Catholicæ gloriæ Maieſtate ſuda-  
bunt, ſudent ſanè, modò ne nauſcent. Denique qui  
propria opinione inflati, ſui ſenſus peruiſcia obſti-  
nati, erroris tetra caligine circumfuſi, diuturnæ aſſue-  
tudinis prauitate obdurati, maxima grauiffimorum  
ſclerum impunitate, horrendorum criminum licen-  
tia, conſcientiæ proiectæ, derelictæque inſenſili callo,  
iã non ſolùm perire dulce ducunt, ſed & alios in ruinã  
trahere honorificum, nigerrimę animæ, ingenia diui-  
no furori vindique obiecta, vaſa iræ, Dæmonũ deuota  
ludibria; egerant latè per viſcera glitcens venenum tar-  
tareum; ne animum abijciant tantum hauſtam è bara-  
tro ſuperbiam conſtanter eructent, ſupercilium abij-  
ciant, atque hoc tantùm. ſemel ratiocinando quàm  
lentè, quàm ſolidè, quàm ſapienter, quàm diuinè Ca-  
tholica Eccleſia omnia prouideat, conſultet, decernat  
aggrediatur, exſequatur, adminiſtret, vel hac vna S.  
Franciſcę conſecratione, æquo iudicio ipſi aſſequan-  
tur; ſpondeo, iuróque matrem experientur, quam no-  
ueram tantopere exhorreſcunt: maiorum ſuorum  
pios manes exhilarabunt, quorum Religionem, aras,  
templa, ſacra, tumulos, familias iniuſtiſſimè ipſi, defe-  
ctione non obſcura, non ſolum temerarij, verùm im-  
pij, ac ſacrilegi deſertores abiecerunt: ſin ſuæ ceruicis  
mori obſtinauerint, mentemque ad omnia impene-  
trabilem obſtipauerint; interim ſtante, conualeſcen-  
te, florente, regnante, creſcente, triumphante, ſancta,  
inſculpta, victrice, glorioſa, inuicta, æterna Religio-  
ne Catholica, tum ipſi interim fremant, crepent, ſub-  
ringantur, allatrent, & contabeſcant magis. DIXI.



